


No. **★ ★ D. 121.16**

The Public Library of the City of Boston.

May 1890.

May 1890.



ANTONII ROIGII MAGONENSIS

DE SACRIS

APUD MINOREM BALEAREM ANTISTITIBUS

SEVERO POTISSIMUM

DEQUE ISTIUS EPISTOLA

EXERCITATIO

ET IN EAMDEM EPISTOLAM

ANIMADVERSIONES.

PRAESIDIBUS ANNUENTIBUS

Palmae Balearium

Anno MDCCLXXXVII

151187

Excudebat Antonius Miralles Pro-Typograph. Reg.

Quod possumus laboramus.

S. Hieron. praefat. ad Pentatheuc.

Josiah H. Benton Fund

Dec. 13-1955

014

PETRO. RUBIO. BENEDICTO
BALEARIUM. ANTISTITI. OPTIMO
HISPANAE. GENTIS. ORNAMENTO
SACRAE. ELOQUENTIAE. COLUMINI
LITTERARUM. PRAESIDIO
DECORI. SUO. DULCISSIMO
OB. IMMORTALIA. IN. ECCLESIAM. MERITA
ANTON. ROIGIUS

H. O. D.

Digitized by the Internet Archive
in 2012 with funding from
Boston Public Library

ANTONIUS ROIGIUS

LECTORI SUO.

*P*Aucis te huius in opellae adi-
tu volo, non quod ab hominibus il-
lis, qui foenum habent in cornu,
Sectanea comparatione, nimium soe-
pè verisima, eidemque adiecto epi-
phonemate laccessiri verear, (a) sed
quia non eiusmodi est, ut multis
te

(a) Serm. III. de circumforanea Graeculorum
huius aetatis Litteratura.

„ Sunt hodie libri ut muliebria corpora, quae dum
„ Conclavi neglecta suo, atque inculta morantur,
„ Macra videbuntur, brevibusque simillima sardis.
„ Fac tectis prodire eadem spectanda per urbem.
„ Non eadem forma est; nam cum peronibus altis
„ Incubuerè pedes, cum tot redimicula frontem
„ Aedificant circum, & vestis sinuosa tumescit;
„ Protinus augetur species, maiorque videri
„ Atque alia: ingentes una implet foemina postes,
„ Angustatque viam, magnos imitata Elefantos,
„ Aut Orcam per aquas vasta se mole ferentem.
„ Non quidquid libro aggeritur liber est.

te morari debeat. In partes tribuitur duas. Exercitationem prior dabit, in qua paucis de Veteribus Minoris Balearis Episcopis, sat multis de Severo, pluribus de istius Epistola, ab immortalis Baronio publici iuris facta, (a) disse-remus, quam, cum animadversionibus in eandem, pro nata re, subiectis totam in posteriore describe-mus, quoniam rarissima apud Nos-trates eiusdem exempla esse probè nōrimus. (b)

Vellem profectò Deus immortalis fecisset, ut in qua vivimus In-sula,

(a) Quam idcirco aliquando *Baronianam*, *bodiernam* quandoque, *Severianam* soepissimè simpliciter vocamus.

(b) Quod in nonnullas S. Augustini Operum Editiones, & in Baronianos Annales tantum relata sit; quamquam & á Joanne Dameto hispana facta, notisque qualibus qualibus illustrata est.

sula, ea litterarum praesidia non
 desideraret, quorum maximam no-
 bis penuriam esse necesse est. Chris-
 tiana inter Balearium monumenta,
 & vetustate praestantissimae, &
 mille aliis nominibus pretiosissimae
 lucubrationum, è symbola in eam-
 dem quâ muniendam, quâ ornan-
 dam, pro mea virili, conferenda,
 splendidior, ni spe deludar inani,
 adeò lux affulsisset, ut cum Seve-
 rianis, cum Patriae, cum Eccle-
 siae, quae mihi non possunt non
 esse dulcissimae, rebus amplio-
 rem gloriae segetem per me partam, ip-
 se mihi fortassis gratularer, quo
 ut nihil magis in votis erat, in-
 cundius sanè nihil accidisset. Nam
 praeterquam quòd & multa, qui-
 bus in animadversionibus locum
 dare adigor, indicare satis fuis-
 set,

IV

set , & gravissimo testimoniorum ex omnis ferè generis scriptis syllabatim proferendorum oneri me subtraxissem , quod tam durum est quam saxum volvere ; de caris illis capitibus , quorum praesertim in gratiam provinciam hanc mihi decreveram , optimè merendi occasionem arripuissem quam libenter. Sed quae supererat viam ingressus sum. Fortassis domesticorum aliquis haud deerit , qui à politioribus artibus , ab accuratiore critica , ab uberiore sacrosanctae , profanaeque antiquitatis notitia longè me instructior , faustiore illam eventu terat. Horatium interea monentem audiam : (a)

„ Non possis oculo quantum contendere Lynceus,
 „ Non

(a) Epist. Lib. I. Ep. I.

„ Non tamen idcirco contemnas lippus inungi:
 „ Nec quia desperes invicti membra Lyconis,
 „ Nodosa corpus nolis prohibere podagra.
 „ Est quoddam prodire tenus, si non datur ultra.

*Ut ut legi volentibus cogitationes suas vernaculis litteris mandare mos iubeat; non is profectò doctarum frontium mos perpetuus, multasque Italia, Germania, Hispania, America, (a) gentes aliae, promptas paratasque habent, quò illis doleant oculi, qui (eloquentissimi Lagomarsinii (b) verba mea facio) “ latinam linguam tam-
 „ quam aetate iam grandi effoe-
 „ tam anum, turpem, rugosam,
 „ edentulam, deliram, aversantur,
 ¶ „ res-*

(a) Confer Politissimi Franc. Xaverii Lampillae cedro linendi operis cui titulus: *Saggio Storico Apologetico della Letteratura Spagnuola. Part. II. Tom. I. Dissert. II. §. 7. p. 214* notam.

(b) Orat. ad Florentinos pro Latina lingua.

VI

, respuunt, derident, exhibilantur,
 „ insectantur. “ Ego quoniam Se-
 verum latinè loquentem inducturus
 sum, & ut minus barbarus vide-
 ar, latinè scribam. Et quamquam,
 dum sanitas constabit, lepidum
 Thomae Serrani Vatis haud infi-
 ceti Epigramma pulchrè memine-
 ro: (a) impensè à me datam ope-
 ram non inficior ut eo uterer ser-
 mone, cuius dos una fortassis ab
 instituto meo haud abhorрere. Quei
 plura? Nihil enim iam restat, nisi
 ut quoniam

„ Induxi te ad legendum, sincerum mihi
 „ Candore noto reddas iudicium petam.

EXER.

(a) Inscriptum: de nova Litteratorum Seçta,
 quae unius puritatis sollicita, praecipuas orationis
 virtutes non curat, cuius initium est: Rogas me ut
 tibi dicam.

EXERCITATIONIS

Summa.

Baleari Minori sui quondam Episcopi fuere §. I. Non iam ab Apostolicorum Virorum aetate §. II. & §. III; tametsi secus nonnullis videatur, quorum argumenta solvuntur §. IV. & §. V. Nihil coniectura assequimur, ut quo primum tempore Balearibus proprii Antistites impositi fuerint, affirmemus §. VI. Equibus Severo nullum vetustiore novimus. §. VII. Et Macarius Nostras Antistes fuit. §. VIII. Veteres reliquos Minoricenses Praesules ignoramus, quod cui cui mirum esse non debere, cum luculentissimis exemplis, cum eiusce rei causa allata conficitur. §. IX. §. X. §. XI. ; Num in XI. Toletana Synodo Balearis Episcopi Tarraconensi Pontifici parere iussi sint? §. XII. Gerundensis Ecclesiae in Balearis Sec. IX. exeunte iura §. XIII. Nonnulla de quodam Deniae Ducis Hali Privilegio. §. XIV. Et rerum ferè omnium sequiore aetate apud Nos gestarum memoria deficit. §. XV. A multis de Severo interrogationibus abstinemus. §. XVI. Qui inquam Minoris Balearis Episcopus fuit. §. XVII. Non publicis religionibus consecratus. §. XVIII. ; An Augustinianus Eremita? incertum. §. XIX. & §. XX. Pius tamen. §. XXI. Et non indoctus. §. XXII. Unam Epistolam dedit. §. XXIII. in Uzalensi Ecclesia recitam. §. XXIV. Illius argumentum. Ibid, & occasio. §. XXV. Eam interpolatam Dumesnilius putat. §. XXVI., cuius opinio, quibusdam praemissis. §. XXVII. & §. XXVIII. confutatur ipsius Baro-

VIII

nii Narratione. §. XXIX. Severi aequalis testimonio. §. XXX. Exemplis. §. XXXI. Responsioni ansa praecisa. §. XXXII. Quorundam sententiis pro causa nostra indicatis. §. XXXIII. Aliorum iudicia pro eadem sistemus, qui data opera de Severiana hodierna lucubrationum verba fecere cet. §. XXXIV. Baronii Nota profertur. §. XXXV. Spondani pro Baroniano Severo sententia. §. XXXVI. Antonii Pagii §. XXXVII. Nicolai Antonii §. XXXVIII. & §. XXXIX. PP. Benedictinorum S. Augustini Editorum. §. XL. Martenei. §. XLI. Tillemontii. §. XLII. Hispani cuiusdam Historici. §. XLIII. Fleurii. §. XLIV. Morenasii §. XLV. Anonymi. (Racini fortasis) §. XLVI. Oudini. §. XLVII. Gottii. §. XLVIII. Michaelis à S. Josepho. §. XLIX. Richardii. §. L. Ursii. §. LI. Florezii. §. LII. Beraulatii Bechastelii. §. LIII. Criticae Regula ad rem nostram accommodantur. §. LIV. §. LV. §. LVI. §. LVII. §. LVIII. §. LIX. Et M. SS. iudicio nostro adstipulantur. §. LX. & §. LXI. Postremum pro eodem argumentum. §. LXII. Dumesnilius auditur. §. LXIII. Prima ipsius obiectio solvitur. §. LXIV. & §. LXV. Alterum argumentum Dumesnilii refellitur. §. LXVI. Tertium longa oratione confutatur. §. LXVII. §. LXVIII. §. LXIX. Quaedam de Veteris Cathecumenorum disciplinae asperitate, & diuturnitate in Magonensium Judeorum gratiam, haud iniuria, remissa. §. LXX. §. LXXI. §. LXXII. Visiones Severianis litteris proditae Dumesnilii stigmatate confodiendae non erant. §. LXXIII. De somniis à Severo memoratis disputatur. §. LXXIV. §. LXXV. §. LXXVI. Illis haud absimilia nonnulla indicantur. §. LXXVII. Nonnulla longo sermone expo-

exponuntur. §. LXXVIII. §. LXXIX. §. LXXX.
 §. LXXXI. §. LXXXII. De prodigiis, quorum apud
 Severum mentio disseritur. §. LXXXIII. Et singula-
 tim de globo igneo §. LXXXIV. De grandine man-
 na speciem preferente. §. LXXXV. De aqua in
 mel versa. §. LXXXVI. De suavissimo odore.
 §. LXXXVII. Ne quicquam Baroniano Severo bar-
 baries puerilesque nugae obiectae §. LXXXVIII.
 §. LXXXIX. §. XC.



I

PARS PRIOR
DE SACRIS
APUD MINOREM BALEAREM
ANTISTITIBUS,
SEVERO POTISSIMUM,
deque istius Epistola
EXERCITATIO.

§. I. **B**aleari Minori iam diu retrò actis temporibus proprios Episcopos praefuisse, cum iuniorum populus in exploratis habet; (a) tum id genus monumenta planè monstrant, quae & ab antiquitate veneranda, & plus vice simplici á nobis producenda sunt.

§. II. ; At quoto Aerae Christianae Seculo Sacra Nostratium Res suos per Antistites regi coep-

(a) Multos Rerum Balearium Scriptores Dametus *Historia del Reino Balearico* Lib. I. Tit. III., & Bonaventura Serra *Glorias de Mallorca* §. 12. appellant, alios laudabimus.

coepta est? Hanc sibi qui velint veniam sumant, ut quó Ecclesiarum exordia suarum angustiora faciant, vel ab aurea religionis nostrae aetate, Pontifices iisdem gubernandis impositos affirmant. Ego sané Epicharmianum illud decretum: *nervos, atque artus esse sapientiae non temeré credere*, (a) tota in hac quali quali opella animo obversari meo necesse esse intelligens, & sagacissimorum potius virorum negligentiam imitari optans, quam obscuram illorum diligentiam, qui de Ecclesiasticis gentis suae antiquitatibus orationem instituentes, falsis aliquando narrationibus, carbones pro thesauris vendunt, vel dubiis saltem quid lupinis aera distent ignorare videntur; tantum abero, ut primos Balearis nostrae Episcopos ab Apostolica memoria non multum abfuisse aiam, ut ne cogitem quidem.

§. III. Tametsi enim tacitus praeterirem quod simili plané in causa, doctissimus Matthaeus Aymerichius (b) disputabat, sedes Episcopales á Viris Apostolicis in Urbibus tantum Flaminum Augustalium Collegio, seu Sevíratu insignibus erigi solitas: in sacris Balearium

mo-

(a) Apud Tullium *de Petit. Consul.* n. X.

(b) *In Praef. Lib. II. Nominum, & Actorum Episcoporum Barchinonensium.*

monumentis hóspitem omnino illum esse oportet, cui penitus non perspectum sit, & apud Maiorem, & apud Minorem erectarum primordia densissimis adeó tenebris obvoluta esse, ut de iisdem vel qui acutum tam cernat, quam aquila, Actiaca graviolem pugnam iniri iure posse nullus addubitet. Desunt testes legitimi, mutauit antiquitas.

§. IV. Alia profectó in sententia Vir eruditus, mihiq; ut ipse videri vult, amicissimus fuit. At, quod eius pace dixero, vereor ne vel ut solido uno tibicine illam fulciret, tota licet, qua valet, ingenii, doctrinaeque contentione eniteretur, incassum eniteretur.

§. V. Frustra é prima Clementis ad Jacobum fratrem Domini, & tertia Anacleti Epistolis, ut Apostolica (iuvat eiusdem verbis uti) providentia, proprium Insulis nostris Episcopum designatum confirmet, Caietanus á Maiorica (a) praesidia comparabat. Utramque enim Epístolam supposititiam esse, & bene herclé subductis rationibus, Critici demonstrarunt. (b) Facilius é pumice aquam, quam é

A vul-

(a) *Loseta illustrada Cap. IV. Reflexion 2. n. 13.*

(b) Vid. Nat. Alex. *Hist. Eccl. Sec. I. Cap. 12.* & *Dissert. XXI.* Vid. & á Nat. ipso *Scholio II. eadem Dissert.* subiecto laudati.

vulgatissima Innocentii I. ad Decentium rescribentis sententia (a) „ Cum manifestum sit „ in omnem Italiam, Galliam, Hispaniam, „ Africam, Insulasque interiacentes nullum „ instituisse Ecclesias, nisi eos, quos venerabilis Petrus Apostolus, aut eius Successores „ constituerunt Sacerdotes,” pro Caietano quid eliceres. — At Hispano mari circumiacentes insulas Beatum Paulum Evangelicis institutis imbuisse, fructumque in illis laboris amplissimum sui collegisse, memoriae á Theodoretó proditum, (b) Baleares Scriptores (c) aiunt. Secus nec ne se res habuerit in praesentia haud disputabo; non quod Tillemontio, (d) Calmetio, (e) Sandinio, (f) de Apostoli in Hispaniam migratione nihil certi constituentibus subscribam; quam tum ob validissimas coniecturas, cum ob miram PP. consensionem extra

(a) Extat Innocentii, qua de sermo, Epistola in Gratiano Decreto dist. XI. cap. postremo.

(b) In Psalm. CXVI. & in II. ad Timot. cap. II.

(c) Mut. Hist. del Reyno de Mallorca Lib. XI. cap. I. Serra §. XI.

(d) Note 73. sur S. Paul. Tom. I.

(e) In cap. XV. Epist. ad Rom. vers. 24.

(f) Hist. Apost. ubi de S. Paulo §. XXV.

tra omnem dubitationis aleam esse (a) probé teneo , neque quod Selvagio policem premam , cui Cyri Praesulis loca à Muto , & Serra recitata de Britannia intelligenda esse clarius videtur (b) quam ut demonstrari possit , nam ego contra cur potius de Balearibus non intelligi debeant , haud herclê capio ; sed tantum quod eiusmodi velitationi instituendae locus heic non sit. Fuerit tamen ut Nostratibus lubet. ; Caietanum probabilia sequutum qui heinc conficiat , quid non sese confecturum sperare posset ?

§. VI. ; Quidni igitur subiiciet quispiam tam perobscura , implexaque in re coniecturam ducamus ? Huiusmodi causa nostra est , ut coniecturis , é quibus Minoricensis Cathedrae initia é Christi Seculo potius e. g. secundo , tertiove , quam é quarto deducere possimus ansam praecissam videam . Paucis. Qua tempestate Nostratia Sacra sui moderari Antistites occoeperint , qui me doceat , non vatem tantum optimum perhibebo , sed etiam

... erit

(a) Cons. Nat. Alex. Dissert. XV. in Sec. Chr. I. & in eadem Mansii Nota, Berti Isagog. ad Sacram Geograph. cap. III. Selvagius Antiq. Christ. Instit. P. I. Lib. I. cap. IV. §. VI. & alii á Serra laudati.

(b) Lib. I. cap. IV. §. II. P. eadem.

...erit mihi magnus Apollo.

§. VII. Haec cum ita sint, non dubito futuros esse plerosque, qui à me quaerant, ut quem Minoricensium omnium Episcoporum antiquiorem norim indicem saltem. Indicabo lubentissimè. Severo, cuius gloriae amplificandae, Exercitatiunculam istam consecramus, & quem anno à Virginis partu CCCCXVIII., vel paulo ante, (a) Patriae Praesulem auguratum scimus, vetustior mihi nullus innotescit.

§. VIII. ; Sed quisnam proxime Severo suffectus? Non liquet. Praecisè & restrictè aio quod sentio. ; Utinam Minoris Balearis Antistitum non dicam acta digerere, non syllabum ad temporum rationem exigere, sed vel nuda nomina mihi promere liceret! Maligno tamen prorsus sidere factum est, ut post Severum rebus humanis exemptum, unum Nostratum Episcopum Macarium norimus, illum inquam Macarium, cuius memoriam longa haud imminuet dies, quòd apud Sirmondum, (b) Harduinum, (c) alios, (d) in Episcopis Ca-

(a) *Ex eiusd. Epist. num. 3.*

(b) *In Notit. Eccles. African. Viêt. Vitens. de Pérsecut. Vandal. Libris adiecta.*

(c) *Reg. Collect. Concil. Tom. II.*

(d) *Carolus à S. Paulo in Geographia Sacra Notit.*

Catholicis (a) „ diversarum Provinciarum,
 „ qui Carthaginem ex precepto Regali vene-
 „ runt pro reddenda ratione fidei suae, die
 „ Kal. Februar. anno VI. eruditis, (sic Har-
 „ duinus) VII. VIII. aliis, Regis Hunnerici⁶⁶
 annumeretur. (b)

§. IX.

Notit. Italiae, num. 14. Florezium España Sagrada
Tom. I. cap. 15.

(a) Istos in *Notit. Eccl. Afric.* mox memorata
 CCCCLXVI. fuisse, é quibus LXXXVIII. vitam cum
 morte commutasse, é superstitibus, CCCII. in Afri-
 cam, in Corsicam XLVI. relegatos, XXVIII. fugam
 arripuisse, Confessorem unum, excruciatum alium
 leges, at quaenam Balearibus sors obtigerit non leges.

(b) Et in Sardiniae quidem Antistitibus hunc
 in modum :

„ Lucifer Calaritanus.

„ Martinianus de Foro Traiani.

„ Bonifacius de Sannasser.

„ Macarius de Minorica.

„ Vitalis Pulcitanus.

„ Felix de Turribus.

„ Elias de Maiorica.

„ Opilio de Ebuso.

Ex hoc porro Episcoporum syllabo (quod obiter mo-
 nuisse placebit,) & ex *Siricii Epistola Decretali ad*
Himmerium, á Veteris Hispaniae Sacrae provinciis
 Baleares segregandas esse Florezius recté conficit.
 Scio Mutium, Garibaium, alios, ab Illiberitanae Sy-
 nodi, alios á Constantini M. temporibus, Josephum

Bin-

§. IX. Si quis autem forté miraretur, ne quidem Veterum aliorum Antistitum Nostrorum nomenclatoris officio mihi fungi licere; mirari certe desineret simul ac non modò Maioris Balearis Episcopos, uno dempto Elia, á quo eandem cum nuper memorato Macario peregrinationem susceptam esse constat, praeclariori longé quam Minoris Ecclesiae regendae admos, verum etiam propemodum infinitos, illustrioribus administrandis praefectos, ne de nomine notos esse deprehenderit; parvulo autem labore deprehendere quicumque poterit, si ingentem adeó huiusmodi exemplorum copiam esse animadvertat, ut tametsi externa, eaque multitudine innumerable praetermitterem, domesticis paginam facere utramque, nullo negotio, possem. Unum, sed maximé luculentum à Viro in Eccle-

Binghamum, cui nuper apud Venetos *Lucii Paleotimi* persona aptata, extremo IV. seculo eas ad Hispaniam Ecclesiasticam pertinuisse non addubitare. Dissentio. Cons. Florez. loc. cit. Neque doctissimo Hieremiae á Benettis assentiri possum, qui *Privileg. in persona S. Petri Rom. Pontif. collat. Tom. IV. P. II. Prolegom. Artic. 2.* Balearium quondam Insularum Metropolim Palmam dicit, quae tamen ex Decretis Ecclesiasticis (subiungit) vindicari eidem nequit. Sed de his alio die.

clesiastica eruditione nemini secundo, Antonio Augustino afferam.

§. X. Is cum Ecclesiae suae Tarraconensis Antistitum seriem texeret, quae apud Philip-pum Mey Typographum suum accuratissimum anno MDXXC. in lucem prodiit, & qua Flo-rezcius *Hispaniae Sacrae* Tomum XXV. ve-luti gemma distinxit, in quinque primis Re-par. Salutis seculis certos dumtaxat quatuor Cathedrae illius Praesules invenit, haud ab alio quam à B. Fructuoso (XII. Kal. Januar. an-no CCLXIII. plus minus, invictissimo Mar-tyre) auspicia sumens, Fructuoso Himmeri-um, Ascanium, Joannem subnectens. (a) Non secus ac in Civili Vetere Balearium Historia evenit, nihil ferè in sacra est, quod, ne per nebulam quidem, videre queas. Circumfusa ubique caligine, incerta librabis vestigia, & si candidè servare decet loquendi libertatem, qui Ecclesiasticos Nostratum Annales conde-re aggrederetur, pondus non tractabile sibisumeret, & quod tractatum nitescere posse desperaret, fieri haud posset quin fastidii ple-nissimam spartam tandem aliquando non abii-ceret.

§. XI. Subactis enim Barbarorum ferro
flam-

(a) Conf. Aymerichius *Lib. I. P. I* §. XI.

flammaque Balearibus, multa, quae apud ipsas erant Episcoporum Acta suorum, multa Ecclesiarum decora suarum, multae sacrorum memoriae Virorum suorum periere, atque funditus ferè ista periere, ut quemadmodum infinitorum, iis planè de causis, monumentorum iacturam Hispaniae lumina deplorant; ꝫ ecquis nobis, ab hominibus illis, cum ad litterarum perniciem, tum ad Religionis sanctissimae dedecus natis erepta considerans, à lacrimis temperabit? Vel laceras hoc è naufragio tabulas, omni cariores auro, quæis sanum sinciput sit, Nostratibus habendas, nullus addubitarem: propterea quòd illud in factis nostris fuisse videam, ut Ecclesiasticas priorum seculorum, quales eaecumque essent Antiquitates nostras, ludum insolentem ludere pertinax sors, adeo nobis invideret, ut maximam illarum partem, si quas indicavimus, & quas adducturi sumus excipias, in dias luminis auras haud eductas probè sciamus, aliquando educendas vix audeamus sperare.

§. XII. In XI. Toletana Synodo, die VII. Novembris anno DCLXXV. habita, cum penes Wambam Hispanarum rerum summa esset, Balearium Episcopos Tarraconensi Praesuli parere iussos, vel, ne quis sua verba desideret, *suffraganeos factos* plerique tradidere. At Florezium egregiè contra disputantem sequimur, qui

qui nubem eos pro iunone amplexos Iuculentissimè ostendit. (a)

§. XIII. Petri de Marca cineres bene quiescant , á quo accepimus (b) Servum Dei (c) Gerundensem Episcopum , á Formoso Pontifice Max. an. DCCCXCII. consequutum fuisse , ut Ecclesiae suae bona , in quibus utraque Balearis erat , Apostolica autoritate (sic loqui amamus) confirmarentur. Et á Baluzio , Romani , cui , non múlto post Formosum , Supremum Sacerdotium commissum fuit , (d) Epistola ad ipsum Servum Dei descripta est , quae Ecclesiae Gerundensi facta tecta servari iubet “ domos , plebes , cellas , Ecclesias ,

B

Vil-

(a) *Tom. IV. Traët. 3. cap. 5. & Tom. VI. Traët. 6. cap. 13.*

(b) *Marcae Hispan. Lib. IV.*

(c) Is ille est *Servus Dei* , quo in vivis agente , *Hermemirum Frondoinus* Barchinonensis Praesul Gerundensem Episcopum inauguravit , eaque de causa Urgellitanae Synodo reus interfuit ; poenitentiaque obita , canonicam depositionem , quam promeritus fuerat , á se amovit.

(d) Ante quintum decimum Octobris diem anni proximi , quod ex Epistola , qua de sermo , Dumesnilius ad eundem annum colligit. Et quidem illius Epistolae haec est subscriptio : „ Scriptum per manum Sergii Serinarii S. R. E. mense Octobri Indictione prima“ Vid. *Append. Marc. Hispan. cap. 59.*

„ Villas , & Insulas Maiorica scilicet , & Mi-
 „ norica (sic) seu curtes , Parochias , ter-
 „ ras , vineas , prata , sylvas , una cum fa-
 „ miliis utriusque sexus , cum omnibus adia-
 „ centiis , seu pertinentiis suis , quae á piis Im-
 „ peratoribus , vel religiosis viris , vel ab aliis
 „ Deum timentibus in eadem Ecclesia Gerun-
 „ densi collata sunt , sicut ipse (Servus Dei)
 „ nunc usque legali ordine tenere videbatur.

§. XIV. At non apté satis heinc eliceres
 Balearem utramque , suis per ea tempora Epis-
 copis orbatam fuisse. Mendosè vero ex Hali-
 Deniae Regis Privilegio , quo de multis Da-
 metus , (a) à Diago primum , (b) dein á
 Marca sive Baluzio , (c) accuratius postremó
 à Florezio (d) evulgato , colligeres , cum
 Mahumeddanorum imperio Baleares preme-
 rentur , suum Nostratibus Antistitem haud de-
 fuisse , ut Maioricensibus ea tempestate im-
 positum ex eodem Sarraceni ipsius Principis
 Diplomate Vincentius Mutius (e) colligebat.
 Ego

(a) *Lib. I. Tit. 4. §. 3.*

(b) *Anales de Valencia fol. 242.*

(c) *Append. Marc. Hispan. num. 248.*

(d) *España Sagrada Tom. VII. Append. 3. Cons.*
 & ipse Florez. *Tom. XXIX. Tract. 65. cap. 6.*

(e) *Lib. XI. cap. 2.*

Ego sané, quamquam nihil non rerum fategerim ut elicerem, non exsculpsi.

§. XV. Verbo non amplius uno addam, & gestarum sequiore aetate nostra in Ecclesia rerum memoriam ita deficere, ut tantum sciamus à rudi licet, non tamen indiligenti Scriptore litteris proditum esse; (a) quemadmodum, post multas Iacobum inter Debellatorem, & Episcopum, Canonicosque Barchinonenses altercationes, transactum fuerat, ut primi Maioris Balearis Pontificis electio Iacobo Regi permetteretur, & deinceps eidem praeficiendus Antistes (quod totidem fere verbis, é vetere certe Instrumento apud Aymerichium (b) legas) eligeretur „ per Episcopum, & Capitulum Barchinonae, cum assensu Regis Aragonum, qui tunc regnabit, & de gremio Ecclesiae Barchinonensis, si ibi idoneus poterit reperiri; ” si quando Bailearem Minorem, Ebusumque Episcopali Cathedra ornari contingeret, é Maoricensium Canonorum collegio Praesulem iisdem regendis admoventum. Sed non multo postquam singulari numinis providentia Alphonsus Aragonum Rex

In-

(a) Binimelis *Historia del Siti, Poblacio, y cosas del Reyne de Mallorca. Lib. III. cap. 26.*

(b) *Lib. II. P. III. §. XII.*

Insulam nostram é durissima eripuerat servitute, inque pristinam asseruerat libertatem eamdem, Bonifacio VIII. annuente, (a) Maioris Balearis Antistiti subiectam fuisse probé tenemus. (b)

§. XVI. At de his, quae olim forsán iuua-
bit meminisse, sat, superque. Ad Severum
orationem convertamus. Principio, quod á
Thoma Riera (c) accepimus, eundem á non-
nullis Severinum dictum, non moror. Ab illis
etiam sciens, prudensque interrogationibus,
perquam extricatu difficillimis abstinebo; qui-
nam Severo parentes? quod natale solum?
(d) quo ille usus praeceptore? num artibus
quae ad humanitatem pertinent informatus?
quea-

(a) Bulla Avenione an. MCCLXXXV. data.

(b) Errant proinde, & splendidé errant qui cum
Ambrosium Catharinum, nomen de Schola Theo-
logis notissimum, cum Thomam Zerolam, canoni-
cae prudentiae Consultum, Episcopalibus Insulae nos-
trae infulis cingunt. Erroris causa facilis. Minorensem
Ecclesiam, quae in Regno Neapolitano sita est,
uterque administravit.

(c) In opere Hispan. cui titulum fecit *Joel Reli-
gioso* pag. 59.

(d) Sunt qui Jamnotana in domo, memoria nos-
tra, Templo, cui Deiparae á *Rosario* nomen, é re-
gione opposita, Severum natum aiant. Apage cano-
ram nugam.

quaenam ipsius antequam Pontificatum auspicaretur gesta? quae nobiliora iam Episcopi acta? & ut alia praetermittam, (a) quo anno natus? quo fato functus?

§. XVII. Severum Nostratum Antistitem iam diximus, neque dixisse poenitet: tametsi illum Maioris Balearis Lorinus, utriusque Ciaconius Episcopum faciant. (b) Nam ut taceam eruditarum frontium ingentem populum eadem in sententia fuisse; (c) *Minoricensis Insulae Episcopum* Christ. Sec. V. Scriptor, conceptis verbis, eundem vocat, (d)
&

(a) Fuit, & me non semel audiente fuit, qui Mogodae, nescio cuius, de Balearibus (ut ipse appellabat) vaticinia recitaturus, ab homine Severi domestico, & perquam eidem familiari fusa affirmabat. Ego, cui illa non tantum Oedipo egere, & verba quibus efferuntur recenti signata nota videntur, verum etiam Mogoda tam fictitiū est, quam mons aureus, funditus id missum fecissem, si ut catuli (absit iniuria verbo) olerent sues, vel si reperto pane ad glandes illi non redirent, quibus persuasissimum est nihil omnino falsum esse posse; quod á bono illo Mogodae laudatore audierint.

(b) *Locis allegandis.*

(c) *Infra laudandum.*

(d) Lib. de *Miraculis S. Stephani*, quos in Append. Libr. S. Augustini de *Civit. Dei* Maurini translulare, Lib. I. cap. 2.

& ipsemet Severus *Jammonae*, & *Magonae*, quae *Insulae Minoricae oppida* vix dixerat, *Sacerdotalis officii pondus sibi impositum* disertissimé refert. (a)

§. XVIII. Popularibus nostris Severiana notitia non tam imbutis quam tinctis, quibus é Sac. Interpretibus, (b) & ex Augustiniano Sodalitio, (c) & é Balearibus Historicis (d) nonnulli suffragantur, eo Severum officio colere solemne est, ut eius nomen efferentes, *Sancti* vocabulum praemittant. Sed neque patriis, neque externis religionibus illud consecratum reperimus. Jacobus etiam Caresmarius Praemonstratensis Canonicus, Cathalaniae splendor suae, Ecclesiasticarumque Hispaniae Antiquitatum infatigabilis indagator, Domenechii, (e) & Aymerichii, (f) hac in re diligentiam longo post suam relinquens intervallo,

(a) Num. 2.

(b) Ut Alapide, & Lorino in *Aëtior. Apostol. cap. VII.*

(c) Riera loc. laud. Jordanius *Historia de la Provincia de la Corona de Aragon de la Orden de S. Agustin P. IV. cap. I.*

(d) Dametus *Lib. I. Tit. III. Mut Lib. XI. cap. I.* Serra §. 12.

(e) In *Vita S. Severi Barchin. Episcopi*,

(f) *Lib. I. P. II. §. II.*

vallo , cum Severos *Sanctorum* nomine insignitos , plusquam decumano labore , numerandos suscepisset , duorum supra triginta syllabum texuit , (a) Nostratem in illis non annumeravit , quem tamen Ecclesiasticos inter Scriptores cognomines , paucis interiectis , his verbis locat : (b) *Severus Minoricensis Episcopus*. ; Quorsum igitur pedem inferremus quò intulisse piaculo esset ? At *Sancti* illum praeconio laudatus iam , soepius vero laudandus Scriptor prosequutus est. (c) Haud secus , ac Episcoporum quemlibet ea tempestate , (d) apud Graecos nostra , (e) fidelium quemcumque

(a) Dissert. cui Titulus *S. Severus Episcopus & Martyr, Sedi & Civitati Barchinonensi noviter assertus & vindicatus Cap. I. num. 50.* proximo numero subiungens : „ Hi sunt, quos ex Moeneis, Martirologiis, Menologiis, Hagiologiis, & Kalendariis vetustis, quae edita sunt á Bollandianis sparsim in vastissimo suo opere de Actis SS., quae á Dacherio, Martenio, & Ursino Durando, Bechio aliisque, quae á recentioribus huius generis scriptis seorsim editis, tum particularium Ordinum, vel Statuum, tum Regnorum, & Provinciarum, quae utcumque reperire potui, collegi.

(b) Num. 51.

(c) Lib. de *Miracul. S. Stephani loco cit.*

(d) Conf. Baluzius initio *Notarum in Salvianum.*

(e) *Lettres Edifiantes Let. I. Tom. I. Edit. de 1780.*

que Apostolica, (a) eodem ornari moris erat, reponerem.

§. XIX. Sunt, si Jordanio fides, (b) qui Eremitarum Augustinensium familiae Minoricensis Severum cooptatum affirment, & Jordanius ipse veri id putat similis. Non is ego sum, qui quasi crambem non satis esset saepissime recoxisse, de Augustiniana Monastica Sodalitatis initiis, periculosae plenum aleae opus fortassis tractaturus, disputationem institutionem. Nimio plures haud deerunt, qui pronata re, vel occasione arrepta, eam ultró citróque agitent, quos ego otiosus pugnae spectator viderem

Et cantare pares, Et respondere paratos.

Cl. Thomassinii verba (c) huc lubens transfero:
 „ Non mihi heic ego partes assumo iudicis,
 „ vel arbitri; tanti non est mea vel peritia,
 „ vel

(a) Vidend. Spondanus in *Epitome Baron. Anal. ad annum XLIII. num. 4.*; Selvagius *Lib. I, P. II. cap. 15. §. 1. num. 5.* & Benedictus XIV. in *Litteris Apostolicis de Nova Martirologii Rom. Editione ad Joannem V. Lusitaniae Regem num. XXXII.* quae & in Operum eiusdem Pontif. Tomum VI. Edit. Rom. an. 1767. translatae sunt.

(b) *Loco cit.*

(c) *Vet. Et Novae Eccl. Discipl. P. I. Lib. III. cap. 2. num. 7.*

„ vel autoritas. Meam tamen praefatus reve-
 „ rentiam, & observantiam summam in eos
 „ omnes, qui tam pulchra & laudabili cupi-
 „ ditate adoptandi sibi Parentis, & Patroni
 „ Augustini flagrarunt :: dicam quod propius
 „ à vero abesse mihi visum est.” Nihil testi-
 monio, nihil coniectura confici posse animo
 assequor, ut Augustinianis Eremitis Severum
 adsciscere queamus. At Monachos Christiano
 Sec. V. ad Ecclesiarum gubernacula tractanda
 assumptos, Baronio praede advocato, (a) Jor-
 danius continuó subdit : Severum autem, iis-
 dem pené diebus, quibus Magonem Orosius
 pervenerat, *Sacerdotium* adeptum fuisse. (b)
 ? Quid tum postea ? Augustino duce, auspice,
 conditore, Seminaria per Africam excitata,
 quae ex Hipponensi, tamquam é fonte redun-
 darunt, & multos & egregios Pontifices datura
 liquet ; (c) quod Jordanius pronuntiat non
 liquet. (d) ? Ecquis facile sibi ipse non persua-
 deat

C

deat

(a) *Ad ann. CCCXCVIII.*

(b) Ex eodem Severo *num. 3.*

(c) Cons. Thomassin. *Lib. cit. cap. 3. n. 11. & 12.*

(d) Vid. Thomassin. *Lib. cit. cap. 2. 3. & 12.*

aut saltem qui Thomassinii argumentorum summam
 dedit Selvagius *Lib. I. P. II. cap. XIII. §. 2.* Vi-
 dendus & pro Augustiniensium Monachorum in alia
 pror-

dear haud paucos é Romanis, Vercellensi, Volscorum, & Tusciae Insularum coenobiis, Hieronimi sermone (a) nobilibus, ad Episcopatum evectos? ; Nullusne Pontifex renuntiatus ex infinita illa Ascetarum multitudine, Caprariam, & Gorgoniam Tyrrheni maris insulas incolente, de qua eleganter, ut cum Marshamo loquar, sed non christiané (b) Rutilius Numatianus cecinit: (c)

„ Processu pelagi jam se Capraria tollit

„ Squallet lucifugis insula plena viris

„ Ipsi se Monachos Graio cognomine dicunt

„ Quod soli nullo vivere teste volunt

(„ Munera fortunae” cer.

; Annon é Gallia, qua tota, ut Norisii verba (d) mea faciam, post annum CCCC. Monachorum coetus, velut fecundissima apum examina excrevere, innumeri propemodum Coenobitae Ecclesiarum regimini admoti? ; Sed haec quorsum? Sulpitius Severus, quem pluris hac in re, quam auritos testes decem facio, de Coenobiis cum Turonensi, cum Medio-
la-

prorsus abeuntium sententia unus pro cunctis Bertius in *de Rebus gestis S. August. cap. XXIII. & seqq.*

(a) *Epist. ad Ocean. in Chron. & aliis in locis.*

(b) *In Propyl. ad Monasticum Anglicanum.*

(c) *In Itinerario ad Venerium Rufum.*

(d) *Hist. Pelag. Lib. I. cap. 3.*

lanensi, quod & Augustinus *plenum bonis fratribus* fuisse ait, (a) à B. Martino conditis
 „ Plures, inquit, (b) ex his postea Episcopos
 „ vidimus; quae enim esset civitas, aut Ecclesia
 „ quae non se de Martini Monasterio cuperet
 „ habere Sacerdotes?“ Et ut pauca de Lirinense
 adiiciam, fortassis anno circiter CCCC, (c) vel
 à CCCCX, ante medium seculi V. certè, aedifi-
 ficato, ex eo Sanctissimos Praesules memoria
 prodiisse sua Caesarius Arelatensis Antistes au-
 tor est. (d) „ Beata (haec illius sunt) &
 „ felix insula Lirinensis, quae cum parvula,
 „ & plana esse videatur innumerabiles ad coe-
 „ lum montes misisse cognoscitur. Haec est
 „ quae eximios nutrit Monachos, & praestan-
 „ tissimos per omnes Provincias erogat Sacer-
 „ dotes, ac si quos accipit filios, reddit Pa-
 „ tres.“ Et multò ante Caesarium C. Sol-
 lius Apollinaris Sidonius in hunc modum Faustus
 Reiensem Praesulem alloquebatur (e)
 „ Seu te Lirinus priscum complexa parentem est,
 Quo

(a) *Confess. Lib. VIII. cap. 6.*

(b) *In Vita Martini Lib. I. cap. 6.*

(c) Mabillon. *in Append. Tract. de Stud. Monast. Art. 22.*

(d) *Homil. 25.*

(e) *In Carm. Eucharist. ad eundem Faustum versus finem.*

„ Quo tu jam fractus permagna soepe quiete
 „ Discipulis servire venis. . . .
 „ Fratribus insinuans quantos illa Insula plana,
 „ Misserit in Coelum montes, quae sancta Caprassi
 „ Vita senis, iuvenisque Lupi, quae gratia patrem
 „ Mansit Honoratum, fuerit quis Maximus ille,
 „ Urbem tu cuius Monachusque, Antistes, & Abbas
 „ Bis successor agis, celebrans quoque laudibus illis
 „ Eucherii venientis iter, redeuntis Hilari.“ (a)
 Atqui omnes, quibus de haëtenus, Monachos, cum extra Augustinianae Reipublicae confinia deportandos, domesticorum phalangem nihil metuens, Norisius uberrimè juxta, ac eruditissimè evincat; (b) ꝫ ecurr in Eremitico Augustinienfi Sodalitio religiosum abs Severo sacramentum dictum crederemus?

§. XX. Et his quidem iudicii mei, si quid illius est, summam habes. Augustinum mo-
 nentem audivimus (c) „ quaeso deponite stu-
 „ dia partium; & verum non vincendi, sed
 „ inveniendi gratia quaerite.” Refelli sine per-
 tinacia parati sumus, „ parati quoque cor-
 „ rigi,” ut Augustini voces iterum mutuas su-
 ma-

(a) Caprasium si demas, quos Sidonius memorat Episcopi omnes fuere, Honoratus, & Hilarius Arelatenses, Maximus Reiensis, Eucherius Lugdunensis.

(b) *Hist. Pelag. Lib. I. cap. 23. & Lib. II. cap. 2.*

(c) *Lib. II. de Moribus Manichaeor. cap. 3. n. 5.*

inamur , (a) „ si fraternè ac rectè repre-
 „ hendimur , parati etiam si ab inimico, vera-
 „ tamen dicente ; mordemur. “ Quamquam
 Augustiniani Eremitae tantum aberunt ut ne
 minimam quidem honoris accessionem rebus
 fieri suis putent , si viros , quà à natalibus,
 quà à muneribus praeclarè administratis , quà
 à morum integritate , quà ab eximia doc-
 trina conspicuos , in familiam adsciscendos
 suam asseveremus , qui num ex ea fuerint
 nec ne adhuc sub iudice lis est , ut latam ab
 integerrimo Benedictinorum Congregationis
 S. Mauri conventu, an. MDCLXXVII. habito,
 simili planè in causa , adversus Bastidam , pro
 Eruditissimo Mabillonio , sententiam , se ve-
 hementer probare exemplis ipsis confirmant,
 probè conscii haud alienis exuviis , dubiisque
 decoribus egere se , infinitis nominibus de Ec-
 clesia immortaliter meritos , & quorum , ceu
 de dulcissimo eorundem praesidio Augustino,
 Aeneas Sylvius, postea Pius II., verissimè scrip-
 sit : (b) *tanta gloria est ut neque ullius laudi-
 bus crescat , vituperatione ve minuat.*

§. XXI. Vix dum lucubratiunculam Severo
 repetendam ob oculos posueris , iucundum ti-
 bi,

(a) *Lib. II. de Trinit. cap. 9. n. 16.*

(b) *Ep. 130. ad Card. Carvajal.*

bi, quas ille excolebat virtutum spectaculum se obiiciet, & non earum tantum, ad quas humanum omne genus divinitus eidem concessus institutor movebat, impellebat, inflammabat; sed illarum potissimum, quas ad Sacerdotii fastigium evecti colere potissimum debent, in quibus praedicandis Sacrorum tota Oratorum natio, & exultare solet, & triumphare.

§. XXII. Severi ad eruditionem quod spectat, satis se in divini foederis utriusque oraculis versatum, maiorum placitis venerandis informatum, Ecclesiasticae disciplinae peritum, quin & in patriae historia non omnino hospitem fuisse, & multis, & perspicuis argumentis ipse evincet.

§. XXIII. Quamquam Antonius Possevinus, (a) Michael a S. Josepho, alii (b) duas Severo Epistolas tribuant, alteram ad Uzalensem Antistitem Evodium, quam Baronio praede advocato, in Vaticana Bibliotheca custodiri Riera subiungit, (c) alteram ad Universam Christianorum concionem: unam hanc Severo adiudicandam aio, quod ab ocula-

(a) *In Apparatu Sacro Tom. III. Edit. Venet. an. MDCVI. pag. 211.*

(b) *Infra laudandi.*

(c) *Pag. 60.*

culato teste acceperim, istam dumtaxat laudata in Bibliotheca, quae nullam à Rierae aetate monumentorum iacturam passa est asseruari, & quod haud exiguum doctorum capitum numerum mox appellandum, & quòd Baronium ipsum (a) mecum consentientem habeam, qui haud aliam à Severo Epistolam, quam ad omnem Ecclesiam datam memorat.

§. XXIV. Hanc equidem in Uzalensi, quam Evodius Episcopus administrabat, recitatam illius temporis Scriptor luculentissimè testificatur, (b) qui & eiusmodi argumentum fuisse dicit: „ gloriosi Stephani virtutes, quas „ in Insula (Baleari Minori) per praesentiam „ reliquiarum suarum in salutem omnium illic „ credentium perfecerat Judaeorum. “ (c) ; Quid vero causae fuit ut ad universam Rem J. C. publicam eiusmodi narrationem dirigere operae pretium Severus duxerit?

§. XXV. Orosius, una cum sacrarum Stephani exuviarum particulis, & Luciani de
ea-

(a) *Loco infer. recitando.*

(b) Libro de *Mirac. S. Stephani cap. laud.* quod & Tillemontius, & Fleurius, & alii videre.

(c) Et apud alias lectam Ecclesias, altum licet hac de re Augustinus sileat, contra quam Alphonso Ciacconio videatur in *de Vit. & Gest. Summ. Pontif.* (ubi de Zosimo) ; ecquis addubitaret?

earum *Revelatione* Epistola, (a) Hispania: remigrare constituerat. Sed Magonem appellere coactus, in eius oppidi Ecclesia dulcissima Martyrum coriphoei pignora collocat. (b) Magonem Severus illicó advenit, eaque videt *magnalia, quae apud nos Christus, Stephani interventu, operatus est*, (c) quaeque licet, & dictu, & visu mirabilia futura expectare potuisset, expectationem tamen vicissent suam, illorum potissimum: Magonenses quotquot erant Judaei sese in Reparatoris fidem, triumphumque dedunt. Haec anno á parta Orbi salute CCCCXVIII. gesta sunt. Haud mora. *Veridico* idem ipse Severus *sermone ea referre* aggreditur, (d) & ut christianarum ubique gentium celebrentur, litteris mandat.

§. XXVI. Plenis hætenus velis. Jam nobis remoram iniiciet Dumesnilius, qui *Librum XXI. Doctrinae & Disciplinae Ecclesiae* (e) vix auspicatus, sic pergit: „Haec „pauea é longiore Severi Epistola delibavimus, „quam

(a) Sic ea, de qua multis inferius, inscribitur.

(b) *Epist. Severi num. 3.*

(c) *Num. I. eiusd. Epist.*

(d) *Num. I. Epist. eiusd.*

(e) Juvat quod de hujusce operis pretio Michael

„ quam putamus interpolatam plurimis factis
 „ extraordinariis, & mirabilibus inter se malé
 „ consutis. “ Atque ut id ostendat, ea adhibet
 argumenta, quæ opportuniore loco singula-
 tim proferam, & quæ non oppidó tantum
 ingeniosa, sed etiam similia veri videantur.
 Validé egregius Scriptor causam egit suam.
 Ego tamen aliam prorsus contra tueor, &
 efficiam fortassis, efficere certé conabor, ut

D

si

á S. Josepho (*in Bibliograph. Crit. V. Ludovicus Du-
 mesnil.*) statuit, in medium afferre: „ Egregius autor
 „ id circa universalem Ecclesiae historiam re ipsa
 „ praestat, quod in Tripartita exigui temporis nar-
 „ ratione Cassiodorus praestare cogitaverat. Accedit
 „ haec auctori, operique laus nempe quod His-
 „ toricum pollicitus, Theologum insuper exhibet, dum
 „ á narrationis serie, & simplicitate non recedens,
 „ singularum aetatum recta, pravaque dogmata, non
 „ adulterata, sed ipsis Autorum verbis expressa re-
 „ citat, atque recenset, & recensendo confirmat,
 „ refutatve Adde in hoc ipso opere inveniri
 „ quamdam veluti Bibliothecam Scriptorum Eccle-
 „ siasticorum XII. priorum Ecclesiae seculorum,
 „ quorum praecipua opera designat, argumenta
 „ recitat, atque de eorundem qualitate, sobria
 „ quadam, ac prudenti critica, plerumque edisserit.
 „ Pulcherrimae prorsusque utilissimae sunt vario-
 „ rum Scriptorum Synopses á nostro Ludovico
 „ consignatae.

si quis arbiter honorarius illud ex XII. Tab. lege *melius*, *aequius* hoc in iudicio sequatur, neque á maioris prae Dumesnilianae probabilitatis gradu meam excidere sententiam pronuntiet, neque operae in Baroniana Epistola Severi, huic ex asse vindicanda locatae, olim me verear poenitendum.

§. XXVII. Id autem ubi mihi perficiendum constituo, cohibere me non possum, quin postquam nonnulla, de Baronianis maximé Annalibus in universum, mihi non inutilia, aliis ut spero non iniucunda praemisserim, ab ovo, ut in proverbio est, ad mala usque, rem consecrer.

§. XXVIII. Non ego, rudis licet Minervae homo, manus confestim ei darem, qui codici, qua re ipsa caret auctoritatem, inde arcesseret, quod in Urbis principe Bibliotheca proffet, quam ab ipsomet Baronio *sagenae missae in mare*, & *ex omni genere piscium congreganti* comparatam, clarus, tametsi luxuriantis quandoque ingenii, Theologus animadvertit. Non cum Baronio errare mahlm, quam cum aliis vera sentire. Non enim tantum apud me de Ecclesiasticorum Annalium Parente opinio praeiudicata potest, ut sine ratione valeat autoritas. E Sirmondianis fontibus quae ad ameniores litteras pertinent, in hortos suos Baronius derivavit.

vârit. (a) Athenas usque , quod ipsi Basnagius exprobare haud debuit, non navigârit. Hebraicè satis doctus non fuerit. Longius non semel, quam res postulabat à via digrederetur. Eiusmodi aliquando argumentata attulerit, á quibus consultius abstinuisset , & , quod si praeterirem naso me adunco hypercritici suspenderent, Veterum legitima scripta à suppositis, interpolatisque non semper discreverit. Uno verbo: suis Baroniani Annales maculis , quas aut humana parum cavit natura, aut incuria fudit, offendantur. Quid tum inde?

§. XXIX. Causae arcem , nam quod instat agendum , ingrediamur , & neminem futurum esse puto, qui simul ac Baronii de Severi Nostratis Epistola abs se inventa narrationem expenderit , non illi fidem continuó accomodaturus sit. Prodit se extemplò ingenuus candor , simplicitasque gratissima. De re oculis subiecta propriis Vir clar. verba facit , qui tam gnaviter faustisque adeó avibus in huiusmodi litterarum genere operam posuerat , ut laudatore inimico Jsaaco Casaubono, (b) omnibus sua diligentia palmam praeripuerit. At-

qui

(a) Vid. Baillet *Jugemens des Sçavans tom. II. pag. 2.*

(b) *Prolegom. ad Exercitationes in Baron.*

qui idem ipse est Caesar , qui Severi opel-
lam integram á se repertam ait , qui se re-
perisse Stephano in acceptis refert , sibi que
gratulatur , qui describit , qui tamquam pan-
num , qui laté splenderet , Rerum in Eccle-
sia Sec. V. gestarum expositioni assuit , qui
paucis , sed eruditis notis ornat , qui Evodio
redditam asseverat. Haec illius sunt : „ Conti-
„ git hoc anno (CCCCXVIII.) conversio Ju-
„ daeorum Insulae Minoricensis , virtute sa-
„ crarum Reliquiarum S. Stephani Protomar-
„ tyris , quas Orosius secum in Hispaniam
„ vexit. Acciderunt quidem res admirandae,
„ toti christiano orbi factae perspicuae ex lit-
„ teris circularibus Severi eius Insulae Episco-
„ pi , ad omnes Ecclesias datis , & publicé
„ ubique lectis , quas inter alios accepisse li-
„ quet Evodium Episcopum Uzalensem , &
„ coram populo eas recitare fecisse , id enim
„ inscriptus ad ipsum liber testatur.” Pergit, é
libris de Miraculis S. Stephani testimonio,
mox á me recitando allato. „ Datum est au-
„ tem nobis ut inter scribendas Vaticanae Bi-
„ bliothecae antiquitates, eandem reperiremus
„ Severi Epistolam integram, quam describere
„ ut egregium antiquitatis monumentum dig-
„ num existimavimus.” Vel unum mihi Ec-
clesiasticorum Annalium , cedo locum , ubi,
si omnia in eum confluxerint , quae pro
ho-

hodierna Severi lucubrationuncula Baronius persequitur, non dicam oppugnari, sed ne impugnari quidem iure hic possit.

§. XXX. Patientem tantisper aurem probatae fidei historico porrigito. Sic ille: (a)
 „ Eodem die quo ingressae sunt Ecclesiam
 (Uzalensem, in Africa Proconsulari sitam,
 & Uticensi vicinam) „ Beati Stephani reli-
 „ quiae, in ipso principio canonicarum lec-
 „ tionum, Epistola ad nos quoque delata cu-
 „ iusdam Sancti Episcopi, Severi nomine, Mi-
 „ noricensis Insulae, de pulpito in aures Ec-
 „ clesiae, cum ingenti favore recitata est, quae
 „ continebat gloriosi Stephani virtutes, quas
 „ in Insula memorata, per praesentiam reli-
 „ quiarum suarum, in salutem omnium illic
 „ credentium perfecerat Judaeorum. Unde ex
 „ hac recitatione talium factorum suorum,
 „ tamquam extensione manuum suarum ac-
 „ clamantibus, & exultantibus fidelibus ipse
 „ dicere videretur: *Ecce habetis Martyrem.*”
 Isthoc sané testimonio, cuius Baronius priora
 verba recitavit, non possum heic ego loci,
 & soepenumero non uti libentissimé, quo-
 niam, licet ab Evodio haud datum esse pro-
 bé

(a) Lib. de Miraculis S. Stéph. cap. 2. versus clausulam.

bé teneam, (a) ab Anonymo, (b) eiusdem cum Severo, & cum Evodio aetatis, (c) & Monacho, si Bertium audias, (d) Clerico fortasis, (e) & Viris praeclarissimis in pretio habito, (f) & ex opere in quo multa bona sunt, & in quod multa é Severiana opella translata, (g) dictum esse nullus dubitem.

§. XXXI. Neque profecto video quid firmissimo huic argumento reponi queat; Quot enim Veterum lucubrationes ad nostra usque, proximave tempora prorsus ignotas in medium afferre liceret, quas vel iuniorum columnina criticorum, iisdem illis, quibus tribui

so-

(a) Cum Torellio, Lovaniensibus, & Benedictinis Augustinianorum Operum Editoribus, Dumesnilio, Bertio, qui tametsi *de Miraculis S. Stephani* Libros Evodio plerique tribuerint, Evodio abiudicandos esse demonstrant. Conf. Maurinorum in eosdem Libros *Admonitio*.

(b) Isthoc nos illum vocabulo, sive *Uzalensem Anonymum*, sive *Uzalensem* tantum, brevitatis ergó, assiduó appellabimus.

(c) Conf. ejusdem *Lib. Prologus*, & quae Prologo subiecta sunt.

(d) In Append. Oppellae *de Rebus gestis S. Aug. ubi de Anonymo*.

(e) Vid. Ursius *Hist. Eccl. Lib. XXVII. n. 80.*

(f) Baronio, Lambertinio, Gottio, aliis.

(g) Conf. nostras in Sever. Epist. notas.

Solitae sunt, ex asse adiudicandas, sin aient, vix non assentirentur? Haud opus est è campis ultimis documenta repetere. ꝫ Eccui enim sodes incompertum, ex uberrimo Sacrae antiquitatis latifundio divitem id genus scriptorum suppellectilem erutam, quorum tametsi superiore memoria nulla feré mentio, á Viris in Ecclesia illustribus, quorum praeseferunt nomina, quanta eacumque ad nos pervenerunt, re quidem vera litteris consignata, aequissimi iudices pronuntiant? De epistola lis est, ab epistolis veritatem exquirere pergamus. Antequam Firmilianica á Morellio, (a) Paciani à Tilleto, (b) Severi Sulpitii ad Claudiam Sororem altera de *ultimo iudicio*, altera de *Virginitate* á Stephano Baluzio, (c) Augustinianae ordine chronologico XXIX, ad Alypium, ad Paulinum XLII, & XLV. á Benedictinis, ad Petrum & Abraham à Godefrido Gottuvicensi Abbate, (d) Luciani à Joanne Ulimerio,

(a) Inter Cyprianicas Edit. Baluz. LXXV. Et *Nota I.* eamdem in Epistol. & Sbaralea adversus Missorium disputans confer.

(b) Lutet. Paris. an. 1539.

(c) *Tom. II. Miscellan.* Edit. Lucensis á Mansio accuratae an. 1761. pag. 1. & seqq.

(d) Viennae Austr. an. 1732. Conf. Mansii *nota*, Nat. Alex. de S. Aug. eiusque scriptis §. IX. subiecta.

rio, (a) Valeriani Cemelenensis de *Virtutibus & ordine doctrinae Apostolicae*, multae cum Sidonii, cum Ennodii á Jacobo Sirmondo, (b) multae preterea Ruricii ab Henrico Canisio, (c) nonnullae Leonis á Petro Thoma Cacciario, (d) multae Braulii Caesaraugustani ab Emmanuele Risco (e) in vulgus ederentur; & plurimumne illae in manus quam Severiana venerant? & Crebriorne de illis, ac de nostra sermo iniectus fuerat? & Num tam valida ac istam aegide tutas eas diceres?

§. XXXII. Verum, ne quid ipse dissimulem, aliis Veterum nuper laudatorum lucubrationibus, quas memoravi tam similes, quam, ut in adagio est, aquam aquae, & videri, & esse iam audio. & At quorsum hoc? Praeclaré Criticorum Censor Honoratus á S. Maria totidem feré verbis dixit, (f) & luculentissimé uberriméque demonstraverat „Styli
 „dis-

(a) De qua multis inferius.

(b) Inter ipsorum Ennodii & Ruricii á se vulgata Opera.

(c) In *Thesouro Monumentorum*.

(d) *Tom. II. Oper. SS. buius Pontif. Edit. Rom. an. 1755.*

(e) *Hispan. Sacrae Tom. XXX.*

(f) *Animadvers. in Reg. & usum Critices Tom. I. Dissert. III. art. 6.*

„dissimilitudo, aut aequalitas non semper via,
 „& ratio tuta est, ad dicendam de vero alicu-
 „ius operis autore sententiam, praecipué vero
 „repetenti memoria incredibilem nonnullorum
 „criticorum libertatem, qua secundum prae-
 „iudicatas opiniones, & privatum iudicium
 „de Scriptorum stylo pronuntiant.” Quin &
 Dumesnilius ipse, qui tam bene id nôrat quam
 puella matrem, „incertam, imó falsam
 „illorum Criticorum regulam esse animad-
 „vertit, qui ex sola styli diversitate quaedam
 „opera PP. abiudicant, praesertim cum haec
 „diversitas soepé controversa sit.” (a) Ut una
 praeterea à Severo Baroniana, una á quibus-
 dam mox memoratis Epistola data est. ; Quei-
 igitur deteriore quam illae conditione isthaec
 habenda? Ego sané non capio, non intelligo.

§. XXXIII. Neque illi profectó intellexis-
 sent, qui oratione de ea sive suscepta, si-
 ve iniecta, ne tantillum de eiusdem fide sol-
 licitos sese indicavere, imó & à nostris par-
 tibus steterè. Equidem ipsa res me monet ut
 plerosque testes heic non appellem, sive quód
 quantum ad aliud institutum erat, tantum dixe-
 rint, sive quód vera à falsis vix seiunxerint,
 sive quód non tam in Criticis, Historicisve,
 E quam

(a) Lib. XV. num. 141.

quam Asceticis annumerandi, sive quod commodiore loco producendi sint. Et é Baroniana vestigia prementibus duos tantum producam. Rerum etiam Balearicarum Scriptores, praeter unum Bonaventuram Serram tacebo, qui non unum pro sententia nostra Scriptorem indicavit, & putans meas nugas aliquid futuras, ut scriptiunculam hanc absolverem, meam à me fidem repetere non destitit.

§. XXXIV. Illos duntaxat iudicii nostri praedes sistemus, & ex iisdem nonnullos loquentes inducimus, qui meditati, vel data opera de Baroniana Severi Epistola, sermonem instituere, vel ex eadem argumenta deprompsere, nimirum quos & Dumesnilius à me advocari molesté haud ferret, quoniam indignoscendis ex Ecclesiastica antiquitate monumentis, omnes feré valebant maximè; atque ideo potissimum sistemus, ut cum ex eorum agendi ratione, cum verbis inter se collatis, quae Dumesnilio non placebant, suis indigna calculis haud duxisse, imó & probasse appareat. Eorum, ut Augustinus dissimili plané in causa loquebatur, (a) „ appende sententias. Nolo esse plures, ut eas te pigeat „ numerare, imó, sunt tam graves” ut placito

(a) *Lib. II. contra Julianum cap. 10. num. 35.*

cito nostro validum robur addant. Illas autem feré omnes simpliciter adscribam, ne soepe-numero ait, *dixit*, interponere cogar.

§. XXXV. Agmen ducat Caesar ipse Batonius, è cuius Annalibus multa recitavimus, alia adferemus. E *Notis in Romanum Martyrologium ad diem III. Augusti* ista describimus: „ Non praeterimus eodem tempore „ Honorii Imperatoris, eiusdem Protomarty- „ ris reliquias esse perlatas in Insulam Mino- „ ricam, quarum virtute universa gens Ju- „ daeorum, quae Insulam incolebat, ad fi- „ dem Christi mirandis prodigiis conversa est. „ Extat de his *insignis* Epistola Severi Epis- „ copi Minoricensis, quam manuscriptam nacti „ sumus in Bibliotheca Vaticana, cuius fidei, „ & integritati adstipulatur Autor Commenta- „ rii de Miraculis S. Stephani his verbis: *Epis- „ tola quoque* cet. Scripta habetur XV. Kal. „ Mart. Asclepiodoto & Martiniano Coss. (a)

§. XXXVI. Henricus Spondanus Apamien- sis Praesul, eruditissimi Petri de Marca judi- cio *eruditissimus*, in *Baron. Annal. Epitome ad ann. CCCCXVI. num. 5.* „ Virtute Ste- „ phani exuviarum facta est in Minori Balea- „ ri,

(a) Conf. Notam ad Num. Sever. Epist. pos- tremum primam.

„ri, cum signis, & prodigiis quingentorum &
 „quadraginta Judaeorum, intra octiduum, ad
 „fidem Christi conversio, sicut rem gestam
 „universo Christiano Orbi Severus Episcopus
 „notam fecit litteris suis circularibus. Reci-
 „tat Baronius illas.” cet.

§. XXXVII. Antonius Pagius, cuius in Ba-
 ronii Annales tam egregia sunt merita, ut
Nulla dies unquam memori illa eximat aevo:
 tantum abfuit, ut in illius de Severi Epis-
 tola sententiam virgam censoriam exerceret,
 ut eam sibi probari *Tom. II. Criticae in eos-*
dem Annales ad ann. CCCCXVIII. num.
70. significarit, é Gothofredo, in L. 24. Cod.
Theod. de Judaeis, ea excerpens, quae pro-
 priore in sede recitabimus.

§. XXXVIII. Nicolaus Antonius, cui His-
 pana litteraria posteritas magnam nusquam re-
 ferre gratiam poterit, quod falsorum Dextri,
 Maximi cet. Chronicorum commenta everterit,
 profligarit, averruncarit, in *Bibliotheca Veteri*
Hispana Lib. III. cap. II. num. 50. „Severus
 „Minoricae Hispaniarum Insulae Episcopus,
 „memoriam sui, Judaeorumque eiusdem In-
 „sulae conversionis, nuntiis rei litteris ad om-
 „nes Episcopos totius orbis terrarum anno
 „CCCCXVIII. inscriptis, ad posteros lauda-
 „biliter propagavit :: Mox „Rem totam é
 „Severi Epistola, quae non brevis est, nec
 „per-

„ perfunctoriè concepta melius disces. Quam
 „ quidem totam é Vaticanis Schedis habitam
 „ Baronius Annalibus suis prudentissimè vo-
 „ luit insertam. Meminit eiusdem Epistolae
 „ Evodius Uzalensis in Africa Episcopus in li-
 „ bro I. de Miraculis S. Stephani cap. 2.
 „ (Num. 51.) Sed & húc penetravit Pseudo-
 „ Dextri praepostera temeritas, cuius partes
 „ fuere Hispanum nomen, quó se cumque ver-
 „ teret, iure, vel iniuria, sive illius, sive alio-
 „ rum intrudere. Magnum audisis Appollinem:
 „ Innocentius Hispanus ex urbe Carpetanorum
 „ Eboræ metu Gothorum Urbes Hispanas in-
 „ cendentium, ad Insulam Minoricam, cum
 „ multis sociis fugiens, convertitur ad fidem,
 „ quem non multo post sequutus est Theodosius
 „ Judaeus. Perpetua nempe Dextri Toletani
 „ cura, & consilium fuit atque iniuriosum satis
 „ genti nostrae Judaeorum Hispanorum am-
 „ pliare, fovereque memoriæ, origines ad ex-
 „ tremam antiquitatem prorogare, virosque
 „ eius gentis posterorum committere monu-
 „ mentis. Sed quis non videt é Severi ipsius
 „ his verbis desumpta quæ de Innocentio au-
 „ divimus: Duo quidam primarii Judaeorum,
 „ ait, Meletius Theodori frater, & Innocen-
 „ tius qui Hispaniarum cladem nuper effugi-
 „ ens, cum familiis suis ad hanc Insulam ve-
 „ nerant :: : ad unam speluncam, vel potius

„rupem convenerunt. cet. Nihil novi, aut Se-
 „vero indicti, nisi quod Innocentium ait
 „Eborensem, quem dumtaxat ex Hispania in-
 „eam Insulam appulisse Severus nosi docue-
 „rat. A cuius relatione discrepat Innocen-
 „tium, antea Theodorum conversum fuisse.”

§. XXXIX. Idem Vir praestantissimus his-
 pano in opere, cui titulum fecit *Censura de*
historias fabulosas lib. VIII. cap. I. Seve-
 rianam Epistolam in Baronianos Annales re-
 latam iterum dicit, iterumque Dextrum sic
 oppugnat: „Dice Dextro que el Judio In-
 „nocencio era de la Ciudad de Eborá de la
 „Carpetania. En el año 424. num. 11. In-
 „nocentius Hispanus cet. Este devió de ser
 „el lugar, que quiso señalar el Padre Higue-
 „ra, (a) y quizá de Maximo se pasó a Dex-
 „tro; y aun esto fuera menor temeridad, que
 „hacerle de nuevo, á lo menos no se leía
 „entonces que huviese salido de Eborá (que
 „dicen ser Talavera) Innocencio; pues poco
 „hacimos referido que salió de Toledo. Al
 „Judio nadie le quiere en casa. Loncieto,

„y

(a) Doctum hunc, & emunctae ceterum naris Vi-
 rum, Dextrini chronici architectum nonnulli faciunt.
 Sed Aymerichius *Lib. I. P. IV. §. III. & seqq.*
 consulendus.

„ y que consta de la Epistola del Obispo Se-
 „ vero es, que havia huido de España à aque-
 „ lla Isla Innocencio. Pero Theodoro (que
 „ Dextro llama Theodosio) y Melecio, à
 „ quien nombró la historia de Toledo, que
 „ eran hermanos, no se dice en la carta que
 „ fuesen de España: antes se excluie esto con
 „ aquellas palabras della (Num. 13.) *Duo*
 „ *quidam primarii Judaeorum Meletius cer.*
 „ Y hallo diferencia en que la Carta se es-
 „ crivió el año 418. poco despues de las No-
 „ nas de Febrero, supuesto que pone por data
 „ los Consules del año antecedente de esta
 „ suerte: *Post consulatum. cer. ::* Siendo esto
 „ asi, Dextro pone la conversion de este Ju-
 „ dio en el año 424. de suerte que ni aun
 „ mentir sabe su formador.”

§. XL. Benedictini è Congregatione S.
 Mauri, qui in Augustinianorum operum Edi-
 tione cum diligentiae, cum gloriae laudem
 plerisque visi sunt attingisse, non tantum Ba-
 ronianam Severi opellam in *Appendicem Li-*
brorum de Civitate Dei totam transtulére,
 sed quanta ea cumque est legitimam prorsus sibi
 videri non uno argumento indicavére. Nul-
 lam eidem *Admonitionem*, sed argumentum
 praemissére, varias lectiones attulére, citari
 Libro I. de *Mirac. S. Stephani cap. I.* ani-
 madvertére, quae Orosium Hispaniae aditu
 pro-

prohibebat causam ad num. 3. ex Baronio retulére.

§. XLI. Edmundus Marteneus, egregius eadem ex Sodalitate Asceta, qui bonam vitae partem in Veterum lucubrationibus requirendis, castigandis, illustrandis, vulgandis impendit in *de Antiquis Ecclesiae Ritibus Lib. I. cap. I. Artic. VI. num. 5.* ut Cathecumenos per Crucis signum factos ostendat, è Severo (num. 12.) istud recitat testimonium: *Illicò in frontibus eorum signum salutis impinximus.*

§. XLII. Sebastianus Tillemontius, quem ut verissimè Xaverius Mannhartius (a) dixit: „celebrant non pauci, quod in verbis suis, „moderatus, in alienis adducendis rectus, in „iudicio cautus, & in animadversionibus sagacissimus fuerit,” operis Gallici inscripti: *Memoires pour servir à l' Histoire Ecclesiastique des six premiers siècles Tom. II. Art. 6.* ubi de S. Stephano, nonnulla è Severianae Epistolae num. 2., multa e 3, quaedam e 20, & 21. sic excerpt: „On ne doute pas que „ce ne soit lui (Orose), dont Severe Evêque „de l' Isle de Minorque parle, dans sa relation „lacion

(a) *Biblioth. Domest. Tom. X. num. X. cap. II. Lib. XIII.*

„ lation faite au mois de Fevrier 418., ou il
 „ dit que peu de temps auparavant, & à peu
 „ près dans le même temps, qu' il avoit été
 „ fait Eveque de cette Isle, qui est presque
 „ également éloignée de la Mauritanie, & de
 „ l' Espagne; il y etoit abordé un Prêtre de
 „ tres grande sainteté, qui venoit de Jerusa-
 „ lem, & qui en avoit aporté des reliques de
 „ S. Etienne revelées depuis peu de temps,
 „ que ce Prêtre avoit resolu de les porter
 „ en Espagne, mais qu' il n' avoit pu y pas-
 „ ser (à cause que les Goths, & les Vandales l'
 „ occupoient toute,) & qu' ainsi après avoir
 „ demeuré quelque temps a Magone (l'une
 „ des deux villes de l' Isle, & qui en porte
 „ aujourd'hui le nom,) il s'en etoit retourné
 „ en Afrique, laissant les reliques qu' il por-
 „ toit dans l' Eglise de Magone, qui etoit un
 „ peu hors de la ville. La suite fit assez ju-
 „ ger que cela s' etoit fait par l' inspiration
 „ du S. Esprit. Car il y avoit dans cette ville
 „ un assez grand nombre de Juifs, & des
 „ plus qualifiés du lieu, qui peu de temps après
 „ se convertirent tous en huit jours, hommes,
 „ & femmes, au nombre de 540. personnes,
 „ & leur conversion fut acompagnéê, d' un
 „ grand nombre de miracles, & de prodiges
 „ qui marquoient visiblement le doigt de Dieu.
 „ Ils comencerent à se convertir le samedi

„ 2. de Feurier en l' an 418. „ Mox „ Se-
 „ vere Eveque de l' Isle ecrivit la relation
 „ de tout ce qui se passa alors , & il l' adres-
 „ sâ a toute l' Eglise. Baronius l' a tirée d'
 „ un manuscrit du Vatican & l' a inserée dans
 „ ces Annales , où on la peut voir. „ Postea: „
 „ La relation de Severe passâ bien tot en
 „ Afrique, ou S. Evode (celebre entre les
 „ amis de S. Agustin , & Evêque d' Uzale)
 „ la fit lire publiquement dans son Eglise, le
 „ jour même, qu' il y reçut solennellement
 „ des reliques de S. Etienne, & elle y fut
 „ ecoutée avec beaucoup de devotion.”

§. XLIII. Eadem in Ecclesiastica ad us-
 que Apostolorum mortem Hispana Historia,
 Jesu Christi vitae à Montrevilio ex Evangeliiis
 concinnatae, adiecta *Tom. VI. P. 6. art. 5.*
 legere est.

§. XLIV. Claudius Fleurius Scriptor no-
 bilissimus *Histoire Ecclesiastique Liv. XXIV.*
 „ Après quelque sejour en Afrique , Orose,
 „ s' embarqua pour passer en Espagne, mais
 „ il ne put y aborder aparemment à cause des
 „ ravages des Goths. Il s' arreta quelque temps
 „ dans l' Isle de Minorque en la ville de
 „ Magone, aujourd'hui Mahon, celebre par
 „ son port, & il deposa les reliques de S.
 „ Etienne , dont il étoit chargé, dans une
 „ eglise qui étoit près de la ville , étant ré-
 „ solu

„ solu de s' en retourner en Afrique.” Mox é Severi num. 3. 4. 5. 2. nonnulla sistit. E num. 8. Theodori somnium eiusdem verbis recitat, totum feré 9. exscribit. Multa é 10. 11. 12. quaedam é 15. 16. 19. 20. 21. Tandem „ L' Eveque Severe ecrivit ce grand evenement dans una lettre, qu' il adressà à tous „ les Eveques, les Prêtres, les Diacres, & les „ fideles de tout le monde, & qui s' est conservée jusqu' à present. Cette lettre fut apportée en Afrique à Uzale.” cet. cet.

§. XLV. Qui Fleurii Historiae Breviarium Gallice edidit, & cui à sinceritate, praeclara Historici dote, à Benedicto XIV. laudari decorum fuit, Franciscus Morenas, *ad annum Chr. CCCCXVIII. Tom. II. pag. 142.* quorundam é Fleurio descriptorum summam dedit, Severiana omnia se probare indicavit.

§. XLVI. Anonymus, quem Bonaventuram Racinium esse suspicor, *Abregé de L' Histoire Ecclesiast. Tom. II. art. 12.* „ Il „ y eut l'an 418. cinquens quarante juifs, qui „ se convertirent, qui voulurent batir une „ eglise de leurs propres mains, & qui firent paroître beaucoup de zele pour la religion chretienne. Ces conversions se firent „ en huit jours dans l' isle de Minorque, & „ ce fut la presence des reliques de S. Etienne qui excita les chretiens à y travailler.

„ Il

„ Il est remarquable que Dieu opera ces conversions si merveilleuses dans le temps que les Pelagiens entreprenoient de disputer à Dieu l' empire souverain , qu' il exerce sur les volontés des hommes , & qu' ils emploient toutes sortes d' artifices , pour introduire parmi les chretiens l' erreur des juifs sur l' origine de la justice. L' Eveque Severé écrivit ce grand evenement a tous les Eveques , & les fideles de tout le monde par une lettre circulaire qui s' est conservée jusqu' à présent.”

§. XLVII. Casimirus Oudinus , Scriptorum Ecclesiasticorum accuratus saepè Nomenclator in *Commentario* de iisdem *Tom. II. Sect. V.* „ Severus Balearis Insulae minoris Episcopus : :: scripsit : :: anno CCCCXVIII, ut rectè Baronius habet in *Annalibus*, Epistolam circularem ad Ecclesias omnes de conversione Judaeorum in ea Insula, & de miraculis ibidem factis , ad S. Stephani reliquias.

§. XLVIII. Vincentius Cardinalis Gottius, praeclarus é B. Thomae magna schola Theologus , & critici laude non fraudandus in *de Veritate Relig. Christ.* Tract. V. cap. I. num. 12. §. 11. inter ea monumenta : „ quae Deus miracula ad intercessionem Protomartyris Stephani , ad praesentiam reliquiarum eius,
ope-

operatus fuit." Severi Nostratis epistolam laudat.
 „ Legant haec (adiicit) Protestantes, & con-
 „ tra Sanctorum intercessionem, & reliquia-
 „ rum venerationem oblatrare desinant."

§. XLIX. Michael á S. Josepho, é Trini-
 tarianorum Excalceatorum Summo Praeside,
 Guadicensis Episcopus, qui critice apud His-
 panos maiore fortassis successu, quam ardore ex-
 coluit, *Bibliographiae Criticae* Tom IV. „ Se-
 „ verus Minoricensis Insulae Episcopus anno
 „ secundo Pontificatus Zosimi litteras dedit
 „ circulares de conversione Judaeorum illius
 „ insulae per praesentiam reliquiarum S. Ste-
 „ phani."

§. L. Similia eadem de Epistola eximius
 memoria nostra Bibliographus Ludovicus Ri-
 chardius Sacri Praedicat. Ordinis Theologus,
 qui & de S. Stephani miraculis narrationem
 aliam litteris á Severo consignatam indicat.

§. LI. Josephus Augustinus Ursius Purpu-
 ratorum Patrum splendor, & Ecclesiasticos in-
 ter historicos nulli fortassis secundus, quem
 fidus ipsius Interpres Julianus Sainzius hispa-
 né sic vertit *Hist. Eccles. Lib. XXVI. num.*
 30. „ Otros celebres sucesos han hecho me-
 „ morable el presente año (418.) en la His-
 „ toria. Entre estos debe tener el primer lu-
 „ gar la conversion de los Judios de la Isla
 „ de Minorca de las tinieblas del Judaismo

„ á la luz del Evangelio. Severo , que era
 „ su Obispo , la publicó por todo el mundo
 „ en una Carta que dirigió à todas las Igle-
 „ sias del Universo. Por esta sabemos , que
 „ la conversion de aquella gente fue fruto de
 „ los muchos milagros , que obró el divino po-
 „ der , por la intercession del S. Protomar-
 „ tyr Estevan , cuyas reliquias::: se depusie-
 „ ron en una Iglesia de la Ciudad de Mahon.”

§. LII. Henricus Florezius, cuius nomen
 est immortale, in opere *España Sagrada Tom.*
XV. Trat. 55. Cap. ult. num. 63. „ De
 „ Africa salió Orosio para España , en el fin
 „ del 417., ó por Enero del siguiente: es-
 „ pecie que no veo explicada en los Auto-
 „ res; pero que parece resulta de la car-
 „ ta de Severo Obispo de Puerto Ma-
 „ hon , escrita sobre los milagros , que obró
 „ Dios por las reliquias de S. Estevan , co-
 „ locadas por Orosio en la Iglesia de Mahon
 „ que está fuera de la ciudad como se lee
 „ allí num. 3. y 15. Dice pues Severo, que
 „ un Presbytero de particular santidad , vi-
 „ niendo de Jerusalem , se detuvo algo en
 „ Mahon ; y no pudiendo pasar à España,
 „ como deseaba , determinò bolver nueva-
 „ mente à Africa. Entonces dejó en Mahon
 „ las reliquias poco antes reveladas de S. Es-
 „ tevan , por inspiracion , sin duda , del mis-
 „ mo

„mo Santo , pues el intento de Orosio era
 „llevarlas à España , y el efecto aseguró que
 „el cielo queria colocarlas en Mahon ; por-
 „que al punto (*protinus*) se encendió el
 „zelo de la fe en los christianos , y empe-
 „zò una competencia tan feliz contra los Ju-
 „dios , que en espacio de ocho dias se agre-
 „garon à la Iglesia quinientas y quarenta al-
 „mas , atravesandose muchas maravillas. De
 „aqui resulta el viage de Orosio para Espa-
 „ña desde Africa al fin del 417.”

§. LIII. Beraultius Bercaſtelius Noviodu-
 nensis Canonicus, nitidus , diligensque aetatis
 nostrae Scriptor. *Extrait de l' Histoire Eccle-
 siast. Tom. IV. pag. 341., & seqq.* nonnulla
 e Severianae opellae num. 3., multa é 4.,
 pauca de *visionibus* , quas exitu comprobatas
 ait , plurima è num. 9., multa rursus é num.
 10., 11., 12., quaedam é 15., & 20., totos
 fere 17., & 19. numeros recitat. Demum
 „L' Eveque Severe , fit le rapport de cet
 „heureux evenement dans une lettre , qu' il
 „adressa au Clergé , & aux fideles de tout
 „l' univers , & qui s' est conservée jusqu'
 „à nous.”

§. LIV. At ne hilum quidem , aut parum
 nos hucusque profecisse , non tali auxilio, nec
 defensoribus istis causam egere nostram non-
 nulli dicent. Criticas illi regulas desiderant.

Age ergo, eiusmodi regulas adhibeamus. Nam tametsi de earum vi, & potestate, crebrae adeo acerrimaeque agantur lites, ut ipsarum latores, Terentiano illo haud iniuria, assiduó compellare posses :

Fecistis probé incertior sum cet. quandoquidem quò res esset perventura eminus agnoveram, pedem haud referam, unde pudor, lex que operis vetat; &, ni mea me opinio fallat, è pluribus id genus canonibus, quam Dumesnilianae positioni, meae accedet robur.

§. LV. Uberem eorum sementem ex Maillonio, (a) Honorato, (b) Amortio, (c) Michaelè à S. Josepho (d) aliis facere, facillimoque ad rem nostram opere accomodare possem. Paucas nihilominus, sed quae tamen satis sint, usurpabo.

§. LVI. Primam Coustantius (e) roget „ Relictos à maioribus nostris libros tamdiu „ pro genuinis, pro integris, pro certis ipsorum „ foetibus haberi decet, quamdiu non cons- „ tat spurios esse, adulteratos, aut incertos.”

2 Ec-

(a) *Traët. de Stud. Monastic. P. II.*

(b) *In Laud. Oper. Tom. I.*

(c) *In Princip. Artis Criticae explicat. cet.*

(d) *In Crisi de Critices Arte.*

(e) *Vindic. Veter. Codicum P. VI. cap. I.*

¿ Ecquis autem Severianam opellam interpolatrice manu violatam extra dubitationis aleam ponet? Dumesnilius certé non ponit.

§. LVII. Alteram Honoratus ferat : (a)
 „ Quamquam historici scripto tradiderint even-
 „ ta paucis nota : quamquam haec á commu-
 „ ni paululum ordine abhorrere videantur,
 „ adiunctis affecta sint non omninó incredi-
 „ bilibus, atque in provinciis remotis acta fue-
 „ rint ; non tamen amandanda sunt , prae-
 „ terquam firmis , non dicam rationibus , sed
 „ invictis argumentis suadentibus.” Cum illi-
 usmodi Severianis litteris prodita sint : ¿ quæi
 ceu ambiguae fidei traducenda?

§. LVIII. Accedant à Mabillonio rogatae
 (b) „ quatuor, inquit ille , viae sunt ut ope-
 „ ris alicuius falsitatem (dicam ipse *emblemata*
 „ *ta*) dignoscantur : 1. M. SS. 2. dictionis
 „ consensio aut discrepantia. 3. Testimonium
 „ Autorum qui de illo opere meminerunt.
 „ 4. facta in eodem allata.” Jam vero ¿ è
 quonam ex his capite hodiernam Severi Epis-
 tolam interpolatam efficies? E quonam haud
 interpolatam esse non colliges?

§. LIX. Vult praeterea , iubetque Abra-
 G hamus

(a) Tom. I. Dissertat. VII. art. 9. §. I.

(b) De Stud. Monastic. P. II. cap. 13.

hamus Scultetus, (a) cui, si Honorato fides, omnes feré critici hac in re assentientur, (b) ut „ legitima Veterum scripta, stylus, materia subiecta, tempus, à suppositis ” (quidni & ab interpolatis ?) „ distinguant ” Atqui Severianae lucubratiunculae ad aetatem quod attinet, nihil nobis negotii Dumesnilius, nihil alius quisquam faceffit. Tametsi cum de materia subiecta, cum de stylo longior à me oratio inferius suscipienda sit, eiusdem argumentum é Severo aequali recitavi, eamque totam doctrinae, institutis, ritibus in Ecclesia Sec. V. vigentibus mirificé consentaneam, & verborum, quibus haec continentur structuram, quin & verba ipsa medio ecclesiastico é coelo deffumpta esse, assiduó animadvertam.

§. LX. Non inficias ivero idem Baronianae Severi Epistolae, quod aliis, cuius cuius illae generis sint, lucubrationibus usu venire solet, contigisse, eius nimirum exempla vicissim discrepare. Verum praeterquam quòd nullo ex tot fontibus, é quibus M. SS. Codicum vitia frequentissima emanant, (c) eamdem

(a) *In Aphorism. de fructuosa PP. lectione.*

(b) *Tom. I. Dissert. III. artic. 7.*

(c) *Conf. Illustrissimi Viri Francisci Perezii Baierii Optimi Regis nostri Caroli III. Bibliothecae Praefecti domesticorum, exterorumque elogio celebr-*
rima

dem commaculatam esse conficies; pauca si demas, quæis haud illi offenderentur, quibus litteratos inter locus est, perpetuó feré secum ipsa consentiunt, non dicam tantum quod ad rei summam, sed & quod ad rei adiuncta, & quod ad verba pertinet, quemadmodum cum ex Ecclesiasticorum Annalium Conditor, cum é Benedictinis é S. Mauri Sodalitate varias opellae eiusdem lectiones referentibus, colligere pronum est.

§. LXI. Idem præterea duo Severianae Incubrationculæ, ex Apostolica Bibliotheca exempla confirmarent, quorum alterum Baronius ipse fortassis vidit, (a) ex altero ni me omnia fallant, meum de ipsa iudicium novas vires capiet. Sesquimillennariae enim, plus minus, antiquitatis robore, quod postremo loco commemoravi exemplum muniri nullus ambigo. (b) ; Quotus autem quisque erit, qui
tam

rima *Dissertatio* Romanis typis anno 1756. edita inscripta: *Damasus, & Laurentius Hispanis asserti, & vindicati P. I. cap. III.*

(a) *Vaticanum* simpliciter á me dicendum, quód é Vaticano Codice num. 1188. descriptum sit.

(b) Illius apographi ad calcem isthaec legas „ Ego infrascriptus Praefectus Bibliothecae Vaticanae fidem facio, atque testor suprascriptam copiam fideliter extractam fuisse ex Codice M. S. Vati-

„ cano

tam diuturnam, atque ab hominum memoria remotissimam possessionem, eodem fermé pacto, quo Hispanorum de Laurentii Patria persuasionem Perezius afferebat (a) RETINENDAE, quod vocant INTERDICTO, per Litterarium Praetorem adjuvandam, atque ADVERSUS EAM VIM FIERI VETANDUM non speret?

§. LXII. Tandem : ꝫ Eccur & plenas & bene multas Severi Baroniani periodos tamquam legitimas Dumesnilius hoc modo probat : „ Orosius : :: Magonam : :: ingressus S. „ Stephani reliquias in eius Ecclesia deposuit. „ Earum occasione pugnae Religionis Christianos inter, & Judaeos, in omnibus plateis, & domibus gerebantur. Interea Severus Insulae Episcopus, ex vicina Civitate „ Jamnonensi, Magonem pervenit, qui ubi „ cognovit Judaeos omnia telorum genera contulisse ad Synagogam, sequente magna fi- „ de-

„ cano-Palatino sub numero 856. p. 1. seculo circiter undecimo exarato, integro, in nullo neque interpolato, neque vitiatto, licet appareant aliquae correctiones. In quorum fidem cet. Dat. ex „ Bibliotheca Vaticana die 24. Junii 1779. = Stephanus Evodius Assemanus Archiepiscopus Apameensis. „ Bibliothecae Vaticanae Praefectus.“ = (L. S.)
 (a) *In Laud. Dissertat. clausula.*

„ delium multitudine, eam occupat, iniectoque
 „ igne cum omnibus suis ornamentis, excep-
 „ tis libris, & argento, consumpta est; argen-
 „ tum postea ipsis reddidére Christiani. Ju-
 „ daeorum quingentae quadraginta animae,
 „ cum Theodoro Synagogae Principe, intra
 „ octiduum professae sunt christianam Reli-
 „ gionem.” 2 Eccur inquam, *haec pauca* ut
 ipse quidem loquitur, ex Epistola, *quam in-*
terpolatam putat plurimis factis, extraordi-
nariis, & mirabilibus inter se malé consutis
delibat, alia non pluris facit quam aurum
 comicum?

§. LXIII. Multa se in numerato habere
 é vestigio reponit. Iniuria enim Catullianum
 illud distichon eidem occineres:

Non istoc satis est uno te dicere verbo

Sed facere, ut quivis sentiat & videat
 Ut iudicii sui aequitatem & sentirent om-
 nes & viderent sic primûm Severi opellam
 adoritur: „ Christiani ad disputationem pro-
 „ vocant Judaeos, numero superiores, qui
 „ parant arma, adveniente tamen Severo
 „ factum negant & tranquillé cum christianis
 „ cantantes psalmos ad Synagogam pergunt,
 „ ubi latebant arma.”

§. LXIV. Equidem, quod Dumesnilius
 expendat oro, Magonem priusquam Seve-
 rus perveniret in omnibus plateis, ut ipse tes-
 tis

tis est luculentissimus, (a) *adversus Judaeos pugnae legis, in omnibus domibus fidei praelia gerebantur.* Sed à nostris ne, an à Judaeis de certamine, cui *diem utrique condixere*, (b) consilium primò susceptum fuerit, ne indicat quidem. Illud conceptis verbis narrat (c) „se „expetiisse ut se ad Synagogam :: operirentur :: futurum autem honestissimum de lege „conflictum,” quo vel ipse unus cum Judaeo aliquo, doctrina, differendique vi pollente signa collaturus, vel si mavis, nonnulli ex utraque parte in arenam descensuri erant, qui causae suae patrocínio suscipiendo, idonei haberentur. Fac tamen quod Dumesnilio placuit, Judaeos à nostris hominibus in aciem prodire coactos. Non decertantium numerus, sed argumentorum pondus de pugnae exitu statuere debebat, quem faustum sané sibi, fortunatumque futurum fore sperare poterant, qui numero tametsi exiguo, *virtute Sancti Spiritus muniti*, (d) qui *veritatis robore superiores* erant, (e) qui *veritatem, quae vin-*
ci

(a) Num. 3.

(b) Num. 4.

(c) Num. 9.

(d) Num. 5.

(e) Num. 4.

ei non potest sectabantur. (a)

§. LXV. Scimus, & libenter Dumesnilio
damus, cum Judaei (b) „ saxa, fudes, iacu-
„ la, omniaque telorum genera ad Synago-
„ gam conferre coepissent, ut christianorum
„ aciem::: propulsarent,” se talia ausos per-
fracté negavisse. Sed à Viro sapientissimo vi-
cissim petam ut animadvertat, iis, qui cul-
pam, cuius conscientia agitantur, à se amo-
liri enituntur, ad splendidissima mendacia con-
fugere haud insolens esse, quin & nostris,
cum id genus natione rem fuisse, ac si spectra
ubique videat pavida; neque mirum cui cui for-
tassis accidet, gravissima illam Severi oratione
perterritam, nihil se in publicam quietem egis-
se, nihil molitam esse, *etiam cum iure iurando*
(c) inficiatam. Profectó, si quod non semel Ro-
ma, Athenae, urbes aliae florentissimae videre:

::::: cum ::: coorta est

„ Seditio, saevitque animis ignobile vulgus
„ Jamque faces, & saxa volant, furor arma ministrat;
„ Tum pietate gravem ac meritis si forte virum quem
„ Conspectere, silent, arrectisque auribus astant.
„ Ille regit dictis animos, & pectora mulcet;“ (d)

Si

(a) Num. 14.

(b) Num. 5.

(c) Num. 9.

(d) Aeneid. Lib. I. vers. 152. & seqq.

Si ut ab ipso Severo accepimus: (a) Theodorus cujus Magonensis *populus* *autoritate*, & *potentia* maximé *nitebatur*, *autoritate* *sua* *multos* iam iam in arma ruituros *terrui*, & *contentionis* *erumpentis* *incendium* nonnihil repressit; & quidni & Hebraei cum non tantum à pietate gravem, verum etiam à Sacerdotio, cui vel ab infensissimis religionis nostrae hostibus honos habebatur, (*) virum illustrissimum conspicerent, & cum de iniuria, tum nostris hominibus, tum quod caput est, Romanis legibus irrogata aequissimé secum expostulantem audirent, fasces veritati submitterent, in officio continerentur, *tranquillè cum christianis cantantes psalmos, ad Synagogam pergerent?*

§. LXVI. Alterum Dumesnilius telum iacit: „ Mulierculae tantam (christianorum) „ multitudinem lapidibus laceffunt, nostri iisdem armis Judaeos invadunt, licet lateribus suis inhaerentes. In tanta lapidum grandine, ne unus quidem leviter attingitur, „ nulloque prohibente, cum tota suppellectili, „ Synagogam flammis succendunt christiani.”

Sed

(a) Num. 4.

(*) Si vis, aiebat, apud ipsum Severum (n. 12.) Theodoro Rubenus: *honoratus esse :: in Christum crede. Modò tu stas, & ego cum Episcopis sedeo. cet.*

Sed & Severus *mirum dictu*, ait, (a) ,, cum super confertissimam multitudinem lapides immanissimi à Judaeis foeminis iactati, grandinis instar, descenderent, neminem nostrorum non solum ictu, sed ne quidem tactu vexatum. ,, Hic (subiungens) agnis suis leo ,, ille terribilis mansuetudinem paululum abstulit: omnes siquidem ::: saxa corripiunt & ,, ::: cum unum potius consilium cunctis zelus potius Christi, quam ira suggereret, lupos cornibus impetendos censuerunt, quamvis hoc illius qui solus bonus pastor est nutu factum esse, nulli dubium sit." Pergit ,, servus cuiusdam christiani solus de Synagoga ,, aliquid diripere concupiscit, ::: quidam vero nostrorum quasi adversus Judaeum lapidem iniecit, qui capiti eius illisus est, ::: quod vulnus periculosum fuit. ,, Subinde: " postquam, Judaeis cadentibus Synagoga potitum sumus, " eademque paulo post eversa ,, cunctis stupentibus ad Ecclesiam cum hymnis ,, perreximus, auctori victoriae nostrae gratias ,, referentes." Haftenus Severus, cui haec omnia *Dei digito* apparata, suscepta, confecta nulli addubitanti, ; ecur non credamus? Viri sanè gravissimi credidere. Sic parvulo la-

H

bore

bore secundum Dumesnilii iaculum Severus ipse mihi videtur excussisse.

§. LXVII. Urget tamen nos rursus Ludovicus: „Judaei frequentes baptismum suscipiunt, nulla praemissa instructione, illiusque eventus nulla ratio redditur, nisi quaedam visiones ambiguae.” Sed ;undenam, bona Dumesnilii venia dicam, Magonenses Hebraeos Baptismo, nulla praemissa instructione, mundatos exculpes? Sin omnes, plerosque saltem inter cathecumenos aliquantum temporis versatos, praeter Edmundum Marteneum, (a) Fleurius, (b) Beraultius Bechastelius (c) litteris prodidere, quin & Severus ipse (d) „advenientes (ait) ad Christi fidem Judaeos vel *exhortamur* vel annotamus.” Totum certé, quantumcumque erat, cathecumenatus stadium Hebraeis nostratibus haud decursum; imó multa in ipsorum gratiam de legum ecclesiasticarum severitate remissa fuisse non negamus: faciliore illi opera quam Gentiles christiana doctrina imbui, & à plerisque quidem poterant. Multae praeterea causae concurrebant, quae facilem

(a) *Loco laudato.*

(b) *Loco laudato.*

(c) *Loco laudato.*

(d) *Num. 15.*

cilem se illis praebere Antistitem Nostratem iure exposcerent. Longa apud ipsum hac de re oratio, nos summa earum fastigia ex ordine, & Severi assiduó verbis persequemur.

§. LXVIII. Rubenus, in perfidia á se nuper eiurata oppugnanda, christianis socium se adiungit. (a) Triduum, ni fallor, longa prece tractum, ut Judaei superstitioni nuntium remitterent suae. (b) Theodorum ad Ecclesiam migrasse omnium animis sententia insederat. (c) Et ipse, cum se, cum Hebaeos reliquos nomen daturus Christo, fidem obstrinxerat. (d) ; Ecquis autem quantum haec omnia valeant, cogitatione illicó non comprehendat? ; Ecquis Severo etiam non assentiatur unumquemque illorum, „ qui ad „ sylvas, & antra confugerant propriam conversionis suae habere historiam” affirmanti, (e) & *unum Christi miraculum*, Meletio & Innocentio ad bonam mentem revocandis narranti? (f) „ Cum Theodorus :: plebem „ suam

(a) Num. II.

(b) Num. II.

(c) Ibidem.

(d) Num. 12.

(e) Ibidem.

(f) Num. 13.

„ suam:: ad fidem Christi provocare dispo-
 „ neret, (a) nemo (Judaeorum) fermé erat
 „ qui non se palam sensitse Christi potentiam
 „ contestaretur :: Ipsius Theodori consobri-
 „ nus nomine Galilaeus :: ego, inquit, vitae
 „ meae periculo consulens, ad Ecclesiam iam
 „ pergam, ut necem, quae mihi paratur ef-
 „ fugiam. Haec Galilaeus, cum ad tempus
 „ fugae se pararet, quasi ut causas conver-
 „ sionis suae reddidisse videretur, de futuri
 „ saeculi morte tunc nihil cogitans, verita-
 „ tem inscius loquebatur. Huic sermoni pené
 „ praeteriens :: defensor civitatis tunc elec-
 „ tus Caecilianus :: adstipulatus est. Caecilia-
 „ nus autem, cum esset Judaeorum pater, ha-
 „ bito cum Florino :: Judaeorum patre con-
 „ silio :: :: huiusmodi verbis :: Synagogam
 „ adorsus est: Ego cum sim in honore Sy-
 „ nagogae post Theodorum primus :: cunc-
 „ tos commoneo :: ut :: omnes pariter ad fi-
 „ dem ecclesiasticam concurramus :: num-
 „ quam, (addidit) Theodorum á christianis
 „ vincendum, nisi veritatem, quae vinci non
 „ potest sectarentur :: Multosque Judaeorum
 „ eadem die ad fidem Christi cum ipso con-
 „ currentes,” Praesul noster suscepit. (b)
 „ Cum

„ Cum summa omnium expectatio ut Theo-
 „ dorus sponsioni suae satisfaceret (a) ad-
 „ moneret :: iustisque ille allegationibus cunc-
 „ torum vota crederet differenda :: Chris-
 „ tianis iam adquiescentibus , Judaeis , qui
 „ conversi fuerant , acerrima commotione re-
 „ sistentibus , amputata dilationis mora” ad
 Christianam religionem convolavit. „ Post
 „ quem omnis , tamquam remoto obice , ad
 „ Ecclesiam Synagoga confluit : mirum dic-
 „ tu ! inveterati illi legis doctores :: tantum
 „ percunctati ; an vellent fidem Christi , sus-
 „ cipere ? credere se in Christo , & christia-
 „ nos fieri cupere profitebantur.” Haec , cui
 penitus perspectum , quanta eorum , qui re-
 liquos supereminet exemplis vis insit , ani-
 mo si advertat , mirari fortassis desinet quam
pater ipse patrum (b) monstrabat viam ci-
 tissimé juxta , ac libentissimé ingressos , cathe-
 cumenatus disciplinae adamussim obeundae
 onere exemptos.

§. LXIX. „ Tres tantum foeminas , sed
 „ nobilissimas Judaeorum (c) ad virtutis suae
 „ gloriam dilatandam in duritiae perfidiae suae
 „ Chris-

(a) Num. 16.

(b) Num. 4.

(c) Num. 17.

„ Christus permanere aliquantulum passus est,
 „ Arthemisiam Meletii uxorem, Innocentii so-
 „ rorem coniugis, (a) eiusdemque Innocen-
 „ tii uxorem, quae per quatuor dies verbum
 „ salutis :: obduratis auribus recipiebat. Sed
 „ Arthemisia, quód aquam, qua per biduum
 „ usa fuerat, in mellis suavissimi versam dul-
 „ cedinem repererit, amaritudinem incredu-
 „ litatis abiicere :: compulsa est. (b) Al-
 „ tera de pelago reducta :: fidei nostrae auxi-
 „ lium cum lacrymis deprecabatur, & volun-
 „ tatem Dei :: implevit. (c) Innocentii uxor
 „ :: cum nullis coniugis vel minis, vel pre-
 „ cibus, vel lacrymis moveri posset :: uni-
 „ versa fraternitatis multitudo :: convenit,
 „ precesque :: ad coelestem misericordiam
 „ vertit :: & cum in consummatione oratio-
 „ nis Amen populus acclamasset, & illa cre-
 „ dere se, & christianam fieri velle sub-
 „ iunxit.” (d)

§. LXX. Haec Severi oculis, animoque
 cum obversata sint, piis illis, statisque Ca-
 thecumenorum exercitationibus, laboribus, ve-
 xatio-

(a) Num. 18.

(b) Num. 17.

(c) Num. 19.

(d) Num. 18.

xationibus, fletibus, (a) Magonenses Judaeos abs se solvendo credidit. Nôrat enim ipse, & probe nôrat, ut in poenitentia publica, sic in Baptismo, ut loqui amamus, solemni, rem feré totam ad praefectorum arbitrium, prudentiamque commissam esse. (b) Praeclaré à Gregorio Nazianzeno (c) dictum fuerat: „ omni aetati, omni vitae formae, omnibus „ hominibus baptismum convenire,” & longé ante à Tertulliano, (d) tametsi sacri lavacri cunctationem ipse probaret (e) „ omnem „ diem Domini esse, omnem horam, omne „ tempus habile Baptismo, si de solemnitate „ te interest, de gratia nihil refert.” Itaque, sicut quoties festinata reconciliatio, diuturnae
ex-

(a) De his Tertullianus *cit. nuper libro cap. 20.*, Cyrillus Jerosolymitanus *Praefat. in Cathech.*, & *Cathech.*, I., Autor *Traëtatus*, sive *Serm.* inter Augustinianos *de Symbolo ad Cathecumen.* consulendi. Pro cunctis Gregorium Nazianzenum *Orat. in S. Lavacrum* produco, baptismi candidatum, sive Cathecumenum ita alloquentem: „ Bona tibi erunt auxilia ad ea quae desideras consequenda vigiliae, ieiunia, humidormitio, orationes, lacrymae, eruminae, indigentium opitulatio.“

(b) Non repugnat Dumesnilius *Lib. X. num. 57.*

(c) *Orat. XL. in S. Baptismum.*

(d) *Lib. de Baptismo cap. 19.*

(e) *Eodem lib. cap. 18.*

expiationi praeſtabat, Eccleſiarum Moderato-
res in poenitentium ordinem redactos nuper,
in fidelium communionem recipiebant, quia
„miſericordiae Dei, nec meſuras poſſumus
„ponere, nec tempora definire, apud quem
„nullas patitur moras vera converſio;” (a)
& ubi legitimae exceptioni locum eſſe intelli-
gebant, quae Canonum aequitate, & ipſius
quodammodo naturae iure vim haberet ſu-
am, Baptiſmi candidatis facillimos ſeſe exhi-
bere nulli addubitabant.

§. LXXI. Multa hanc in rem exempla
Morinus, (b) Marteneus, (c) alii conglobarunt.
Ego quod ex dubiae fidei Opusculo, (d)
quod ex Athanaſio ſuppoſita Oratione, (e)
quod é Cypriani Aëtis, (f) plura item, quae
ſequiore é memoria proferre mihi liceret,
praetermitto. Omnia tamen tacitus praeteri-
re nullo modo poſſum. Plerisque ex Agrigen-
tinis Judaeis Chriſto nomen dare cogitanti-
bus,

(a) S. Leo in cap. 49. §. 2. de Poenit. diſt. 1.

(b) De diſciplina à PP. obſervata in Cathe-
cumenorum expiatione cet. cap. VIII.

(c) De Antiq. Eccl. Ritibus lib. I. artic. 8. num. 3.

(d) Vitis nimirum SS. Anthimi, & Socior.
& S. Pancratii.

(e) In Concil. Nicaeni II. Aët. 4. laudata.

(f) Apud Marteneum Tom. II. Anecdotorum.

bus, Gregorius Rom. Pontifex ad Faustinum Defensorem (a) sic scripsit: „ Si longum, vel „ triste videtur solemnitatem sustinere Pas- „ chalem, & eos nunc ad Baptismum festi- „ nare cognoscis; ne, quod absit, longa di- „ latio eorum possit retró animos revocare, „ cum fratre nostro Episcopo loci ipsius lo- „ quere, ut poenitentia, ac abstinentia qua- „ draginta diebus indicta, aut die dominico, „ aut si celeberrima festivitas fortassè occur- „ rerit, eos, omnipotentis Dei misericordia „ protegente, baptizet” cet. Mitiozem se At- ticus CPolitanus Antistes erga Judaeum ali- um se praebuilt, ut Socrates autor est, (b) á quo etiam, (c) & à Nicephoro (d) acce- pimur Haebreum alium „ cum à Paulo Epis- „ copo audivisset, se non prius Baptismum illi „ daturum, quam sit fidei articulis institutus, „ diesque complures ieiunio vacaverit::, ille „ acriter instare ut baptismo donaretur. Pau- „ lus, quoniam illum tam obnixé petentem „ mora nolebat offendere, parat res ad bap- „ tismum necessarias.” cet. Accedat Gregorii

I

Tu-

(a) *Lib. VII. Epist. XXIV.*

(b) *Lib. VII. cap. 4.*

(c) *Lib. VII. cap. 17.*

(d) *Lib. XIV. cap. 17.*

Turonensis Praesulis narratio , (a) Severia-
 nae in multis adeó similis, ut eam syllaba-
 tim describere ad rem meam perquam mihi
 accomodatum videatur. „ Cum Arvernenses
 „ Judaeos beatus Avitus , eiusdem Urbis Epis-
 „ copus , commoneret , ut relicto velamine
 „ legis Mosaicae , spiritualiter lecta intellige-
 „ rent, & Christum Filium viventis Dei, pro-
 „ phetica , & legali autoritate promissum, cor-
 „ de purissimo in sacris litteris contemplaren-
 „ tur ; manebat in pectoribus eorum , iam
 „ non dicam velamen illud , quo facies Moysi
 „ obumbrabatur , sed paries. Sacerdote quo-
 „ que orante , ut conversi ad Dominum ve-
 „ lamen ab eis litterae rumperetur , quidam
 „ ex eis , ad sanctum Pascha , ut baptizare-
 „ tur expetiit , renatusque Deo per baptismi
 „ sacramentum , cum albatis reliquis & ipse
 „ procedit. Ingredientibus autem populis por-
 „ tas civitatis , unus Judaeorum super caput
 „ conversi Judaei , oleum foetidum , diabolo
 „ instigante diffudit. Quod cum cunctus ab-
 „ horrens populus voluisset eum urgere lapi-
 „ dibus , Pontifex ut fieret non permisit. Die
 „ beato , quo Dominus ad coelos post re-
 „ demp-

(a) *Histor. Francorum lib. V. cap. 11.* Et á Du-
 mesnilio *lib. XXIX. num. 20.* illius summa data est.

„ demptum hominem ascēdit, gloriosus cum
 „ Sacerdos de Ecclesia ad basilicam psallen-
 „ do procederet: irruit super Synagogam Ju-
 „ daeorum multitudo tota sequentium, des-
 „ truēns eam à fundamentis, ut campi pla-
 „ nitiei locus assimilaretur. Alia autem die,
 „ Sacerdos eis legatos mittit dicens: Vi ego
 „ vos confiteri Dei filium non impello, sed
 „ tamen praedico, & salem scientiae vestris
 „ pectoribus trado: pastor sum enim domini-
 „ cis ovibus superpositus, & de vobis ille ve-
 „ rus pastor, qui pro nobis passus est, dixit:
 „ se habere alias oves, quae non sunt ex ovili
 „ suo, (*Joan. X. v. 16.*) quas eum oporteat ad-
 „ ducere, ut fiat unus grex, & unus pastor.
 „ Ideo si vultis credere ut ego, estote unus
 „ grex, custode me posito: sin vero aliud,
 „ abscedite à loco. Illi autem diu aestuantes at-
 „ que dubitantes, tertia die (ut credo) ob-
 „ tentu Pontificis, coniuncti in unum, ad eum
 „ mandata remittunt, dicentes: Credimus Je-
 „ sum filium Dei nobis Prophetarum vocibus
 „ repromissum, & ideo petimus ut abluamur
 „ baptismo, ne in hoc delicto permaneamus.
 „ Gavisus autem nuntio Pontifex, nocte sancta
 „ Pentecostes, vigiliis celebratis, ad Baptis-
 „ terium foras muraneum egressus est, ibique
 „ omnis multitudo coram eo prostrata bap-
 „ tismum flagitavit. At ille prae gaudio lacry-
 „ „ mans,

„mans, cunctos aqua abluens, & chrismate
 „liniens, in sinu matris Ecclesiae congrega-
 „vit. Flagrabant cerei, lampades refulge-
 „bant, albicabat tota civitas de grege can-
 „dido; (a) nec minus fuit urbi gaudium,
 „quam quondam Spiritu sancto descenden-
 „te super Apostolos Jerusalem videre pro-
 „meruit. Fuerunt autem qui baptizati sunt
 „amplius quingenti.”

§. LXXII. Prudentissimae eiusmodi oeco-
 nomiae, (ecquid é PP. vocem mutuam su-
 mere (b) nos vetat?) rationem Severus iure
 habuit, eamque totius, qua de sermo, rei
 exitus mirificé confirmat. „Illud magis mi-
 „rum, magisque gaudendum est, inquit, (c)
 „quod ipsam judaicae plebis terram diu
 „iner-

(a) i. e. ipsis recens baptizatis, quos superius
albatos dixerat, propterea quod albis eos indui ves-
 tibus prisci moris esset. At de his sacros Antiqua-
 rios confersis, Selvagium saltem *Lib. III. cap. 5. §. 2.*
 „Et qui eodem Gregorio Turonense expetente eius-
 „modi Judaeorum baptismum cecinit Venantius For-
 „tunatus, ut cum Baronio loquar, ista (*Carm. Lib.*
 „*IV.*) subdit admodum praeclaré:

*Lacteus hinc vestis color est, hinc lampade fulgor
 Ducitur, & vario lumine picta dies.*“ cet.

(b) Morinus *cap. laud.* videndus.

(c) *Num. 20.*

„ inertem , recisis incredulitatis vepribus , &
 „ recepto verbi semine multiplicem fructum
 „ iustitiae germinare conspiciamus :: Primum
 „ :: ipsa Synagogae fundamenta evertere,
 „ deinde ad novam basilicam construendam,
 „ non solum impendia conferunt , sed etiam
 „ humeris laxa comportant.”

§. LXXIII. 2 Quei igitur *eventi* Severia-
 nis litteris traditi *nullam rationem reddi, nisi*
visiones quasdam ambiguas Dumesnilius pro-
 nuntiat? Neque talia herclé , quae Severus
 memorat visa , ut Dumesniliano stigmate con-
 fodi debeant , sive visionum nomine som-
 nia *num. 7. & 8.* prodita, „ quorum si nul-
 „ lam fecisset mentionem , non minimam par-
 „ tem divinae gloriae se operuisse (a) vi-
 „ sus fuisset,” sive etiam prodigia, cum *num. 15.,*
 cum *17., & 18.* ad posterorum memoriam
 commendata , ut Augustino , (b) & Bona-
 ventura (c) praeceuntibus , intelligere Vir
 doctissimus poterat , intelligere voluerit. *Duo*
tantum Severus *somnia inserit.* Primum
 ita se habuit. (d) „ Theodora :: quae
 „ ty-

(a) *Num. 6.*

(b) *Lib. X. Confess. cap. 35.*

(c) *De Profect. Relig. Lib. XI. cap. 75.*

(d) *Num. 7.*

„ typum portare Ecclesiae meruerat , vidit in
 „ visione noctis viduam quamdam nobilissi-
 „ mam ad Severum insertas (s. *inscriptas*)
 „ litteras per se misisse (s. *praemisisse*), qui-
 „ bus *Nostrati Praesuli* cunctos agros suos
 „ ad seminandum suppliciter offerret. Simili
 „ etiam somnio Severum ipsum ad seminan-
 „ dum praecingere , & commonere Deus dig-
 „ natus est. Alterum (a) Theodorus :: sum-
 „ mus Sacerdos perfidi populi :: multis, :: :
 „ ante non parvum quam adimpleretur tem-
 „ pus his sermonibus propalavit. Eunti mihi,
 „ inquit , in Synagogam duodecim viri ma-
 „ nus obvias obtulerunt dicentes : Quo vadis?
 „ Leo illic est. Cum ego audito leonis no-
 „ mine trepidare coepissem , locum tamen
 „ dum fugam paro unde introspicerem reperi,
 „ & vidi monachos illic mira suavitare psal-
 „ lentes. Maior mihi pavor illicò adiectus est,
 „ & nisi in cuiusdam nomine Ruben ingres-
 „ sus fuisset domum , & inde ad matrem
 „ propinquam cursu praecipiti convolassem,
 „ nequaquam curam mortiferi terroris eva-
 „ sisssem. Illa me exanimem sinu suo confovens,
 „ á discrimine pariter , & á metu eripuit.”

§. LXXIV. *Magna certé prudentia adhi-
 benda*

benda est in iis quae in somno usu veniunt,
 quemadmodum insignis Joannis Climaci Scho-
 liastes, & divinarum litterarum fidem sequu-
 tus, & infinitos propé cum ex Asceticis, cum
 é Sacris Criticis (a) secum consentientes ha-
 bens, totidem verbis dixit: (b) *Paucorum*
enim, ut mox subiicit, *illorum est diiudica-*
tio. At non continuô Theodori, Theodoraë-
 que somnia, velut aegri somnia vana tradu-
 cenda sunt. Sic eorum species comparatae, ut
 & pes, & caput uni formae reddatur, ut & res
 somnis obiectae, & rerum exitus istarum cogna-
 tione quadam inter se contineantur, ut Tertul-
 lianicum illud de somniis in universim (c) haud
 sinistro oscine ad eadem accomodare posses:
 „ Non quia videntur vera sunt, sed quia adim-
 „ plentur. Fides somniorum de effectu, non
 „ de conspectu renuntiatur.”

§. LXXV. Severum tantum audito: „ Quae
 „ est altera (sic ille) nobilissima vidua, nisi
 „ illa, quae Christum impié perimendo, se-
 „ metipsam crudelissimé viduavit?” (d) ; Quid
 agro-

(a) Conf. Bona Card. de *Discret. Spirit. cap. 16.*
 & Lambertinius de *Servor. Dei Beatificat. Lib. III.*
cap. 51.

(b) *Ad Gradum XV. num. 39.*

(c) *De Anima cap. 57.*

(d) *Num. 7.*

agrorum species, quæ à Praesule nostrate semina mandanda, nisi Judaeorum animi, è quibus „ fertilissima fidei opera pullularunt” (a) praesagire poterant? „ Theodori somnium (b) valdè clarum est, & interpretatione non indiget. ; Quis enim *Leo* nisi ille „ de tribu *Juda*? (c) ; quæ propinqua illa, „ nisi de qua scriptum est : (d) *una est propinqua mea.* (*) Et quod antea videbatur obscurum quod in domum Ruben :: à „ leone cum terreretur ingressus est :: postmodum ab ipso leone, qui terruit ut salvaret, evidentissime hoc modo expositum est. „ (e) Stabat Theodorus in loco prorsus eodem, quo ei pridem per somnium terror „ fuerat leonis iniectus, & cum causam trepidationis” (nationis suae existimantis principem perfidiae suae (f) esse conversum) „ inquireret, (g) & nomen solummodo nostri „ leo-

(a) Num. 20.

(b) Num. 8.

(c) *Apocalyps. cap. 5.*

(d) *Canticor. VI.*

(*) Conf. Nota nostra in hunc locum.

(e) Num. 12.

(f) Num. 12.

(g) Num. 12.

„ leonis audiret , nullam illic , sicut fere-
 „ batur , feritatem videns , (a) tantum psal-
 „ lentes Monachos intuebatur , & ab omni
 „ suorum multitudine destitutus , atque elabi-
 „ parans , etiam ipse pedum viam prospicie-
 „ bat , quem cum horribili formidine appre-
 „ hensum , non solum colore vultus , verum
 „ etiam vocis officio destitutum Ruben : : as-
 „ pexisset , properé accedit , & timentem
 „ blando sermone compellans : : ad Christi
 „ fidem cohortabatur , atque ingerens ei pro
 „ suffragio metus , suae credulitatis exem-
 „ plum , domus figurae , ad quam pavore leo-
 „ nis confugerat , quodam modo satisfacere vi-
 „ debatur .” Theodorus Christo nomen se da-
 „ turum pollicetur „ anxietate tamen non pe-
 „ nitus caret : nam licet in domum Ruben ,
 „ per promissionem suam iam veniret , in-
 „ gressus tamen & tunc trepidus erat , quia
 „ nondum ad propinquam venerat , quae eum
 „ post triduum materno suscepit sinu , & ab
 „ omni perturbatione trepidationis absolvit .”

§. LXXVI. ; Quid iam sodes ambigui?
 Ego certé ex omnium fere Ecclesiae aeta-
 tum monumentis & multa , & celeberrima
 somnia recitare possem , quae cum à Severo

K

pro-

proditis qui confetāt, cū viderentur, placet Tertulliani iterum uti verbo, non obscura minus, cum *adimplerentur* haud clariora asseverares. Sed ne aliorum scrinia compilare, aut per viros, coeterum cordatos, nimium credulos profecisse videar, nonnulla in *Sincera Martyrum Acta* (a) relata indicare, quaedam é Severiani temporis Scriptoribus referre iuvat: quin & ex istis Uzalensem Anonymum, longa oratione civibus suis somnia obiecta narrantem, eò libentius producam, ut & haud absimili ac Nostratem ratione ea exposuisse satis pareat.

§. LXXVII. Memoria repetito venerandum

(a) *Sincera* dico, quae Ruinartio (*Praefat. Gener. in eadem Acta §. I. num. 11.*) *sinceriora* visa sunt, qui non ita se rem confecisse arbitrabatur, ut nulla penitus praeter ea, quae ipse exhibet *sincera Martyrum Acta* reperiri posse existimaret, cui animus haud fuit ea omnia inter spuria reiicere, quae non descripsit, qui „ & si aliquis (subdit) „ nonnulla ex iis quae á me forté reiecta sunt *sincera* iudicaverit, non refragabor, modó id argumentis certis probare queat: alias unusquisque in suo „ sensu abundet.“ Quod idcirco monendum duxi ne in acumina paulo tenuiora descendisse videar, aut descendere cogar.

dum illum senem Polycarpum (a) cervical
capitis sui flamma ambiente circumdari in-
tuitum. Aegyptium (b) contra Perpetuam ex-
euntem , cum adiutoribus suis , adversus eam
pugnaturum. Mirae magnitudinis draconi (c)
caput à Perpetua ipsa calcatum. Frontonem
(d) duos videntem viros , qui thesaurum re-
gioni suae afferrent. Jacobo, (e) Mariano,
Aemiliano divinae dignationis ostensiones ex-
hibitas.

§. LXXVIII. Ut Paulus Orosius autor
est (f) „ appulsus in Africam Mascelzel,
„ Gildonis frater , cum quinque millibus mi-
„ litum , contra septuaginta millia hominum
„ castrametatus :: cum interiecta mora op-
„ positas praeiacentis vallis angustias trans-
„ gredi vellet , intercurrente nocte , per som-
nium,

(a) Conf. *Epist. Eccles. Smyrnensis* de eius Mar-
tyrio num. 5. Videnda & num. 12. & 13.

(b) *In eius, & socior. Passione* num. 10. Conf. &
August. Lib. III. de Anima cap. 13.

(c) Num. 4. Et *August. serm. 1. de eisdem* conf.

(d) *In Actis S. Theodoti Ancyрани, & septem Vir-
ginum* num. 11. Videnda & Acta ipsa à num. 32.

(e) *In eorundem Passione* num. 6. 7. 8. 11.
& sequentibus.

(f) *Hist. Lib. VII. cap. 36.* quod Dumesnilius *ad
an. CCCXVIII.* sive *Lib. XVIII. num. 7.* exscribit.

„nium, Beatum Ambrosium Episcopum sibi
 „videre visus est, significantem manu, &
 „impacto ad humum ter baculo dicentem:
 „*hic, hic, hic.* Quod ille prudenti coniec-
 „tura intellexit, meritoque annuntiantis fi-
 „dem victoriae, verbo locum, numero diem
 „significari. Substitit, ac tertio demum die
 „::: in hostem circumfusus processit; &
 „cum ad eos qui primi occurrerant, pia pa-
 „cis verba iactaret, signiferum quemdam in-
 „solenter obsistentem::: gladio percussit in
 „brachio, cumque::: ipso vulnere coegit
 „prorum inclinare vexillum. Quo viso, re-
 „liquae cohortes, deditionem iam fieri prio-
 „rum existimantes, certatim se ad Mascel-
 „zelem signis tradidere conversis. Barbari,
 „quorum magnam multitudinem Gildo ad
 „bellum deduxerat, defectu militum destituti
 „in diversa fugerunt.”

§. LXXIX. Lucianus Ecclesiae, quae in
 villa Caphargamala in territorio Jerosolimi-
 tano (a) sita erat Presbyter, vir Sanctus
 (b) cui revelavit Deus locum sepulchri, &

re -

(a) Sic Lucianus ipse, quem Ulimerianum Mau-
 rini in *Admonit. in eius Epistolam, laud. in Appen-
 dicem* translata appellat, & in Floriacensi co-
 dice, é quo eandem epistolam descripsere.

(b) Ex Gennadio in *de Viris Illustribus.*

reliquiarum corporis S. Stephani Martyris primi, in Epistola qua scripsit ipsam revelationem ad omnium Ecclesiarum personas (a) semivigilanti sibi, (sive, ut Breviarium Romanum habet, in somnis) digni Sacerdotis, quam multis describit speciem obiectam, cumque eo habita colloquia postquam narrasset (b) „ Domnus (c) Gamaliel (sub-
iun-

(a) Fortassis quae Lucianea ex Epistola afferam: Dumesnilius probabit, tametsi haec illius sint (*Lib. XX. num. 20.*) „ Photius aliam eiusdem (Stephani) „ inventionis Relationem legisse se dicit in Libris „ Evaristi Presbyteri CPolitani, qui eam á Chrysippo Presbytero Jerosolymitano, qui eadem aetate vivebat scriptam fuisse testatur. Hanc utpote simpliciore sequuti sumus. Ipsa videtur Narratio Luciani, si pauca quaedam minoris momenti excipias, quae difficultatem patiuntur.“ Ut ut sit, Cacciarium in *Dissertat. Historica pro Ruffino Aquileiensi P. I. §. 13.* conferto.

(b) Num. 2. & 3.

(c) Domnos, sive Dominos honoris, & reverentiae causa Sanctos appellare Veteribus haud infrequens. Conf. Nobilissimum, eruditissimumque Equitem Franciscum Victorium in *Dissert. Philologica pag. 28. & seq. Cl. Zachariam Dissertat. de Veter. Inscription. in Re Theolog. usu cap. 14. num. 2. & cap. postr. num. 4.*, alios. Quin & sequiore memoria idem obtinuit mos. Videndus Marteneus *Lib. IV. cap. 25. num. 29.* Et in *Ordinario (Rituali)*

iungit) (a) :: ait mihi : Quoniam requi-
 „ sisti de reliquiis singulorum , quomodo , &
 „ ubi sint positae ; appone sensum , & vide di-
 „ ligenter , quae ostenduntur tibi.:: Et sta-
 „ tim attulit quatuor calathos , tres aureos , &
 „ unum argenteum. Tres eorum pleni erant
 „ rosis , duo habebant albas rosas , & tertius
 „ rubicundas coloris sanguinei , quartus vero
 „ calathus argenteus plenus erat croco bene
 „ olenti. Et posuit eos ante me. Et ego dixi
 „ ei : ¿ Quid sunt isti Domine ? Et dixit mihi:
 „ Lipsana nostra sunt. Qui rubras habet ro-
 „ sas ipse est Domnus Stephanus :: secun-
 „ dus calathus Domnus Nicodemus est ::
 „ Unus vero calathus argenteus Abibas est fi-
 „ lius meus :: , immaculatus ex utero matris
 „ suae excessit é mundo , propterea in simi-
 „ litudinem argenti mundissimi apparuit. Num-
 „ quid non vides crocum , qui in ipso est sua-
 „ vissimi esse odoris ? Et ipse coniunctus est
 „ meo

secundum ritum Almae Sedis Maioricensis Valen-
tiae an. MDXVI. excuso , quod Joannes Font , alias
Roig compilavit , isthaec legas „ Jo pecador hem con-
„ fes :: á Mossenyer S. Pere ,“ i. e. ego peccator con-
fiteor :: Domino meo Sancto Petro. „ Pregaré m ::
„ per los qui van á Mossenyer Sant Pere de Roma. “
 cet. cet.

(a) Num. 4.

„in eo calathō in excelso loco , ubi ipsi positi sumus quasi gemini.” Mittō alia (a). Haud falsum somnium fuisse eventus luculentissimē ostendit (b).

§. LXXX. Librorum de Miraculis S. Stephani parentis isthaec sunt (c). „ Cum quodam loco, vel die sermo reliquiarum” (eiusdem Diaconorum Antesignani,) „ ab his servus Dei fieret , qui easdem , sibimet de Orientis partibus missas , nobis nescientibus, habebant , adfuit in sermone quaedam etiam mulier sacra famula Dei , quae ubi hoc audivit non facilē credidit , & apud semetipsam tacitē dicere coepit ; & quis scit si verē Martyrum sunt reliquiae ? Statim autem sequenti nocte per somnium , ampulla quaedam eidem demonstratur , intra se habens sanguinis quamdam aspersionem , & aristarum , quasi ossium significationem , quam Presbyter quidam manu tenens , germano eius Monacho , illa praesente , locutus est dicens : Vis scire quomodo Martyrum probentur reliquiae ? Quo dicto ampullam eius
ori

(a) *E num. 5. & seqq.*

(b) *Conf. ead. Epist. num. 8.*

(c) *Cap. I. Lib. I.*

„ ori iniecit , & mox flamma ignis (a) per
 „ aures eius, atque oculos evomi coepit. Hoc
 „ quomodo res ipsa manifestata sit dignanter
 „ accipite. Ampullam sicut oculis suis vidit an-
 „ cilla Dei in somni revelatione , sic inter ma-
 „ nus suas accepit postea Sacerdos Dei in ipsius
 „ rei manifestatione ; & quod illa quamdam
 „ dubitationem prius in se habuit , eandem
 „ nunc in quibusdam res ipsa declaravit. Quod
 „ deinde ignis per ampullam aures , atque ocu-
 „ los comprehendit, & quid aliud tunc praesig-
 „ navit , nisi quod praedicatio sanctarum reli-
 „ quiarum perveniens ad os Monachorum,
 „ unum corpus Ecclesiae , per auditum, atque
 „ visum claritatis Dei igne succendit, ut omnes
 „ meritó dicerent: (*) *Sicut audivimus ita &
 „ vidimus?* Nec quod ille Presbyter apparuit,
 „ qui ad os Monachi ampullam applicuit, quae
 „ ignem emissit, inane fuit. Is enim erat , qui
 „ nuper ex Oriente rediens , & de Sanctis re-
 „ liquiis , quas illic viderat, in ore Servorum
 „ Dei verbum ponens , quasi ampullam ad-
 „ movit, & sancto igne succendit.”

§. LXXXI. „ Alia autem Virgo (b) sa-
 „ cra

(a) Sic M. S. Floriacense. Editi *flamma san-
guinis*. Maurini.

(*) *Psalm. XLVII. v. 9.*

(b) *Cap. 2.*

„ cra ad locum antiquorum Martyrum in
 „ suburbio civitatis (Uzalensis) constituto-
 „ rum , qui Felix & Gennadius nuncupantur,
 „ videbatur sibi iter facere per somnum : : :
 „ via aliquantulum devia , & flexuosa. Per
 „ hanc videt adventare innumeros populos
 „ gaudentes sané, atque psallentes , & cereos,
 „ & luminaria : : : gestantes , & quasi quem-
 „ dam candidatum parvulum comitantes, at-
 „ que iteratis vocibus inclamantes: *Confessor*
 „ *Christi* , *Confessor Christi*. Quem cum ad
 „ Ecclesiam perduxissent , atque super pul-
 „ pitum elevassent , videt eundem parvulum
 „ subitó manus expandisse , & ore proximo
 „ populis dixisse : *Ecce habetis Martyrem*.
 „ ; Mirabile dictu est quanta huius quoque
 „ visionis veritas consequuta est ! Nec im-
 „ meritó olim per Prophetam divina voce
 „ praedictum est : (*) *Ecce dies veniunt di-*
 „ *cit Dominus & dabo de spiritu meo super*
 „ *omnem carnem*” : : : cet. : : : Si placet vi-
 „ sionis fructum incipiamus ostendere. Igitur
 „ post quadraginta fermé dies , ex quo ista
 „ revelata sunt , in loco memoratorum Mar-
 „ tyrum nostrorum , quó illa pergentem se vi-
 „ derat , susceptis ibi reliquiis : : : exinde can-

L

„ tan-

(*) *Joel. cap. XVIII.*

„ tantes, atque psallentes, cum immensae mul-
 „ titudinis choris ad civitatem regredi coepi-
 „ mus; per illam vero viam, quae puellae
 „ monstrata est, portabantur Sancti Episco-
 „ pi gremio residentis vehiculo sanctae reli-
 „ quiae, velut ille parvulus candidatus, qui
 „ ab illa fuerat visus. In sui quippe corporis
 „ portione parvulus ille cognoscitur Confessor
 „ Christi. 2 Dubitas an Martyr parvulus sit?
 „ 2 Nonne propter innocentiam infantulus,
 „ propter humilitatem pusillus est? Ipse deni-
 „ que hymnus, qui ore universi populi can-
 „ tabatur (a): *Benedictus qui venit in nomine*
 „ *Domini*, 2 quid aliud, dum repetita voce
 „ cantaretur, significasse intelligitur, nisi quod
 „ illa audiente dicebatur: *Confessor Christi*,
 „ *Confessor Christi*? Jam vero sicut osten-
 „ sum erat puellae, ita cereis, luminaribus-
 „ que fulgebant. Eandem quoque, quam illa
 „ per visionem viderat, nos etiam intravimus
 „ Ecclesiam. Unum aliquid ultimum de omni
 „ visione iam restat, quod puella Confes-
 „ sorem illum in pulpitem levatum esse cons-
 „ pexerat, & extensis manibus dicentem po-
 „ pulis audierat: *Ecce habetis Martyrem*.
 „ Hoc quoque qualiter impletum sit::: dig-
 „ namini-

(a) Psalm. CXVII. v. 26.

„namini accipere.” Sequuntur, quae iam pri-
dem attulimus „Eodem namque die. cet.:::

§. LXXXII. „Et quidam eiusdem civita-
tis tonsor (a), qui Concordius vocabatur,
pedem cadendo fregerat. Is diu lecto de-
cumbens, variis doloribus cruciabatur:::
Ecce quadam nocte, ipso quidem dormien-
te, sed non illo::: obdormiente, *qui custo-*
todit Israel, (b) videt per somnum, se
in arduum quemdam, & angustum cuius-
dam montis ascensum, unde nulla sibi es-
set facultas remeandi, nullus exitus eva-
dendi. Ex quo quid aliud demonstrabatur,
quam ut sciret, atque intelligeret, in an-
gustiis pressurarum suarum, non humanum,
sed solius Dei debere querere auxilium?
Namque apparuisse sibi ait quamdam re-
verendi visus foeminam, quae sibi sic af-
flicto, & dolorum amaritudine repleto, spe-
ciem fici traderet, per cuius dulcedinis
significationem spiritalis gratiae perciperet
suavitatem. Unde etiam fiduciam impe-
trandi accipiens, precibus insistebat, & sa-
nitatem ab ea petebat. At illa, quae ty-
pum procul dubio gestabat Ecclesiae: mo-
do

(a) Cap. 4.

(b) Psalm. CXX. v. 4.

„ do , inquit , accede ad Sanctum Stephanum ,
 „ & faciet te sanum. Quod dictum , facti fi-
 „ des est subsequuta. Nam cum illa discederet ,
 „ & : : : ipse diceret : ; Dimittis me , & ducis te ?
 „ ecce videt illam , sicut illi promisserat , ad
 „ Sanctum Stephanum accedentem , & pro
 „ se rogantem , ac dicentem his verbis : Rogo
 „ te , per Sanctitatem tuam cura illum , mi-
 „ serere illi , miserere filiorum eius , libera
 „ hominem innocentem de tribulatione. Tum
 „ illum qui rogabatur , vidit ad se , atque ad
 „ cubiculum , in quo iacebat , ingredientem ,
 „ amictum veste candida , specie decora.
 „ Quem mox ut agnovit , ut aegrotus me-
 „ dicum , egenus copiosum , supplex patro-
 „ num , his verbis , cum lacrymis rogabat di-
 „ cens : Care Christi amice , cura me , libe-
 „ ra me de tribulatione , miserere mihi , mi-
 „ serere filiis meis. Vix precator verba finie-
 „ rat , & iam precum exauditor precibus res-
 „ pondebat dicens : Surge , salvus factus es.
 „ At ille , tamquam qui dormiens corpore ,
 „ sed vigilans spiritu audisset , continuo de
 „ lecto exilivit , & ante lectum suum firmis
 „ gressibus incedere coepit , ac sic verbum
 „ prophetiae (*) implevit : *Et claudus saliet*
si-

(*) *Isaiae cap. XXXV. vers. 6.*

„ sicut cervus.” Sed de somniis plus satis.

§. LXXXIII. Venio ad prodigia, & quamquam heic disputationem non instituam, quam stans pede in uno haud expedirem; sintne ea pura, putaque metheora dicenda, aut in veri nominis miraculorum familiam cooptanda? illorum licet causae non reperiantur, observari tamen ut mira possunt, externaque eorumdem adjuncta consideranti, divini forsitan numinis vis in illis ferè omnibus saltem, se prodere videbitur; gravissimis certè Viris, é quibus egregios divinorum Codicum Enarratores loquentes inducemus, prodere sese videbatur, ut miracula *quoad circumstantias* (lubet illustris de Scholis Piis Theologi Liberati Fassoni (a) verbum usurpare) ea non immeritò crederes. Pauca de singulis dicam, & cum nonnullis tum é Severiana, tum é sequioribus aetatibus conferri posse monstrabo.

§. LXXXIV. Profectò *Deus*, qui *lux est*, (b) & in *cuius lumine* beati vident *lumen*, (c) non tantum illorum animos ad se evolantes, ut Pauli Eremitarum coriphoei, (d) Benedic-

ti,

(a) *Dissertat. de Miraculis* §. 8.

(b) *I. Joannis cap. I. vers. 5.*

(c) *Psalm. XXXV. v. 10.*

(d) *Apud Hieronym. in eius Vita.*

ti, (a) Joannae Franciscae Fremiotae (b); non corpora dumtaxat, & dum spiritus illorum artus regeret, sive inter orandum, ut Theresiae, (c) Angelici Aloysii (d), sive sacrum facientium, ut Vlrici Villariensis Monachi, (e) Thomae Lombardi (f), sive de divinis rebus colloquia inter se miscentium ut Caroli Borromei, & Philippi Nerii (g), sive ad populum pro sacris rostris dicentium, ut Ambrosii Senensis (h), Francisci Salesii (i), & postquam fato functi fuerant ut Sigismundi (k), Petri cuiusdam Abbatis (l), Joannis Nepomuceni (m); verum etiam loca, in quibus Sanctorum cadavera, sacrae ipsorum

pig-

(a) Ap. Gregor. Mag. *Dialog. Lib. III. c. 37.*

(b) *In eiusdem, & S. Vincent. à Paulo Vita.*

(c) *In II. Relat. Sac. Rom. Rot. Audit. de eius Virtut. §. 3.*

(d) Ex V. Bellarmino, ap. Lambertinium *de Servorum Dei Beatificat. Lib. III. cap. 26.*

(e) *Martyrolog. Gallican. Kal. Oct. in Append.*

(f) *In Menolog. Cistercien. ad diem 4. Augusti.*

(g) Ap. plerosque.

(h) Ap. Lambertin. *Lib. IV. P. 1. c. 26. n. 28.*

(i) Ap. Carol. Salesium in Patruī Vita.

(k) E Gregor. Turonensi *de Gest. Francor. Lib. III. cap. 6.*

(l) Ap. Bedam *Hist. Anglor. Lib. I. cap. 32.*

(m) *Conf. eius Vita.*

pignora sita erant, coelestibus saepe númeró fulgoribus illustravit. Sic ad Vzalensem, quam memoravi Martyrum memoriam, *stella occurrisset* refertur. (a) Sic è Quintini sepulchro immensus splendor fusus. (b) Sic ut alia praeteream nullo negotio parabilia „ cum „ anno MCCCLXXXIII. XII. Kal. Mart. Dominici Guzmanii caput Fratres Praedicatorum ex arca extraherent, & ad usum Ecclesiae nobili loculo argenteo collocarent, „ mirum illud oculis mortalibus accidit, quod „ interim dum arca patuit, stella supra Ecclesiam clarissima fulsit. Quae res animadvertens, civitatis (Bononiensis) religionem erga „ sanctum Confessorem accendit.” (c) ; Quidni etiam igitur, Nostratum erga Martyrum Antistitem accendendae pietati, globum (d) „ candidissimi luminis : : : qui tantae esset claritatis . ut Sol decidere alicui videretur : : : propé basilicam, in quam ipsius reliquiae nuper illatae fuerant, *lento lapsu* demissum credamus ? ; eundemque Levitarum coriphoe-

(a) *Lib. I. de Mirac. S. Steph. cap. 2.*

(b) *Ap. Surium.*

(c) Totidem verbis Sigonius *Lib. III. de Episcop. Bononiensibus in Vita Card. Philippi Caraffa.*

(d) E Severi *num. 15.*

phoeum , cuius (a) omnes qui sedebant in concilio videbant faciem : : : tamquam faciem Angeli , seu qui , ut christianae fiden lyrae Prudentius cecinit : (b)

..... „ praetulit

„ oris corusci gloriam

„ :: per imbrem saxeam

„ Coelos apertos intuens”

neque novo , neque insolenti honore decoratum ?

§. LXXXV. Si in X. mill. Martyrum Historia , quam Nicolaus Serarius se manu scriptam vidisse ait „ manna iis aliquando pas-
cendis é coelo delapsum traditur ;” (c) nobis , cum eodem multiiugae eruditionis , & sagacissimi Viro ingenii qua de Severus , nobilior , & confirmatior mannae delapsio est.
(d) Et à Jacobo Tirino , Severo testimonium denuntiante haud iniuria fuisse dictum
(e) scimus „ Simile manna (Angelorum escae , qua Dominus nutrit populum suum (f)

„ si-

(a) *Act. Apostol. cap. VI. vers. postr.*

(b) *In Peristephanon, sive de Coronis Libro, Hym. II. strop. 93.*

(c) *In V. Josue caput Quaest. XXXVII.*

(d) *Eod. in loco.*

(e) *In Exod. cap. XVI. sub fin.*

(f) *Sapient. cap. XVI. vers. 20.*

„ simili miraculo , post Christi tempora in
 „ Insulis Balearibus (a) depluit rursum Deus,
 „ in gratiam Judaeorum , qui tum plurimi ad
 „ fidem Christi accedebant.”

§. LXXXVI. A bonis Autoribus (b)
 scriptum accepimus , & in Ecclesiasticis ta-
 bulis relatum est (c) cum sacrum Froilani
 corpus , é Morerolae Coenobio , quod primúm
 ille Abbas prudentissimé rexerat , ad Legio-
 nensem , quam dein Episcopus administravit,
 Ecclesiam transferretur „ per totam viam ho-
 „ mines, animantes ipsasque arbores melleo
 „ liquore maduisse.” ; Et cur Stephani inter-
 ventu aquam „ in mel sincerissimum conver-
 „ sam (d) , ut Meletii uxor amaritudinem
 „ incredulitatis (iuvat istud repetere) abii-
 „ cere compelleretur (e) ” inficiabimur ?

§. LXXXVII. Quae *num.* 17. Severus nar-
 rat , quandoquidem ceu eventi à Dumesnilio
 notati causa nullo pacto proferuntur , brevio-
 rem à me sermonem postulant. De pluvia,

M

quae

(a) Nihil de Maiore Baleari apud Severum.

(b) Cum Benedictinae familiae , cum Hispanis Agiographis.

(c) Die V. Octob. qui dies Froilano proprius est
in Offic. SS. Hisp.

(d) E Severi *num.* 17.

(e) *Num.* 17.

quae advenientes ad fidem Christi Judaeos praecedebat, nihil Severianis opus est addere. Dicam dumtaxat Beatorum exuvias suavissimè soepenumero olere, cum multa eaque luculentissima exempla á Viro Summo Prospero Lambertinio (a) in unum collata fateri nos cogant; facili sibi quisque opera persuadere poterit, quemadmodum in Jerosolymitanorum gratiam, cum Stephani thecam aperuissent, tanta suavitas, & fragrantia odoris, egressa est, ut, Luciano autore (b), in amoenitate paradisi se positos putarent; mirifico verèque coelesti odore Magonensem Ecclesiam fragrasse (c), ut praesentiam Sancti Spiritus::: fraternitas penè universa sentiret, ” proptereaquod é Martyrum Antesignani pignoribus apud se positis, ceu Tillemontio (d) Avitus loco inferius describendo, (e) indicare videbatur, olei cuiusdam aromatici genus flueret, quale ex Andreae Apostoli tumulo Gregorius Turonensis, (f) é Nicolai Mirensis ossibus Breviarium Mozarabicum,

(a) *Lib. IV. P. I. cap. 31. á num. 26.*

(b) *Cit. Epist. num. 8.*

(c) *E Severi, num. 17.*

(d) *Loco citato.*

(e) *In Severi Epist. num. III. Nota 8.*

(f) *Lib. I. de Gloria Martyrum cap. 31.*

bicum, (a) aliaque monumenta, é Theresiae reliquiis Sac. Rom. Rotae Auditores, (b) apud quem modo nominavi, & quem foepissimé nominare gestio Lambertinium, (c) testantur.

§. LXXXVIII. Restat ut extrema Dumesnilianae sententiae verba ad trutinam exigamus. *Haec* (ab se nimirum notata) inquit ille, & *similia* (quaenam isthaec sint ut indicasset optarem) *narrantur* á Baroniano Severo, *stylo prorsus barbaro, & pueriliter effuso*. Sed viri doctissimi pace mitius cum Nostratis Epistola agendum erat. Quemadmodum sua cuique animi cogitatio, colorque privus est, suum stylum esse, qualem uniuscuiusque scilicet ingenium, doctrina, domicilium, vitae institutum, adiuncta alia ferunt praeteribo. Sacra eruditione Severum valuisse nonnihil diximus, praestantem fuisse non diximus. Epistolam dabat, cui, vel ex Tullii sententia, interdum fas est hallucinari. In ea Insula dabat, „ quae omnium „ terrarum parvitate, ariditate, asperitate pos- „ trema” ipsimet videbatur, (d) & cuius cer-
té

(a) *In eiusd. Hymno.*

(b) *In Relat. de eius Miraculis.*

(c) *Laud. nuper cap. num. 19. & 20.*

(d) *Num. 2.*

té incolae quin ad barbarum plerumque sermonem magis vacarent, quam Ireneus (a) apud Celtas degens, fieri haud poterat. Ea tempestate dabat, qua barbaries, (b) torrentis, ruptis aggeribus more, exundarat, & qua latinitatis laude florentes non tot sané apparuissent quot erant:

„Thebarum portae, aut divitis ostia Nili.
Ad illos dabat, *qui non eloquii ornatum sed veritatem quaerebant.* (c) Franciscum Vavassorium, cuius sepulchro politissimus Vates Joannes Commirius flores hosce spargebat:

„Vavassor iacet hic, quem postquam fata tulerunt,

„Latinae Charites dedidicere loqui;

cum *Glossarium mediae, & infimae Latinitatis* à Fresneo elucubratum vidisset, dixisse fertur se aetatem laborasse, ut ea nesciret. Longé aliter Severus, qui vel quód Ecclesiae nostrae clavum Episcopus teneret, *sapientibus, & insipientibus*, Apostolo monente, (d) *se debitorem* esse intima mente defixum habuisset, rarisque propterea auribus se placere

(a) Vid. ipse in *Praef. Libr. adversus Haereses.*

(b) Conf. qui de Latinae Linguae aetatibus disseruere Cellarius, Borrichius, Noltenius, Manhartius, alii.

(c) *Cit. Num. 12.*

(d) *Epist. ad Rom. I. v. 14.*

cere haud iuvasset. Nam si Christiani hominis est, ut praeclaré Basilus animadvertit (a) „ non ad ostentationem, sed ad publica commoda scribere, ” ; quanto magis sacrorum Antistitis erat summa niti ope, ut illud vitaret vitium, quod superiore inclinante saeculo elegantissimus Abrincensis Praesul Daniel Huetius in doctissimi Thomassinii lucubrationibus reprehendebat? (b) Satis superque muneri se facere suo Severus credidit, si Tullianum illud de Epicurea, (c) in suam caderet orationem, *complecti verbis quod vellet, & ita loqui ut intelligeretur.*

§. LXXXIX. Et praestantissimorum perfectó Patrum more, modoque, quibus non tantum sermonis flosculos, lepóres, veneres, studiosé consecrari piaculo erat, totumque Isocratis pigmentarium, quód nimium bené oluisset, non bene oluisset; verum etiam quae ipsi vulgaturi erant scripta multa die, & multa litura coercere, perfectaue decies ad unguem castigare fas soepenumero haud fuisset. Taceo Hieronymum,

(a) *Epist. ad Diodor. CXXXIII.*

(b) In *Comment. de rebus ad se pertinentibus.*
 „ Frustra inquit, commendationem quaesivit
 „ Thomassinus scriptis suis ab elegantia dic-
 „ tionis. “ cet.

(c) *Lib. I. de Finibus bonor. & malor.*

mum, qui cum ad Paulum Concordiensem Pauli Anachoretarum Magistri Vitam mitteret, „ se non parum propter simpliciores quosque „ in deiiciendo sermone laborasse ” scribit. (a) Petrum Chrysologum, cuius egregia vox est: (b) „ Verborum flosculos non quae- „ ramus, qui maturitatis fructum quaerit, des- „ picit amoena camporum. ” Augustinus „ mundanorum, ait (c), autorum omnis „ propé cura de verbis est. ” Aliis in locis: (d) „ Quid ad nos quid Grammatici ve- „ liunt? Melius in barbarismo nostro ” (verbum enim *foenerat*, pro *foeneratur* usurpárat) nos „ intelligitis, quam in nostra differtitudine vos „ deserti eritis. ” *Non timeamus ferulas Grammaticorum, dum tamen ad veritatem solidam perveniamus.* (e) „ Quid enim prodest cla- „ vis aurea si aperire quod volumus non „ potest, aut quid obest lignea si hoc potest? „ (f) Sermonem usitatum, & simpli- „ cem etiam docti intelligunt, illum autem „ qui supra consuetudinem est non intelli- „ gunt. ”

(a) *Epist. ad eund.*

(b) *Serm. XVIII. in Vet. Edit.*

(c) *Lib. contra Adimantium cap. II.*

(d) *In Psalm. XXXVI. Serm. III.*

(e) *Enarrat. in Psalm. XXXVI. laud.*

(f) *De Doctr. Christiana Lib. IV. cap. II.*

„gunt.” (a) Et, ne testimoniis ingeminandis, orationis cursus frangatur, Salviani tandem haec sunt: (b) „Nos::: utilia potius, quam „plausibilia sectamur, neque id quaerimus ut „in nobis inania seculorum ornamenta, sed „ut salubria rerum emolumenta laudentur.”

§. XC. Crebras idcirco nimium allegorias, antitheses, verborum lusus, nominum notationes, stylum quandoque tinnulum, redundantem, verba aliquando inculta, quandoque haud propria satis, multa à prisci sermonis usu remota (& an non *barbara* isthaec & *puerilia* Dumesnilio?) in Scriptorum gravissimorum illorum lucubrationibus offendent non ii tantum quibus inde exultantibus unde erubescere debebant, nullus in censoria virga exercenda, pudor, aut modus est, vel qui Facundi Hermianensis sententia (c) susdeque habita, illorum menda, luminarium defectus esse animo haud reputant, „quae licet nonnumquam splendoris sui detrimenta sustineant” (& in rebus quidem magni ponderis nondum planè eliquatis & quanto minus in verborum structura, verbisve?) „non

(a) *Lib. I. de Genesi contra Manichaeos c. 1. n. 1.*

(b) *Praefat. ad Libros de Gubernatione Dei.*

(c) *Apud Petavium in Theol. Dogmat. Prolegom.*

„ non tamen amittunt luminaria esse quod sunt; ” sed etiam qui extra orbes aequissimis iudiciis definitos vagari flagitio sibi vertent, & nonnisi modesté & circumspécté de viris illustribus pronuntiant. Hieronymo (a) Victoris Petabionensis opera *grandia* licet *sensibus, verborum compositione viliora*; Arnobii stylus (b) *inaequalis, & nimius*. „ Multa in Ecclesiasticis Scriptoribus contra legem pedariam, utpote qui Orbilio manum subtraxere, ” Martinus Delrius, cuius nomen, latinis donec erit pretium litteris, in pretio erit, totidem verbis dixit. Jacobus etiam Sirmondus, & ipse latinissimus, Eugenii Toletani Antistitis, & Dracontii Diaconi versus rudes, & impolitos, (c) & crassos, & solece filo textos esse ait. Plura in eandem sententiam apud Cangium (d) legi posse, Perezius (e) monuit. Et ne quis Emmanuelis Martini, quem alterum Latinitatis Varronem Josephus Lorga, iure summo, vocat, verba de-

(a) *De Scriptor. Ecclesiastic. cap. 74.*

(b) *Epistola XIII. ad Paulinum.*

(c) *In eorundem Henrico Borbonio Principi Dedicatione.*

(d) *In Glossarii Praefat. à num. 58. ad 60.*

(e) *In Append. Dissert. laud. P. I.*

desideret : (a) „ E Patribus Latinis morum
 „ doctrinam , pietatemque haurire debemus,
 „ non autem linguam.” Ne plura. Quantum
 in ipso situm erat , aequalium ad amussim
 Severus orationem exegit suam , eiusque qui
 hodiernam Epistolam cum multis Chr. Se-
 culi V. scriptis conferat , sin illis plané si-
 milem , haud absimilem certé esse iudica-
 bit. Haec ego pro Baroniano Severo , qui-
 bus me é vadis emersisse , & scopulos prae-
 tervectum esse mihi videor. Jam , quod fe-
 lix faustumque sit , ad eundem , pro mo-
 dulo , illustrandum proram verto.

(a) *Epist. ad eundem Lorgam VIII. Lib*
Epistol. Martini Edit. Amstelodam. 21.

PARS POSTERIOR

EPISTOLA SEVERI

I.

AD OMNEM ECCLESIAM

DE VIRTUTIBUS AD JUDAEORUM
CONVERSIONEM

IN MINORICENSI INSULA FACTIS

IN PRAESENTIA RELIQUIARUM

SANCTI STEPHANI.

Sanctissimis, ac Beatissimis Dominis Episcopis, Presbyteris, Diaconibus, & Universae Fraternitati totius Orbis terrarum, Severus Episcopus, misericordia Dei (a) indigens, & omnium ultimus in Christo Redemptore nostro aeternam salutem.

II.

III. IV.

V.

VI. VII.

VIII. IX.

§. I. Cum Dei opera revelare, & confiteri honorificum esse Raphael Archangelus moneat; profectio silere, & celare opera (b) Christi
pe-

I.

(a) Abest á Vaticano Exemplo Dei.

(b) Vatic. Palat. Miracula.

periculosum est. In quibus tamen adnumerandis maior est gratia, si communi, & sim-

II. *plici sermone referantur. Celatur enim quodammodo speciocissima pulchritudo virtutis, si abundantiori eloquio circumdata fuerit, atque*

III. *fucata. Quapropter ego quoque magnalia quae*

IV. *Christus apud nos operatus est, non composi-*

V. *to sed veridico sermone referre aggredior.*

I. §. II. *Insula Minorica una ex Balearibus Insulis est, quarum nomen cunctis popu-*

II. III. *lis, Secularium quoque auctorum litteris per-*

IV. *vulgatum est. Haec inter Mauritaniam Caesariensem, & Hispaniam, medio propemodum aequoris spatio sita, angustis admodum ter-*

V. *minis clauditur, longitudinem triginta, latitudinem vero tria millia (a) passuum habens.*

Quae nunc idcirco commemoravi, ut agnosci

VI. *possit, contemptibilia mundi à Domino, non solum in hominibus, sed etiam in locis eligi.*

VII. *In hac itaque Insula, quae omnium terrarum parvitate, ariditate, asperitate postre-*

VIII. IX. *ma est, duo parva Oppida, quibus à Poenis indita nomina é regione fundata sunt. (b)*

X. XI. *Jammona ad Occasum, Magona ad Orientem*
Spec-

(a) Vatic. X. ferme millia passuum.

(b) Vatic. exemplar: à Poenis, sicut inditum nomen inditio est, é regione fundata sunt. Idem Vatic. Palat. nisi quod pro inditio, indictione referat.

ſpectat. In his mihi omnium mortalium ultimo, nuper Sacerdotalis officii pondus impoſitum eſt. Sed Jammona antiquum à Deo munus etiam nunc retinet, ut Judaei habitare in ea nequaquam poſſint. Multos ſiquidem id temerè audentes, aut aegritudine praeventos, aut repulſos, aut morte ſubitanea extinctos, aut etiam fulmine trucidatos, tradit vetuſtas; adeo ut celebris huius rei fama ipsis quoque Judaeis ne id ultra temerè (a) audeant, metum fecerit. Nec hoc fide indignum ducimus, cum etiam lupos, vulpesque, & omnia noxia animalia deeſſe videamus, cum earum, quae ad veſcendum bonae ſunt, ferarum copia magna ſit. Illud etiam magis mirum eſt, quod colubri, & ſcorpiones ſunt quam plurimi, ſed amiſſerunt omninò nocendi violentiam. Cum igitur Jammonam nullus Judaeorum qui lupis, ac vulpibus feritate, & nequitia meritò comparantur, ne hoſpitii quidem iure, accedere audeat: Magona tantum veluti colubris, & ſcorpionibus, ut tradebatur fervebat, ut quotidie ab his Chriſti Eccleſia mordetur. Sed antiquum illud beneficium carnale, nuper nobis ſpirituale renovatum eſt, ut illa, ſicut ſcriptum eſt (): generatio viperarum,*

quae

(a) Al. tentare.

(*) Luc. 3. 7.

XX. quae venenatis ictibus saeviebat, subito
 XXI. XXII. divina virtute compulsa, mortiferum illud
 virus incredulitatis abiecerit.

§. III. Namque diebus pene istis, quibus

I. ego tanti Sacerdotii nomen, licet indignus, adeptus sum;
 II. Presbyter quidam sanctitate praecipuus ab Hierosolyma veniens, Magonae non longo tempore moratus est; qui postquam transvehere ad Hispanias, sicut desiderabat, nequivit,
 III. IV. V. remeare ad Africam denuo statuit. Tunc Beati Stephani reliquias, quae nuper revelatae sunt, cum ad Hispanias portare constitisset, ipsas, sine dubio Martyre inspirante,
 VI. VII. in memorati Oppidi Ecclesia collocavit. Quo facto protinus ille ignis, quem Dominus venit mittere in terram, & quem valde ardere cupit, caritate eius accensus est. Statim siquidem tepor noster incaluit, & factum est
 VIII. IX. X. XI. cor nostrum, sicut scriptum est: ardens in via. Tunc enim in fide ille iam ardebat zelus, tunc spes salvandae multitudinis erigebat: denique statim intercisa sunt etiam salutationis officia, & non solum familiaritatis consuetudo divulsa; sed etiam noxiae inveteratae species caritatis ad odium temporale, sed pro aeternae salutis amore, translata est. In omnibus plateis adversus Judaeos pugnae legis, in omnibus domibus fidei praelia gerebantur.

Luc. c. 24.

§. IV.

§. IV. Judaeorum populus maximè cuiusdam Theodosii auctoritate, & potentia (a) I. nitebatur, qui non solum inter Judaeos, verum etiam inter Christianos eiusdem Oppidi, & censu, & honore seculi praecipuus erat. II. Siquidem apud illos Legis Doctor, & (ut III. illorum utar verbo) Pater Patrum (b) fuit: in Civitate autem cunctis curiae muniis ex- IV. solutus, & Defensor iam extiterat, & iam V. nunc Patronus municipium habebat (c). Chris- VI. tiani autem, ut corde, ita etiam & viribus humiles, sed veritatis robore superiores, Patroni Stephani patrocinium deprecabantur do- VII. nec utrique exercitus, cum iam diem certaminis condixissent, datis tunc induciis discesserunt, Judaeis id magnopere expectantibus, ut scilicet, Theodorus, in cuius se omnis Synagoga viribus acclinabat, ex Maioricensi IX. Insula reverteretur, ad quam fortè visendae possessionis gratia perrexerat. Qui quidem statim, ut ad eum missa legatio est, remeans, auctoritate sua multos terruit, sed non extinxit, sed consopivit contentionis incendium: maiore siquidem illicò exardescens violentia, eti-

(a) Est in Vatic. peritia.

(b) Vatic. Pateron.

(c) Habet & Vatic. patronus municipium habetur.

- X. *etiam vicinum Oppidum fidei flamma corripuit.*
 Prov. 18. Et, ut illud Salomonis impleretur: Frater
 19. XI. Fratrem adiuvans exaltabitur, sicut civitas
 XII. firma, & alta; statuerunt multi famuli Christi,
laborem itineris minimè recusantes, cunctas animi vires huic bello tradere.

§. V. Pendente igitur praelio nos quidem qualia praeparaverimus arma, subditum huic
 I. Epistolae commonitorium probat, quod quidem non pro quorumdam instructione edi volumus, (quippe qui ea potius egemus, & quam à Beatitudine vestra magis speramus); sed ut animadverti possit, non minimam nos sollicitudinem, secundum modulum possibilitatis nostrae, suscepti habuisse certaminis, Christum vero, cuius Regnum non in sermone, sed in virtute est, nobis, ne verbum quidem proferentibus, suis omnia viribus consummasse, & absque ullo sudore certaminis, exercitui suo hanc, quam nemo, aut optare audebat, aut expectare poterat, victoriam concessisse. Judaei igitur, exemplis se Machabaei temporis exhortantes, mortem quoque, pro defendendis legitimis suis, desiderabant. Itaque non solum libros revolvere, sed etiam saxa, sudes, iacula, omniaque telorum genera, ad Synagogam conferre coepere, ut Christianorum aciem, virtute Sancti Spiritus munitam (si ita res posceret) etiam corporis viribus propulsarent.

§. VI.

§. VI. Interea dum hi apparatus gere-
rentur, magnoque altrinsecus studio futurum
instituitur bellum, utrimque exercitus, inenar-
rabilibus, (a) & absolutissimis somniis com-
moventur, quorum si nullam penitus facerem
mentionem, non minimam videbor partem di-
vinæ gloriæ operuisse. Sic enim Sancti Aposto-
li Pauli somnium Lucas Sacrae Historiae I.
inseruit, dicens: virum Macedonem adstitisse Act. 6.
in visione noctis, orantem, ut adiuvaretur
ab eo, & hac Apostolum visione praemonitum,
itineris alió destinati cursum ad Macedoniam
(b) convertisse. Quanto igitur Domini nos-
tri Jesu-Christi maior est gloria, quod id mi-
nimis, atque indignis famulis revelare dig-
natus est, quod etiam Beato Apostolo demons-
tratum, Scriptura celare noluit? Igitur bre-
vitatis causa, ne Beatitudini vestrae fasti-
dium fortasse gignatur, duo tantum somnia
inseram.

§. VII. Apud nos devota quaedam re- I.
ligiosissima, nomine Theodora, quae & vir- II.
ginitate corporis, & religione propositi, & III.
nominis interpretatione, typum portare Eccle- IV.
siae mereretur, vidit in visione noctis viduam
O quam-

(a) Vatic. Innumerabilibus.

(b) Malé Vatic. de Macedonia.

- quandam nobilissimam ad me, qui non pro merito, sed divini numeris largitate Sacerdotio fungor, insertas (a) litteras per se mississe, quibus mihi cunctos agros suos ad seminandum suppliciter offerret. Simili etiam somnio me quoque ultimum peccatorem, ad seminandum praecingere, & commonere dignatus est. Vidua enim quaedam altera nobilissima, quam Synagogae speciem habuisse non dubium est, me ut agros suos incultos susciperem, eosque, quando tempus sementis urgeret, diligenter excolerem, deprecabatur. 2 Quae est autem
- VI. altera nobilissima vidua, nisi illa, quae Christum impié perimendo, semetipsam crudelissimè viduavit? Hoc somnium utriusque unum est. Ante triginta ferme quam impleretur dies, & vidisse nos, & licet absolutionem eius ignoraremus, tamen fratribus indicasse manifestum est.

§. VIII. Apud Judaeos quoque miro divinae dispensationis ordine, ut nominis Theodori, & officii mei in uno homine societas conveniret, Theodorus, qui summus Sacerdos perfidi populi erat, somnium, quod viderat, non

so-

(a) F. inscriptas, ceu Maurini notant, qui & ubi mox Baronius per se mississe, alios praemis-
sisse referre animadvertunt.

solum Judaeis, sed etiam propinquae cuidam Matrifamilias primariae ipsius civitatis, multisque etiam aliis Christianis, ante non parvum quam adimpleretur tempus, his sermonibus propalavit: Eunti mihi, inquit, in Synagogam duodecim viri manus obvias obtulerunt dicentes: Quó vadis? Leo illic est. Cum ergo audito leonis nomine trepidare coepissem, locum tamen, dum fugam paro, unde introspicerem, reperi, & vidi Monachos illic mira suavitate psallentes. Maior mihi pavor illico adiectus est, & nisi in cuiusdam nomine Ruben, ingressus fuisset domum, & inde ad matrem propinquam cursu praecipiti convolassem; nequaquam curam mortiferi terroris evasissem. Hoc eius somnium valde clarum est, & interpretatione non indiget. Quis enim Leo, nisi ille de tribu Juda, radix David? Quae propinqua illa, nisi de qua II. scriptum est: una est propinqua mea? Illud ergo solum videbatur obscurum, quod in domum Ruben Judaei, à leone cum terreretur, ingressus est: quod quidem nobis postmodum ab ipso leone, qui terruit, ut salvaret evidentissimè expositum est. Quod dehinc suo explicabimus loco. Nunc autem coeptae rei ordinem prosequar.

§. IX. Ex Jammonensi Civitate ad professionem famulorum Christi, multitudo con-

venit, quae in ipso Oppido putabatur consistere, tantaque difficillimi itineris laborem alacritate confecit, ut triginta millia passuum iucundius transvolaret, quam si ad suburbanum aliquod amoenissimum ad convivia epulari vocaretur. Igitur Magonam perve-

- I. nimus. Statim missis Clericis adventum meum
- II. Judaeis nuntiavi, & ut ad Ecclesiam Sanc-
- III. tam accedere dignarentur poposci. Illi autem inopinatum nobis nuntium remittentes, mandaverunt: Ecclesiam sibi (ne credo polluerentur) ingredi die eadem, non oportere, esse enim diem sabbati, cuius festivitatem suis
- IV. illi actibus corrupissent. Rursum ego expetivi, ut me ad Synagogam, si mallent, operirentur, quandoquidem ingressus Ecclesiae pollutio videretur, non utique eos à nobis in die festi sabbati ad opus servile compelli, futurum autem honestissimum de lege conflictum: nec excitandas lites, & fabulas esse miscendas, aut si astuté certamen fugerent, &
- V. simplicem afferrent excusationem, ostenderent praeceptum, quo in eo die sermonem conferre, prohibitum sit. Ad haec cum illi in omnibus contradictionem obstinatissimam retulissent; tandem illius leonis terrore compulsi, ad domum, in quam hospitio accesseram, confluxerunt. Ibi ego: & quaeso, inquam, fratres, quare quasi ad latrones, prae-

praesertim in Civitate Romanis legibus sub- VII.
data, acervos saxorum, omniaque armorum
genera congregastis? (a) Nos adquirere cupi-
mus, vos perdere desideratis. Non est, quan-
tum arbitror, aequum ut tam varia lite al-
terutrum laboremus: vos vero, ut video si-
titis nostrum sanguinem, nos vero vestram
salutem. Ad haec illi paululum territi, ne-
gaverunt factum, nostris affirmantibus ita se
habere, etiam cum iureiurando renitebantur.
Tunc ego, ut nodum coeptae contentionis abs-
cinderem: ubi res, inquam oculis probari potest,
iuratione quid opus est? Eamus igitur ad Sy-
nagogam, & utrum pro vitio (b) an verita-
te, vestra nitatur assertio, vobismetipsis tes-
tantibus comprobabitur.

§. X. Pergere igitur ad Synagogam coe-
 pimur, & hymnum Christo per plateam ex I.
 multitudine laetitiae canebamus. Psalmus au-
 tem, quem mira iucunditate, etiam à Ju-
 daeis populis decantabatur hic fuit: Periit
 memoria eorum cum strepitu, & Dominus II.
 in aeternum permanet. Sed antequam ad Sy-
 nago-

(a) In Vaticano Cod. adiicitur: Nos Codices ad
 docendum retulimus, vos ad occidendum gladios
 acuitis.

(b) Melius Vatic. Palat. periurio

nagogam perveniremus, quaedam Judaeae mulieres (ordinatione credo Dei) audaciam praesumentes, ut scilicet nostrorum lenitas incitaretur, lapides in nos è superiore loco immanissimos iactare coeperunt, qui mirum dictu! cum super confertissimam multitudinem, grandinis instar, descenderent, neminem nostrorum, non solum ictu, sed nec tactu quidem vexavere. Hic agnis suis, leo ille terribilis, mansuetudinem paululum abstulit, omnes siquidem, reclamantibus nobis, saxa corripunt, & Pastoris commonitione posthabita, cum unum potius consilium, cunctis zelus potius Christi, quam ira suggereret, lupos cornibus impetendos censuerunt, quamvis hoc,

III. illius, qui solus bonus Pastor est, natu factum esse, nulli dubium sit. Denique, ne cruentam gregi suo videretur praestitisse victoriam, nemo Judaeorum, se contactum saltem fuisse, ne pro invidia quidem, ut mos est,

IV. simulavit. Sanè quoniam omnimodis debemus

V. vitare mendacium, unus ex omni Christianorum numero inventus est, qui Achab

Jos. cap. 7. illi similis esse vellet, qui sub Jesu Nave de anathemate spolia concupivit. Nam servus cuiusdam Christiani solus, dum aliquid à Synagoga diripere concupiscit, in lapidem offensionis incurrit. Quidam vero nostrorum, quasi adversus Judaeum lapidem iniecit, qui

capiti eius illisus, ut capitis sui, id est Christi, meminisset, admonuit. Quod vulnus, licet periculosum fuerit, tamen, & illum rapinae suae confiteri concupiscentiam compulit, & cunctos, ne similiter laberentur, praesenti terruit ultione. Igitur, postquam Judaeis cedentibus Synagoga potiti sumus, nullus ex ea quidquam, non dico abstulit, sed nec cogitavit diripere. Omnia eius ornamenta, exceptis libris, atque argento, cum ipso pariete, ignis absumpsit. Libros sanctos, ne VI. apud Judaeos iniuriam paterentur substulimus, argentum vero, ne vel de praeda nostra, vel VII. de suo dispendio quaererentur, ipsis reddidimus. Eversa itaque cunctis Judaeis stupentibus VIII. Synagoga, ad Ecclesiam cum Hymnis perreximus, & Auctori victoriae nostrae gratias IX. referentes, effusis precibus poscebamus, ut vera perfidiae antra Dominus expugnet, & tenebrosorum pectorum infidelitas X. argueretur à lumine (a).

§. XI. Ruben quidam Judaeus à Domino, ut primogenitus omnium constitueretur, est I. electus. Nam clamore sanctissimo laetificans

cor-

(a) In Vatic. Cod. isthaec adiecta: Nec ulla in effectu mora. Postera siquidem die, ut congruentia nominum in omnibus servaretur, Ruben cet.

- II. corda multorum, absolvi se à vinculis Judaeicae superstitionis deprecabatur, statimque
- III. primitivus Jacob factus, signum salutare suscepit, & inde nostris lateribus, atque consiliis
- IV. inhaerens, obstinatissimam cunctorum duritiem nobiscum increpat. Triduum, ni fallor, emensum est, ex quo nostri in oratione, & Judaei in perfidia perstiterent. Post haec venit Theodorus, multitudinis suae agmine circumseptus, ad locum, in quo solum Synagogae parietes, qui post haec credentibus Judaeis sunt subversi, superesse videbantur, ad quem locum Christianorum pariter multitudo convenit. Ibi Theodorus cum audacter de lege differens, omnia, quae obiiciebantur irrideret, atque perverteret; populus Christianus, videns, quod verbis superari non posset humanis, auxilium de coelo imploravit. Omnes igitur pariter clamantes cum summo unitae vocis fragore dixerunt: Theodore, crede in Christum (a). ; Mira indulgentissimi Domini misericordia! Adhuc parva petebantur, & maiora concesserat. Imò non mirum est de Omnipotente miraculum. Ipse enim virtutem clamoris huius in auribus Judaeorum commu-
- V. tavit, qui olim effecit, ut quatuor leprosi Re-
- gis

(a) Vatic. Credas in Christum.

gis Syriae , qui Samariam obsederat , castris
 potirentur , & qui per Gedeon Madianita-
 rum agmina conturbavit , deditque trecentis
 eius viris ingentem sine labore victoriam , ef-
 ficiens per terrorem , ut mutuis hostium mul-
 tudo vulneribus prosterneretur. Ita & nunc,
 ista vox , longè aliter à circumstantibus Ju-
 daeis suscepta est , quam à nostris immitte-
 batur ; omnes enim putaverunt dictum : Theo-
 dorus credidit. Itaque existimantes principem
 perfidiae suae ad Christi fidem fuisse conver-
 sum cuncti pariter trepidi , ubi timor non erat VI.
 terrebantur. Mulieres eorum sparsis crinibus
 cum ferali ululatu nomen Theodori repetitis vo-
 cibus accusabant , dicentes : O Theodore ! quid
 fecisti ? Viri autem , alii ad devios saltus , &
 fixuras montium confugere , alii per ipsius
 Oppidi angiportus discurrebant , locum in quo
 delitescerent , invenire cupientes.

§. XII. Ipse Theodorus stupore percul-
 sus divinam sententiam in plebe sua cerne-
 bat impleri : fugit impius , nemine persequen- Prov. 28.
 te. Sed tamen non nemine ; persequabatur
 enim eos leo ille terribilis , qui de Synago-
 gae loco , sicut Theodoro fuerat revelatum ,
 per Monachos rugitum emisserat , quo resis-
 tentes tremefecit inimicos . Stabat igitur
 Theodorus in loco prorsus eodem , quo ei pri-
 dem per somnium terror fuerat leonis iniec-
 tus,

- tus, & cum causam tantae trepidationis inquireret, & nomen solummodo nostri leonis audiret, nullam illic, sicut ferebatur, feritatem videns, tantum psallentes Monachos intuebatur, & ab omni suorum multitudine destitutus, atque elabi parans, etiam ipse pedum viam prospiciebat. Quem cum horribili formidine apprehensum, non solum colore vultus, verum etiam vocis officio destitutum, Ruben ille sanctissimus aspexisset, properè accedit, & tementem blando sermone compellans, ad Christi fidem cohortabatur, atque ingerens ei pro suffragio metus suae credulitatis exemplum: domus figurae, ad quam pavore leonis confugerat quodammodo satisfacere videbatur. Verum ut & nos fideliter universa narremus, & vos, qui non eloquii ornatum, sed veritatem quaeritis, libentius
- II. audiatis, ipsius Ruben verba inserens, nihil ex simplicitate dictorum eius subtraham. Aiebat enim: & quid times Domine Theodore? Si vis certè securus, & honoratus, & dives esse, in Christum crede, sicut & ego credidi. Modò tu stas, & ego cum Episcopis (a) sedeo; si tu credideris, tu sedebis, & ego ante te stabo. Hos sermones Theodorus
- alta
-

(a) In Vatic. cum Episcopo legere est.

alta mente suscipiens, ad nos ait: faciam
 quod vultis, tenete, inquit, promissionem hanc,
 sed permittite mihi, ut prius alloquar ple-
 bem meam, ut maiorem conversionis meae
 etiam ex reliquis possim habere mercedem. Haec
 eius sponsio cum inexestimabili cunctorum aes-
 tinatione suscepta est: alii in eum amabili-
 ter irruentes, os ipsius, & colla mulcebant:
 alii ulnis mollibus amplectebantur: alii au-
 tem dexteram dexteræ adiungere, & ser-
 monem conserere gestiebant. Perrexit igitur
 Theodorus ad atrium suum, quolibet officio
 nostrorum laetus, tamen anxietate non pe-
 nitus carens. Nam licet in domum Ruben per
 promissionem suam iam veniretur, ingressus
 tamen & tunc trepidus erat, quia nondum
 ad propinquam venerat, quæ eum post tri-
 duum materno suscepit sinu, & ab omni pertur- III.
 batione trepidationis absolvit. Nos autem ad
 Ecclesiam cum hymnis ex more perreximus.
 Benedictus est Pater misericordiarum, & Deus IV.
 totius consolationis, qui dedit capiti nostro
 aquam, & oculis nostris fontem lachryma-
 rum, ut ploraremus vulneratos populi nos-
 tri. Peractis siquidem Mysteriis Ecclesiam V.
 egressi, non minimam in occursum nostrum
 Judaeorum multitudinem convenisse inspexi-
 mus. Omnes unanimiter deprecabantur, ut
 Christi characterem, à me, licet indigno Pas- VI.
 tore,

- tore , susciperent. Reversi itaque ad Ecclesiam , & toto corde Domino gratias referentes , illicó in frontibus eorum signum salutis impinximus. ; Quae autem cum his , qui ad VII. VIII. IX. sylvas , sive ad antra confugerant Christi virtute gesta sint , quae lingua effabitur ? praesertim cum unusquisque eorum conversionis suae habeat historiam. Sicut itaque impossibile nobis est , omnia dicere , sic ingratum , cuncta praeterire. Quapropter unum Christi miraculum , quod á fidelibus , probatissimisque viris XI. comperimus , precibus vestris adiutus evol-
vam.

§. XIII. Duo quidam primarii Judaeorum Meletius Theodori frater, & Innocentius , qui I. Hispaniarum cladem nuper effugiens , cum famulis suis ad hanc Insulam venerat, sicut nunc II. ipsi etiam cum Sacramentorum terribili interpositione confirmant , ad unam speluncam, vel potius rupem convenerunt , associando se duobus quibusdam Judaeis humili loco ortis, qui istos communis fugae principes legerant. Igitur cum in loco eorum trepidi anhelantesque paululum recessissent , duos illos , qui aetate alacres , & audaces erant , explorandi gratia ad Oppidum remittentes , soli derelicti sunt ibi. Tunc prior Meletius. ; Quid est, inquit , frater , quód verbum sicut docet Religio nostra blasphemum , avellere á corde meo

nequeo? Ex quo enim fratrem meum conversum fuisse Christianorum populus inclamavit, nihil aliud in corde suggeritur, nisi hoc verbum, mihi usque ad hunc diem penitus ignoratum: Christe in nomine tuo. Quanto magis pulsare hoc ab animo meo nitor, tanto violentius tenaciusque inhaerescit. Ad haec Innocentius: non enim frustra hic sermo, quem cor tuum, ut apud cunctos probatissimum est, antea nec cogitavit, nec unquam protulit, nunc praesertim menti tuae, ut asseris tam violenter insertus est, hoc ex Deo esse arbitror. Verumtamen elabora obsecro, & fabulis his declinatis, interpellationem molestae cogitationis expelle. Tunc Meletius, ita obstrepere, & confusis clamoribus personare coepit, ut eum cum sua mente luctari, non solum nutibus vultus, sed etiam totius corporis indicio Innocentius cerneret. Quod posteaquam, ne parum quidem proficere, intellexit, & adiecit etiam illud, ut verba quaedam profana, & turpia loqueretur, & nunc naribus corrugatis aerem sorbens, inbonestos strepitus promeret, nunc foetidis risibus cachinnaretur. Sed haec ab animo eius nomen III. Christi extinguere, nequivit insania; quoniam iam cunctas eius medullas sanitatis ignis pervaserat. Quid ergo, inquit, Innocenti frater in contrarium verba ista vertuntur? Abolitione-

litionem mihi nominis Christi, nec scurrilitate verborum, nec ipsis possum obsceni sonitus extorquere blasphemias, aliud siquidem mihi reddi sentio, quod cordis mei auribus, quas frustra obstruere nitor, Christi nomen ingerere incessabili clamore non desinit. His Meletii verbis talia Innocentius retulit: fratrem meum Theodorum, doctrina, honore, & aetate maiorem ad Christi fidem conversum his auribus audientibus plebs christiana testata est; & poteritne fieri, ut etiam tu germani constrictus exemplo, Religionem Judaicam deseras? Quid ergo in hac terribili solitudine diutius tempus terimus? Quamdiu etiam inopia victus laborare poterimus? Quid causae est, ut fame tabescamus, arescamus siti, obrigescamus algore? Ad postremum & quod iam patimur, nostrae huius solitudinis horribili terreamur silentio? Numquid latronum vincula, numquid barbarorum gladios fugimus? Numquid sanguinem nostrum plebs tam misericors, quam pro nobis flere conspeximus concupiscit? Recordemur, obsecro, quem unquam laeserit vis nostrorum, vel saltem irrogaverit iniuriam. Revertamur ad innoxios, quos in nullo laesimus inimicos, & quod Deo placuerit, fiat. Ad haec Meletius: Ego te, inquit, Innocenti frater, quem non solum latinis, sed etiam graecis litteris eruditum

ditum scio, & legem iugiter meditari, oblitum reor quod per Ezechielem Dominus ait: *Cap. 12.*

Anima, quae peccaverit, ipsa morietur. Si enim legisti hoc; cur me fratris mei Theodori exemplo, attrahi posse ad fidem Christi existimas? Habet ille animam suam, ita & peccatum suum, quod quidem peccatum mihi, si Dominum Deum non derelinquo non nocebit. Testor autem illum, qui eduxit Patres IV. nostros de terra Aegypti, me, si hyemis violentia non obsesset, abrepto quocumque navigio, ad quaslibet terras solum velle migrare, nec me possessionum amor, nec affectuum caritas, detineret, quorum facilis mihi iactura est, tantum ne Deum Patrem meorum negare compellar. Quod autem consilio inutili, ad Civitatem remeandum decernis, miror te prudentissimum virum, non animo praevidere quid de nobis futurum censeas si Theodorus, columna Synagogae nostrae, in quo omnem fiduciam reponebamus apostatare compulsus est? Hoc ergo sanius est ut eamus ad agrum meum, nec nos ultra Christianorum oculis ingeramus. Possumus enim illic interim delitescere, donec oportuno tempore ad peregrina emigremus: quandoquidem in hac Insula ita apud cunctos odium nostrae religionis increvit, ut qui Patriam non reliquerit, fidem Patrum tenere non possit. Cur igitur

non voluntarium suscipiamus exilium, ad quod, sicut res indicat, odiis Civium, etiamsi nolumus, destinandi sumus? Hoc igitur consilio utriusque sententia confirmata, laborem destinati itineris arripiunt. Sed dum per angustissimum ingrediuntur callem, cogitationum tenebris lucem obcoecantibus oculorum, ipsum quem inscii sequebantur, tramitem perdididerunt, & in locis desertis, atque in viis V. remansere. Cum autem scinderentur sentibus, ac vepribus lacerarentur (a), postquam corpus suum longis foedavere vulneribus, ad tantam primo quidem anxietatem, deinde etiam desperationem, atque formidinem venire, ut compellerentur fateri, se ea iusto Dei iudicio, ob incredulitatem perpeti. Igitur nomen Christi, quod antea se ultró ingerens repellebant, laceratis iam cruribus invocantes, semitam, quae eos contra voluntatem ac propositum suum ad Oppidum traxit, corripuerunt. Sed cum ad Civitatem inviti, ac trepidi pervenerunt, curiosius omnia percunctantes, audierunt Theodorum etiam nunc Judaeum esse, nec ullam, sicut existimaverant, populi Christiani pertulisse violentiam.

Stu-

(a) Vatic. scinderentur vepribus, aut rupibus arcerentur.

Stupentes autem, & quod ipsis acciderat, non credentes, ad domum Theodori iter dirigunt, ubi cum eos iam penè exacto prandio ille excepisset, illicó inquit causam, & cur à se, & à Civitate abscessissent?, universumque ordinem gestae rei, magis cum risu, quam cum admiratione cognoscit.

§. XIV. Post triduum Theodorus, cum concionari ad plebem suam, eamque ad fidem Christi provocare disponderet, ultró se offerentium ad confessionem Judaeorum etiam seditionem pertulit. Nemo enim eorum ferme erat, qui non se palam sensisse Christi potentiam contestaretur. Nam primo in concilio eorum adolescens quidam, ipsius Theodori consobrinus, nomine Galilaeus (ut congruum, sicut dictum est, nominibus mysterium gestae rei usque ad finem deduceretur) cum ingenti invidia proclamare hoc coepit: Contestor, inquit, vos omnes, me Judaeorum esse non posse in possessione, siquidem in ea Christianos consortes habeo, quorum odiis, si in Judaismo perseverare voluero, forsitan perimendus sum. Ego igitur, vitae meae periculo consulens, ad Ecclesiam iam pergam, ut necem, quae mihi paratur effugiam. Haec Galilaeus, cum ad tempus fugae se pararet, quasi ut causas conversionis suae reddidisse videretur, de futuri seculi morte tunc nihil

- I. cogitans , *veritatem* inscius loquebatur. Huic sermoni penè praeteriens vir honestus, & non solum inter Judaeos , verum etiam in Civitate usque adeo praecipuus , ut etiam nunc Defensor Civitatis electus sit , Caecilianus, vera Galilaeum dicere , seque similem habere causam , similia formidare , attestabatur. Quibus verbis tantam supra memorato iuveni adiecit confidentiam , ut in conspectu omnium cursu rapidissimo , ad percipiendum fidei bravium , ad Galilaei nostri convolaret auxilium , & ab humilitate nostra , ut eius deinde nomine censeretur , expeteret. Caecilianus autem cum esset Judaeorum Pater, habito cum Florino fratre suo , aequè Judaeorum Patre seniore consilio , huiusmodi sicut agnovimus , verbis Synagogam adorsus est. Ego , inquit , cum sim in honore Synagogae post Theodorum primus , non sicut iuvenis Galilaeus , cunctos , quasi trepidus , consulo, contestorque , sed potius adbortor , atque commoneo , denuntians , ut errore pravi itineris derelicto , si fieri potest , omnes pariter ad fidem Ecclesiasticam concurramus. Quod si vos ad Christum tanta virtus non attrahit, ego certè , & Florinus frater meus , sicut recusantibus vobis tantam salutem vim inferre non possumus , ita nos cum universa domo nostra, religionis huius , quam adstruere non vale-
- mus,

mus, ludibria deserentes, Christianorum numero, fideique sociabimur, qui numquam utique innumerabilibus Scripturarum testimoniis non solum te, frater Theodore, qui peritior reliquis videris, sed etiam cunctos convincerent, nisi veritatem, quae vinci non potest, sectarentur. Tali Caecilianum sensu plebem suam affatum comperimus, multosque Judaeorum eadem die ad fidem Christi cum ipso concurrentes, cum ineffabili exultatione suscepimus.

§. XV. Prodigia sané, quae de coelo tunc facta sunt, sicut eloqui dignè non valeam, silere non audeo. Hora circiter septima, Missam Dominicam solemniter coepimus celebrare. Nam dum nos advenientes ad Christi fidem Judaeos, vel exhortamur, vel adnotamus (siquidem nomina eorum scripsimus); populus autem tanti gaudii epulis saginatus, carnalium non meminisset escarum, pars diei maior excurrerat. Cum igitur in Ecclesia, quae paululum à Civitate, sequestri in loco sita est, in qua Sancti Martyris Stephani, nuper reconditae Reliquiae conquiescunt, nobiscum pariter plebs universa, Missam operiebatur: duo quidam Monachi, quos Dominus testes suorum miraculorum praelegit, in campo, qui ante fores Ecclesiae protenditur, in herbis accubabant. Vir autem honoratus,

Ju-

Julius nomine , cum alio quodam de Civitate Ecclesiam petens , cum per ipsos pertransire coepisset , respondente uno ex Monachis, viso mirabili signo conturbatur, confusumque emittit clamorem , conversusque ad se , protensa manu quae verbo explicare non poterat quid videret ostendit. Erat globus quidam candidissimi luminis , proceritate sua

VIII. staturam quasi hominis adaequans , instar vasculorum , quae vulgò orcae appellantur, tantae vero claritatis , & fulgoris , ut visum

IX. fuit , quod fratri , qui id prior notavit , sicut ipso referente cognovimus , sol decidere videretur. Hoc sicut istis visum est , quasi

X. trans basilicam , in qua universus nobiscum populus consederat , lento lapsu demittebatur; verum ita propinquum putavere , ut se idem frater stupore percitus cursu praeriperet, existimans id post basilicam decidisse. Sed ab illo retractus fratre gressum inhibuit : ille enim ita quidem etiam sibi visum , tamen longius fuisse , non quasi certus , sed ut aestimans adstruebat. Mulieres autem quaedam tunc Judaeae, inter quas matrona Meletii illius , cuius supra mentio habita est , de coenaculo perspicientes (a) ita sibi visum id ipsum affirm-

ma-

(a) Al. respicientes. Vatic. Palat. prospicientes.

mabant , quasi supra Basilicam decidisset.
Verum hoc utrum Angelus , an ipse Step- XI.
nus , quod visum est , fuerit , incertum est.
Eadem die , hora circiter quarta , id est pau-
lò antequam hoc signum demonstraretur , gran-
do minutissima , quam incolae Insulae illius
(a) gentili sermone Albigistinum (b) vo- XII.
cant , non usquequaque copiosa defluxit. Haec ,
cum odor ex ea mellis fragrare coepisset , à
multis , quos per viam verberabat , gustata ,
dulcior melle comperta est. Multi itaque sa-
pientes , cum eadem die filios Israel ab Aegyp- XIII.
to perfidiae suae , atque è servitute egressos
viderent , haec quae facta sunt , signis illis ,
quae in Exodo legimus comparabant , ut huic XIV.
populo , qui Deum credulo corde intuens , ve- XV.
rum etiam Israelis nomen meruit , manna cre-
derent innovari. Columnam quoque ignis , quae
Patres in eremo praecedebat , ut etiam filiis
à vera Aegypto , atque fornace , sicut scrip-
tum est , ferrea egressis , ducatum praeberet
ad vitam , ostensam fuisse existimarunt. Et
revera , sicut lectione Exodi attestatur , si- XVI.
mitudo signorum minimè discrepat. Nam &
illud , quod nivem fuisse credidimus , semen

co-

(a) Rectius Vatic. & Palat. *Insulae buius.*

(b) Palat. Vatic. *Argistinum.*

coriandri minuti adaequabat, mellis saporem ferebat, & hoc quod apparuit, columnae igneae speciem habuisse, manifestum est. Utrumque autem signum etiam Jammonae consistentibus fratribus revelatum fuisse cognoscimus. Nam & pluviam mellis multi, quibus intellectus requirendi, & pergustus agnoscendi datus est, probavere, & columna candidissimi illius luminis multorum, quos dignos Dominus iudicavit, se ingessit aspectibus. Unde intelligi datur Judaeos per universum orbem fidei lumine visitandos, quoniam quidem nobis qui in hac Insula, atque in hoc parvulo, ut ita dixerim orbe consistimus, tantus coelestis gratiae splendor illuxit, ut usque ad extremos terrae vestrae terminos signorum visio perveniret.

§. XVI. Sequenti igitur die summa omnium expectatio, ut Theodorus sponsioni suae satisfaceret admonebat, qui cum iustis, quantum videbatur, allegationibus, cunctorum vota crederet differenda, dicens matronam prius suam, quam in Maioricensi reliquisset Insula, huc se velle deducere, ne forté si absque consensu suo virum suum conversum fuisse agnovisset, sicut solet, pertinax perfidia esset, persuassione matris praecipuè suae, quae adhuc supererat, & consiliis dementata, & à I. coniugio viri religione discederet. Cum haec
Theo-

Theodorus Christianis iam adquiescentibus propalasset, Judaeis qui conversi fuerant acerrima commotione resistentibus, amputata ditionis mora, ad Matris propinquae sinum, festinus ipse, ut in somnis viderat, convolvit. Post quem omnis, tamquam remoto obice II. ad Ecclesiam Synagoga confluit. ; Mirum dictu! Inveterati illius legis Doctores, sine ulla altercatione verborum, sine ullo Scrip- III. turarum certamine, crediderunt, tantum percunctati ; an vellent fidem Christi suscipere? credere se in Christo, & Christianos fieri cu- IV. pere profitebantur. Centum quidam, & duos V. (ut asserunt) ætatis, atque perfidiae suae habens annos, sine trium commutatione verborum, spe futurae vitae, alacer decrepitus, VI. optare se, ut in fine temporum suorum, per fidem Christi, ad spiritualem reverteretur in- VII. fantiam, nobisque putrefacta iam senio membra, ut quantocius per Baptismum regene- VIII. raretur ingessit.

§. XVII. Fuerunt quidam Judaei, qui praetereuntes illuc appulsi, opportunitatem temporis, atque ventorum aucupabantur, qui navigandi concessa opportunitate, credere maluerunt. Tres igitur tantum foeminas, sed nobilissimas Judaeorum, ad virtutis suae gloriam dilatandam, in duritie perfidiae suae Christus permanere aliquantulum passus est.

Ar-

- I. *Arthemisia* siquidem *Leſtorii* (a), qui nunc
 II. per hanc Provinciam rexit , & nunc Comes
 eſſe dicitur , filia , Conjugis Meletii conver-
 ſione commota , cum una fermè amica , &
 nutrice , & paucis ancillis , domum viri ſui
 deſerens , ad quamdam ſpeluncam , licet in vi-
 nea , tamen remotiore paululum in loco ſita ,
 oblita foemineae infirmitatis evaſit. Erat in ea
 parvum , novumque torcular , lacusque novus
 factus , figuram quodammodo gerere credentis
 III. populi videbatur (b). Non enim iſtos ſicut
 IV. utres veteres , ſed ſicut novos lacus , muſtum
 novi Teſtamenti recepiſſe , & credimus , & vi-
 demus. In eo igitur loco , cum per biduum
 matrona á viro ſuo offeſa inexorabilis per-
 mansiſſet , ut primum tertia dies illuxit , fa-
 mulae aquam haurire imperavit , quam cum
 odore , & ſapore mellis dulcedinem referre
 ſenſiſſet , primò quidem miniſtrae ſuccensere
 coepit , & cur in eodem urceo mel inieciſſet ?
 indignans inquirebat. Poſtquam autem , ut
 quaſi negantem convinceret , ad lacum pergit ,
 de quo paululum concavis manibus hauriens ,
 reperit aquam (c), qua per biduum uſa fue-
 rat,

(a) Al. *Leſtorii*. Vat. Palat. *Ittorii*.

(b) Abest á Vatic. Palat. *credentis populi*.

(c) In Vat. utroque exemplo haec interieſta: ex eo-
 dem loco, quae illic ante id temporis ex pluvia confluxe-
 rat.

rat, in mellis suavissimi versam dulcedinem. Advocans itaque cunctas, quae aderant, ut gustarent rogat, ne fortè fallax sapor in faucibus tantum ipsius suavitatem mentiretur. Omnes gustantes mira oblectatione affectae sunt, ut non aquam mellis sapore delibutam, sed mel sincerissimum, solum aquae similitudinem censerent. Stupore igitur percitae, dum ad Civitatem reverti parant, curiosius agentes, etiam rorem, qui in herbis plurimis erat, degustatum, similem reppererunt. Pergens igitur ad Civitatem matrona memorata haec marito detulit, & per eum omnibus indicavit, statimque ad Christi fidem sine reluctatione consensit. Verum eadem die, qua Meletii uxor amaritudinem incredulitatis abiicere, ex melle compulsa est, eadem inquam die, qua memorata filia Israel, quasi in deserto posita, illum antiquum Mara V. lacum, iniecto Crucis ligno obdulcescere percipiens, ita mirifico, verèque coelesti omnis VI. Ecclesia odore fragravìt, ut praesentiam Spiritus Sancti, quam & ante iam aliquoties, VII. sed paucissimi senseramus, fraternitas penè VIII. universa sentiret. Et mirum cunctis illud fuit, quod per eosdem dies, serena (a), prope-

R

mo-

(a) Vatic. Palat. serenitate.

modum iugiter permanente, creberrimi imbres demittebantur, & paulatim venientes ad fidem Christi Judaeos pluvia praecedebat, ita ut hoc animadvertentes, vulgò inter nos, & ioculariter diceremus: Ecce iam pluit, scitote, quoscumque Judaeos ad Christi fidem accessuros. ; Mirum dictu! Frequenter dum adhuc talia loqueremur, à quibusdam Judaeis

IX. fidei ianua pulsabatur. Nee immeritò, sicut

X. scriptum est: Pluviam voluntariam segregabit haereditati suae Dominus (a). Desuper

XI. erant foeminae, quae in odorem unguentorum Christi currere recusabant.

§. XVIII. Innocentii illius, cuius supra fecimus mentionem, matrona, cum prole sua, venerabilis, sicut fama est, vidua, illicò ut Innocentium, sororis coniugem, conversum esse conspexit, navim conscendit, non solum permittentibus, sed suadentibus nobis, quia ad fidem Christi nec verbis, nec miraculis flecteretur. Uxor autem Innocentii,

I. per quatuor fermè dies verbum salutis, quod ingerebamus, obduratis auribus recipiebat. Haec

cum

(a) In Vatic. Palat. haec desunt: haereditati suae Dominus. Sed & in eodem, & Vat. alio exemplo haec addita: crediturum populum imbres laetissimi nuntiabant.

cum omnem respuens medicinam , insanabili II. III.
 incredulitatis valetudine opprimeretur , nul-
 lisque Innocentii coniugis , vel minis , vel pre-
 cibus , vel lacrymis moveri posset , universa,
 Innocentio rogante , ad domum , in qua ha-
 bitabat , fraternitatis multitudo convenit , ba-
 bens magnum dolorem animi quód tantae lae-
 titiae plenitudini una mulier obsisteret , quia
 iam soror eius manifesté putabatur. Cum igitur
 cassa verba surdis auribus ingerentes ni-
 hil profecissemus , ad cognitum orationis prae-
 sidium convolvavimus , precesque , quas hu-
 mana repellebat impietas , ad coelestem mise-
 ricordiam vertimus. Itaque usque in horam
 tertiam ferme hymnorum , & orationum prae- IV.
 liis adversus Amalec hostem (a) , Jesu Du- V.
 cis nostri , sudavit exercitus. Inde cum iam IV.
 pené , quod fatendum est , desperantes absces-
 sionem moliremur ; resumptis rursum viribus ,
 orationem cunctis indiximus , soloque strati diu VII.VIII.IX.
 flevimus , & cum in consummatione orationis
 Amen populus acclamasset , & illa credere X.
 se , & Christianam fieri velle , subiunxit. Nos
 itaque , hac etiam á Diaboli laqueis eruta , XI. XII.
 laeti ad habitacula nostra perreximus.

§. XIX.

(a) Vatic. hostem populi Dei. ...

§. XIX. *Sequenti, id est octava demum die, qua veneramus Jammona, remeare statui-
tuimus, optima (a) praeclarae victoriae gau-
dia reportantes. Sed cum iam in procinctu iti-
neris constituti, Civitate digrederemur, Do-
I. minus populo suo, quasi pro viatico, gau-
dium, quod solum deesse videbatur, adiecit.
Affinis siquidem Innocentii illa vidua, de
pelago reducta est, quae subito se meis ge-
nibus advolvens, fidei nostrae auxilium cum
lacrymis deprecabatur. Cui ego: & cur inquam
Mulier tanta animi levitate fratres tuos de-
Jon. cap. 1. serere voluisti? Ad haec illa: et Jona, in-
quit, Propheta à facie Domini fugere vo-
luit, & tamen voluntatem Dei, licet invitus
implevit. Suscipe ergo tu, non solum me, sed
& istas orphanas, & Christo eas nutri. Et
hoc miserabiliter acclamans, duas filias suas
parvulas mihi cum stetibus ingerebat. & Quis
non prae gaudio flevit? & Cui non extorsit la-
II. crymas laetitiae magnitudo? Suscepi planè
ovem, quam ex omni numero solam errasse
III. putabamus, eamque cum gemino foetu, ad
IV. Christi ovilia revocavi.*

§. XX. *Sanè per hos octo, quibus haec*

ges-

(a) Vatic. opima.

gesta sunt, dies, ante initium Quadragesi- I.
 mae, Paschae à nobis celebrata est festivi- II.
 tas: quingentas siquidem, & quadraginta ani-
 mas ad Ecclesiam constat adiectas. Inane au- III.
 tem, & supervacaneum non reor, ut cum
 multa propter infinitam copiam praetermis-
 sero, in fine commemorem, neminem ex tan-
 ta Jammonensis Populi multitudine, qui per
 triginta millia passuum ante tot dies vene-
 rat, aut curam domus, aut provisionem
 substantiae, aut desiderii affectum, huic ope-
 ri praetulisse. Illud magis mirum, magisque
 gaudendum est, quod ipsam Judaicae plebis IV.
 terram, diu inertem, nunc autem recissis in-
 credulitatis vepribus, & recepto verbi semi-
 ne, multiplicem fructum iustitiae germinare V.
 conspicimus; ita ut nobis in spe tantorum no-
 valium gaudeamus, unde insignem perfidiae
 eruimus sylvam, illic fertilissima fidei ope-
 ra pullulare. Primum enim ipsa Synagogae
 fundamenta evertere, deinde ad novam Ba-
 silicam construendam, non solum impendia VI.
 conferunt, sed etiam humeris saxa compor- VII.
 tant.

§. XXI. Haec Beatitudo vestra die quar-
 to nonarum Februalium, virtute Domini nos-
 tri Jesu-Christi arrepta, octo diebus ab eo-
 dem consummata esse cognoscat, post consu- I.
 latum Domini Honorii undecimum, & Cons- II.

tan-

- tantio iterum victore (a). Quamobrem, si
 III. indigni, & peccatoris verbum dignanter ad-
 mittitis, zelum Christi adversus Judaeos,
 sed propter Deum, eorumque perpetuam sa-
 IV. lutem suscipite. Forsitan enim iam illud
 praedictum ab Apostolo venit tempus, ut ple-
 nitudine gentium ingressa, omnis Israel sal-
 V. vus fiat. Et fortassè hanc ab extremo ter-
 rae scintillam voluit Dominus excitari, ut
 universus Orbis terrarum charitatis flagret
 incendio (b).

(a) Vatic. Palat. & Constantii Viri clarissimi.

(b) In Vatic. & Palat. Codd. adiectum ad exu-
 rendam infidelitatis sylvam.

IN SEVERI EPISTOLAM ANIMADVERSIONES.

I. **EPISTOLA SEVERI** cet. | Severianae lucubratiunculae apud Benedictinos é Congreg. S. Mauri, quod in Baronio desideratur argumentum. E *Lib. I. & Cap. I. de Miraculis Sancti Stephani* excerptum vix ad dubito. Minus recté in Vatic. M. S. sic ea inscripta est: *Incipit Epistola Severi Episcopi de laudibus, & miraculis S. Stephani Protomartyris.*

II. *Sanctissimis, & Beatissimis Dominis Episcopis* | Epistolarum, quae ad Ecclesiasticos Praesides Christ. Seculis IV. & V. dirigebantur, eiusmodi, planéve simillimae Inscriptiones erant: *Beatissimo Domino: Domino beatissimo: Domino beatissimo, & sincera charitate venerando: Dominis beatissimis: Domino verè beatissimo, & Sancto Patri: Beatissimo semper & venerabili Patri.* Missas faciam in Synodorum Collectiones translatas. Videsis Aviti ad Balchonium iam laudatam, Basilii ad
Epis.

Episcopos Occidentales XXVIII. al. 62., Paulinianas (Edit. Paris. anni MDCXCV.) ad Delphinum XIV. aliis XVIII. XIX. al. 17., XX. al. 16., XXXV. al. 19., ad Victricium XVIII. aliis 28., ad Florentium XLII. al. 32., Salviani ad Salonium (Stephano Baluzio IX.), Eucherii de Martyribus Agaunensibus, & Vigilii Tridentini Praesulis à Ruinartio (p. 241. & 535. Edit. Veronens. anni MDCCXXI.) descriptas. Plurimas vel in una Augustini Epistolarum Sylloge reperies, qui & celebri in illa Carthaginensi Collatione, cuius erat pars maxima, tanto Donatistarum columina, quòd Episcopatum gererent obsequio prosecutus est, ut Sanctissimum Emeritum, Sanctissimum Petilianum appellarit.

III. *Diaconibus* | 2 Viden ut hierarchicis dumtaxat Ordinibus inauguratos Severus disertè commemoret? Neque à superioris, neque à suae aetatis more transversum unguem discedit. Synodi Antiochenae in causa Pauli Samosatani habitae Episcopos, Presbyteros, Diaconos ad Dyonisium R. P. „, & ad omnes qui per universum orbem erant Sacerdotes, & Episcopos, una cum Presbyteris, & Diaconibus, omnemque Ecclesiam Catholicam, quae sub coelo” erat, litteras dedisse, Eusebius (*Hist. Eccl. Lib. VII. Cap. 25.*)

25.) memoriae prodit. Cyprianicae ad Clerum cum Carthaginensem (*Edit. Baluzianae*) VII. IX. XXIV. XXXII., cum Romanum XXIII. sic inscriptae „ Presbyteris, & Diaconibus. Ad Clerum vero, plebemque Carthaginensem, & Furniensem XXXIII. & LXVI. in hunc modum: Presbyteris, & Diaconibus, & plebi cet. Et Augustinianum illud *Epistola CXXVIII. Dilectissimis Fratribus, conclericis, & universae plebi*, de supremis tantum ordinibus intelligendum esse, non verisimile, ceu Thomassinus (*P. I. Lib. I. Cap. LIII.*) arbitratur, sed mihi feré certum est. Hanc demum *Liber Diurnus Romanorum Pontificum*, qua nulla forsán magis usurpata fuit, Epistolarum ab illis inscribendarum formulam refert: „ Episcopis, Presbyteris, „ Diaconibus, & plebi consistenti N. ” Haud secus res se habere poterat. Quamquam enim Hypodiaconatus primordia, contra quam iunioribus videatur, sive à Christo Domino, sive ab Apostolis repetenda essent, quorum illud plerisque (*Conf. Bened. XIV. de Syn. Dioec. Lib. VIII. C. 9.*) istud Catholicae fidei Athletis Baronio (*ad an. XLIV. num. 78.*), & Bellarmino (*de Clericis Lib. I. c. 1.*) placuit; tametsi apud Sec. III. PP., Latinos potissimum, quin & in Veterum Christianorum Inscriptionibus à Cl. Zacharia (*cit.*

Dissert. Cap. VII. num. 21.) indicatis crebra de Subdiaconis mentio sit , Ecclesiasticarum administrationem rerum nunquam iisdem demandatam , aditum neque in Presbyterium , neque in Secretarium patuisse , multis post Severum denatum seculis , *sacro* ut hodie loquimur *ordine* Subdiaconos decoratos , & ut paucis multa complectar , quae ipsorum essent partes , quae vel *tertio Sacerdotio* , in quo nimirum *Diaconos constitutos* Optatus Milevitanus (*Lib. I.*) Autor est , insignitis munia iniuncta qui ignoret , in Religionis historia hospes omnino sit necesse est.

IV. *Universae fraternitati totius orbis terrarum* | Ad omnes quantum ubique gentium esset hominum Christianorum id genus Epistolas dirigi solemne fuisse , ut hac quoque ratione , lubet cum doctissimo Cabassutio (in *Notit. Eccles. Concil. Dissert. VII. Sec. II. Historiae subiecta*) loqui „ admirabilis „ illa fidelium toto terrarum orbe in unitate „ fidei , in officiis charitatis , in sanctitate disciplinae communio ostenderetur , ” Ecclesiae Smyrnensis de martyrio Polycarpi (ap. Euseb. *Lib. IV. Cap. XV.*) Lucianea saepe laudata , Prailii , sive Joannis Jerosolymitani Antistitis , de qua Ursius (*Hist. Eccles. Lib. XXVI. n. 61.*) multa satis , Paulini Bituricen-

censis Praesulis a⁸ Idatio (*in Chron. ad an. CDXIX.*) memorata, aliae plané monstra-
rent. Et ea propter Encyclicas inter Epistolas
Severianae á plerisque locus jure datus, non
ut Dameto placuisse video (*Lib. I. Tit. III.*
§. 1.) quòd in publicis concionibus recitare-
tur: alioquin Encyclicae itidem dicendae cum
Clementis Romani ad unam Corinthiacam,
cum Polycarpi ad Philippensem tantum Ec-
clesiam datae, quarum altera Dionysio Co-
rinthiorum Antistite (ap. Euseb. *Lib. IV.*
Cap. 23.), Eusebio ipso (*Lib. III. Cap. 16.*),
& Hieronymo (*in de Script. Eccles. cap.*
29.) testibus, in nonnullis locis, altera ut
ab eodem Hieronymo (*cap. 27.*) accepimus
in Asiae conventu publicè legebatur; quin
& Ignatianae fortassis ad Polycarpum ipsum,
& Smyrnaeos, de quibus indicata in Epis-
tola (ap. Euseb. *Lib. III. cap. 36.*) Be-
atus ipse Polycarpus: „ Mittam vobis, &
„ Ignatii Epistolas, quae ad nos transmis-
„ sae sunt, ex quibus utilitatem maximam
„ capiat, ” in *Encyclicis* annumerandae es-
sent. Pauca addito. Tacitus licet praeterirem
Servatoris discipulorum fratrum vocabulo or-
nandorum morem, á Jesu-Christo, qui ut
Pauli (*ad Hebraeos cap. II. vers. 11.*) ver-
ba mea faciam: non confunditur eos vocare
fratres profectum, à Tertulliano (*Apolog. cap.*
XXXIX.)

XXXIX.) gravissimé vindicatum , aureis Ecclesiae temporibus in deliciis fuisse , quod vel ex legitimis Philippi Heracleensis (*num.* 2.), Theodoti (*num.* 21.), Cyrilli pueri (*n.* 1.), Montani (*num.* 1. & 10.), Pionii (*n.* 1.), Martyrum aliorum Actis, é *Luciferae* Epitaphio, Sacrisque aliis lapidibus paret satis: ad sequiorem manasse aetatem, cum Chrysostomus, Hieronymus, Augustinus, Anonymus Uzalensis , multis in locis, Avitus (*Epistola citata*), tum Liturgici Codices , quorum apud Marteneum (*in de Antiq. Eccles. Ritibus*) pleno copia cornu, luculentissimé ostendunt. Nobile divinorum Librorum Interpretum par, Pineda (*in Jobi cap. I. v. 20.*), & Lorinus (*in Act. Apost. cap. I. v. 15.*) conferendum. Optimo itaque consilio fraternitatis suavissimum nomen in Christianorum hominum societate Severus ponit, quod Apostolorum Princeps (*Epist. I. cap. 5. v. 9.*), Tertullianus (*lib. de Velandis Virginibus paulo post initium*), Cyprianus (*Epist. XL. & in de Unit. Ecclesiae*), Pontius (*in Cypriani vita*), Sixtus III. P. M. (*Epist. II.*), Firmilianus (*Epist. LXXV. inter Cyprianicas*), Augustinus (*Tract. II. in Epist. I. Joan.*), Paulinus (*Poem. XXI. v. 311.*), qui SS. Mariani, & Jacobi Acta ad posteros transmittit (*num.* 10.), alii, in eadem posuere. Fortassis,

sis, & *Fraternitatis* vocabulo *Laicos á Clericis* distinguere Severus voluit, quo sané pacto insigni illa in Inscriptiōe ex Flewtoodio, aliisque á Zacharia (laud. cap. VII. n. 1.) recitata distinctos recordamur.

V. *Severus Episcopus* | Neque Ecclesiasticis Viris, quo munere Sacra in Republica potirentur, suarum in aditu Epistolarum commemorare insolens, quod cum ab Augustino, cum ad Augustinum bené multae, Ambrosii ad Theodosium, & Valentinianum (*Erasmio XXIX. XXX. XXXI. XXXII.*) Lucianea, & Aviti saepè numero laudatae, Innocentii I. R. P. ad Joannem Jerosolymitanum Episcopum, aliae ad alios datae manifestant.

VI. *Misericordia Dei indigens* | Equidem post Synodos adversus Pelagianos, annis CCCCXV. & CCCCXVI. habitas, qui tunc Ecclesiae, summa cum potestate praeerat Innocentius I. *nefandi erroris capita* (Pelagium, & Coelestium) *Apostolico mucrone percussit*, ut Prosper (*Lib. contra Collat. c. 21.*) totidem verbis dixit, & duo illa *Concilia missa ad Sedem Apostolicam inde iam rescripta venerant*; quapropter causam finitam esse B. Augustinus (*Serm. CXXXI. al. 2. de Verbis Evangel.*) nullus addubitabat. Sed vixdum Successor Innocentii Sanctus Papa Zosimus Pontificatum auspicatus est, cum proelium

lium in Reparatoris gratiam redintegratum est, atque ita vividé, ut eodem anno, quo istam Severus, *Traëtoriam*, de qua Marius Mercator (*Commonit. II. cap. 3.*), Zosimus suam dederit, qua nimirum, iuvat iterum Prosperi verba (*loc. cit.*) mea facere: „ Afri-
 „ canorum Conciliorum decretis :: Sententiae
 „ suae robur annexuit, & ad impiorum de-
 „ truncationem, gladio Petri dexteris omni-
 „ um armavit Antistitum.” Apposité igitur ad hunc Severi locum Baronius: „ Intelligis con-
 „ suetum huius temporis symbolum Catho-
 „ licorum, qui ut se longè abesse à Pela-
 „ giana ingruente haeresi demonstrarent, se
 „ in ipso titulo *gratia, & misericordia Dei*
 „ *indigere* profitentur.” Enim verò non heic tantum, iisdemque, quibus Lucianus gratiae infensissimum hostem Praesul nostras adoritur; sed etiam, quoniam Epistolaris angustia vagari longius non patiebatur, cursim illarum se partium esse assiduò indicat, quas aere triplici, & prorsus impenetrabili, Dei verbo, Ecclesiasticis quâ Canonibus, quâ precibus, mira PP. consensione tectas, qui pro divinorum auxiliorum necessitate eruditissimé, invictissiméque decertant, quique omnium manibus teruntur fateri vel invitos maximé cogerent. Confersis illa (*è num. 2.*) *divina virtute compulsa* cet., (*è num. 5.*)

Christum : :: omnia suis virtutibus consummasse , (é num. 12.) Christi virtute gesta sunt , (è num. 17.) ad virtutis suae gloriam dilatandam cet. (è num. 21.) virtute : :: Jesu-Christi arrepta cet , & quae ad ejusdem verba cum in Christo Redemptore nostro (paulò post), cum ad tò peccatoris (num. 21.) adnotabimus.

VII. *Et omnium ultimus* | Non egregia minus , quam luculenta humilitatis (sinito me christiana magis quam latina uti vocula , & permittent sané Latiniores interdum nostra loqui) Severus exhibebit. *Se non pro merito : :: Sacerdotio fungi (num. 7.), indignum se pastorem (num. 12.),* Appollonium Nepotianum , Amosium , infinitos alios imitatus , conceptis verbis affirmat. *Indigni* dein , & *peccatoris* nomina (num. 21.) sibi indit , quorum alterum é Liturgica disciplina Sacerdotibus familiare esse , vel ex innumeris Veteribus Ordinibus à Marteneo descriptis constaret prorsus : alterum , ut eos mittam , quos (ad Tertulliani *lib. de Poenitentia extremum caput*) Ludovicus Cerda appellavit , ab Ephroemis Antiocheno Praesule , & Edesseno Diacono (saepè numero) à Savino (in eius *Actis in Miscellan. Baluz. Tom. 1. Edit. laud. n. 9.)* , Hieronymo (in *Vitae Pauli Eremitae clausula*) , Vigilio Tridentino Antistite (*Ep. indi-*

indicata), Paulino (*Epistolis XXXIX. al. 30. XLIII. al. 35. XLIV. al. 31.*), quin & á plerisque Episcopis Synodis Turonensi II. Parisiensi III., & Toletanis subscribentibus sibimet ipsis impositum. *Instructiōe se egere* (*num. 5.*), *ab humilitate sua Coecilianum baptismum expetiisse* (*num. 14.*), secundum *possibilitatis suae modulum suscepti certaminis curam habuisse* (*num. 5.*) dicet, quemadmodum se *parvulum* (*Epist. ad Pammach.*) Hieronymus, se *infirmum* Augustinus (*Tract. XXXVI. in Joan.*), se *humilem, & pusillum* Theodorus (*Epist. inter Leonianas Edit. Cacciar. 212.*), se *exiguos* Petrus Diaconus, eiusque in Romano itinere pro fidei causa *socii* (*Epistola, quam in II. Partem Varior. Scrip. & Monumentorum ad Pelagianorum historiam pertinentium Operum S. Augustini Editores Benedictini transtulere*), se *pauperem* Paulinus (*Epist. XXX. al. 8.*), & (*in Nat. IV. de S. Felice, sive Poem. XV. v. 43.*) *partem hominum minimam* vocavere : *humilitatis suae* Optatus Milevitanus (*Lib. I. cap. 4.*), *pusillitatis suae* Lucianus (*Epist. cit.*), *imperitiae suae* Licinianus (*Epist. ad Gregorium Magnum apud Baluz. Miscellan. Lib. VI. Edit. Paris.*), Rufinus (*Epist. ad Chromatium de Eusebii Versione*), Uranius (*Epist. de Obitu Paulini*), *tenuitatis inge-*

ni sui Cassianus (*Praefat. ad Collat.*), *exilis ingenii sui* Ruricius (*Epist. Lib. I. 10.*), *pusillitatis intelligentiae suae* Lactantius (*de Opificio Dei c. 1.*) mentionem iniicere gloriae sibi duxere. Verum prae omnium ultimi, & peccatorum ultimi, queis (*heïc, & num. 7.*) sese ornat praeconiis divitis Indiae gazae eidem sorduisset, cum Pauli ad Timotheum (*Ep. I. c. 1. v. 15.*), cum Ignatii ad Ephesios scribentium vestigiis insistenti, quae & Cyprianus (*Lib. de Hab. Virgin. init.*) extremum se, & minimum, & Possidius (*Vitae Augustini initio*) se dispensatorum omnium minimum, Uzalensis (*in Praefat.*) se peccatorum ultimum, Salvianus (*Librum primum adversus Avaritiam exordiens*) se minimum Servorum Dei, Vincentius Lirinensis (*Commonitorii initio*) se minimum omnium Servorum Dei, Taio (*Epist. ad Eugenium Toletan. apud Baluz. Lib. IV. pag. 92.*) se ultimum servum Servorum Dei, se Braulio (*apud Riscum Tom. XXX.*) assiduò servum inutilem Servorum Dei appellantes, verbo dicam, innumeri pressere.

VIII. *In Christo :: aeternam salutem* |
 Apage heïc sis nudam illam sive officii, sive benevolentiae significationem, qua in Epistolis *benè aliquem valere, benè rem gerere, rem feliciter gerere* moris est optare. Quam

Severus formulam qui usurpabant, iis ad quos scribebant bona omnia apprecabantur. Idcirco, & cum *in Domino salutem* Maximus & Theodorus Augustino (*buius inter Epistolas CVII. al. 266.*) Augustinus ipse (*Epistolis XXII. al. 64. XXVII. al. 32. XXXI. al. 34. XLVII. al. 144. LXVII. al. 12. LIII. al. 165.*) plerisque, Lucianus *omnibus Sanctis, qui erant in universo mundo* (*Epist. memorata*), Paulinus Sebastiano (*Epist. XXVI. al. 40.*), Salvianus (*Epist. VI.*) Limenio, Zosimus plus vice simplici Africanis Episcopis, Gelasius Antistitibus *per Picenum constitutis*: cum *in Domino perpetuam salutem* Cyprianus Sergio, & Rogatiano (*Ep. LXXXI.*) cum *in Christo salutem* Hieronymus, & Augustinus carissimis sibi capitibus (*saepe numero*): cum *in Domino aeternam salutem* Balchonio Avitus (*cit. Epistola*), Hormisdæ Possessor de Libris Fausti Reiensis scribens, Rufino Prosper exoptabant, nihil sibi reliqui esse quod exoptarent credidissent.

IX. *In Christo Redemptore nostro* | Pelagianam perfidiam cum Nestoriana amicé coniurasse, & Cassianus, & Prosper testantur, hic multis in locis maximé in utriusque haereseos *Epitaphio*, cuius priora disticha exhibeo:

„ Nestoriana lues successi Pelagianae,

„ Quae tamen est utero progenerata meo:

„ Infe-

„ Infelix miserae genitrix, & filia natae :

„ Prodivi ex ipso germine quod peperit.

Cassianus (*Lib. VI. de Incarnat. Domini cap. 14.*) „ Si non idem Christus, ex Maria est, qui ex Deo natus, duos absque dubio Christos facis, secundum illud scilicet Pelagianae impietatis scelus, quae solitarium hominem ex Virgine natum asserens, eruditorem eum magis dixit humani generis, quam redemptorem fuisse; quia non redemptionem vitae hominibus, sed vivendi dederit exemplum, videlicet ut sequentes eum homines, dum similia agerent, ad consimilia pervenirent.” cet.

¿ Quidni igitur nefandi erroris confutandi causa egregia *Redemptoris* laude Jesum heic ornari existimemus? Divini certé foederis, & fallere, fallique nesciae traditionis fidem Praesulem Nostratem sequutum ii demonstrarent, qui catholicum *de Christi satisfactione* placitum adversus Socinianos, sopitos ignes suscitantes uberrimé vindicant. e. g. Witassius, Tournellius, Boucatius, Bertius, alii.

AD NUM. I.

I. Cum Dei opera revelare cet. | Angelicum hocce monitum é *XII. Tobiae capitis versiculo 7.* in Severianam Epistolam illatum

Joan-

Joannes Lorinus (in *Act. Apostol. cap. XII. vers. 17.*) & Cornelius à Lapide (in *eundem Tobiae locum*) animadvertère. Uzalensis Anonymus istud *Prologo* suo initium fecit:
 „ Quoniam Sanctus Raphael Angelus nos ad-
 „ hortari dignatur, ut opera Dei non tam
 „ in abscondito collocemus, quam pro Dei
 „ gloria pandamus, monens, & dicens: *Sa-*
 „ *cramentum Regis*” cet. Et Possidius Calamensis Praesul, cum res à Beato Augustino praeclarè gestas exponere aggrederetur, eadem Raphaelis verba mutua sumpsit.

II. *Celatur enim* cet. | In eandem cogitationem quà Rethorum, quà Philosophorum decora ingressa. Pro cunctis L. Anneum, Senecam Epist. CXVI. ad Lucilium audisis „ Ni-
 „ mis anxium esse te circa verba, & com-
 „ positionem mi Lucili nolo :: Nosti com-
 „ plures iuvenes barba, & coma nitidos de
 „ capsula totos, nil ab illis speraveris forte,
 „ nil solidum: oratio vultus animi est, si cir-
 „ cumtōsa est, & fucata, & manufacta, os-
 „ tendit illum non esse sincerum, & habere
 „ aliquid fracti. Non est ornamentum virile
 „ concinnitas. ” Exercitatio quoque versus calcem conferenda.

III. *Magnalia, quae Christus apud nos operatus est* | Capin ut Stephani auxilio beneficia in Nostrates profecta, Servatori in ac-
 ceptis

ceptis referantur? Facem Moses (*Exodi c. III. vers. 20. & cap. XV. vers. 11.*) David (*Psalms. LXXI. v. 18.*) Petrus (*Act. cap. III. v. 6. & IX. v. 34.*) praetulerant, PP. benè multi adstipulati sunt. Videndus (*Lib. IV. P. I. c. 2. de Servorum Dei Be- atificatione*) Lambertinus. Augustinum, & Anonymum indictos nolo. Illum confersis in Praefatione, istum Sermonibus CCCXIV. al. 33. de diversis CCCXIX. al. 51. c. 6. CCC. XX. al. de diversis 29. CCCXXIII. al. de diversis 32. cap. 3. & CCCXIX. potissi- mum, é quo insignem locum recito: „ De- „ dit nobis intelligere, quia in cuius nomi- „ ne faciebat antequam carnem deponeret, in „ eius nomine faciunt orationes eius, ut be- „ neficia impetrentur: :: Ille autem (Ste- „ phanus) tamquam servus orat. :: Non „ credamus superbum esse Stephanum, cum „ putamus quia virtute sua facit quod facit. „ Per conservum beneficia sumamus, hono- „ rem, & gloriam Domino demus. ; Quid vo- „ bis plus dicam, & multum loquar? Legi- „ te quatuor versus, quos in Cella ” (*cappe- llam* vulgò dicimus, in qua Augustinus ipse Stephani reliquias condiderat) „ scripsimus, „ legite, tenete, in corde habete. Propterea „ enim eos ibi scribere voluimus, ut qui „ vult legat, quando vult legat, ut omnes „ te-

„teneant, ideo pauci sunt, ut omnes legant
 „ideo publicè scripti sunt. Non opus est, ut
 „quaeratur codex. Camera illa vester codex sit.

IV. *Non composito sed veridico sermone* |
 Eat iterum Severo comes Uzalensis, cuius
 (*cit. in Praefat.*) haec sunt: „ Ipsa nostra
 „narratio, non tam verborum pompam au-
 „deat quaerere, quam mendaciorum fucum
 „studeat declinare.

V. *Referre aggredior* | Porro ut miracula
 multitudine innumerabilia, locisque prope-
 modum infinitis, per sacras Stephani exuvias
 edita, omnium per ora volitarent, à pleris-
 que opera impensa. Multos, é quibus occu-
 lati illorum testes nonnulli fuerant, Lorinus
 (*in Act. Apost. cap. VII.*) percenset, Au-
 gustinum, Lucianum, Gennadium, Grego-
 rium Turonensem, Nicephorum. Anonymi
 vero totidem voces sunt: „ ipsa virtutum
 (Martyrum Antistitis) miracula : : : ubique
 „personantem exserunt tubam.” Scio Phere-
 ponum, sive Joh. Clericum, pro nata re
 insigniter impium, pleraque ex divinis istis
 mirabilibus tamquam „ Episcoporum strata-
 „gemata, ut fucum facerent plebeculae” tra-
 duxisse. At scio etiam impudentissimum ne-
 bulonem ab Anonymo Cantabrigiensi, à Lu-
 dovico Antonio Muratorio (*in de Ingenio-*
rum moderatione in Religionis negotio Lib.

III. cap. 2.) ab Ursio (*Hist. Ecclesiast. Tom. XII.*) ab aliis bené carminatum dimissum.

AD NUM. II.

I. Insula Minorica una ex Balearibus Insulis est } Baleari Minori *Minoricae* nomen accessisse neminem futurum esse puto, qui inficias eat. Atque illi profectó recté sentiunt, qui huiusmodi vocabulum Victori Vitensi (*de Persecut. Wandalica Lib. I.*) Isidoro Hispalensi (*Ethymologiarum Lib. XIV. cap. 6.*) Sebastiano dein Salmanticensi Episcopo (*apud Marcam Lib. III. cap. 28. n. 5.*) usurpatum, inde deductum sentiunt, quòd non tam longé, latéque, ac Balearis altera, Nostra pateat, multisque cum illa nominibus conferenda non sit. In Pujadesiana Inscriptione, qua de multis (*Dissertat. laudanda*) Bonaventura Serra **INSULA MINOR** simpliciter dicta est. Mitto sequiore memoria in barbara quadam charta, cui titulus: *Reclamatio Jacobi Maioricarum Regis super Recognitione, quam vi, & coactus dederat Jacobo Aragonum Regi* (*apud Martene Anecd. Tom. I. col. 1272.*) *Minoricas* appellatam, quod ad aetatis nostrae tabelliones manavit, in Gestis Comitum Barchinonensium (*in Marcam Hispanicam relatis*) *Menorcham*, in Hali Privilegio lau-

laudato *Minoretas*. *Minorem Gothiam* à Gothis nominatam Binimelis (*Lib. II. cap. 15.*) narrat, qui tamen unde id acceperit, non prodit. *Minorcam* vir coetera latinissimus dixit. = Verum est heïc aliud, quod á me praetermitti, qui singulas soliti sunt litterculas persequi, medio in otio negotiosissimi, molesté ferrent. *Balearibus*, apud Baronium, aliosque Severus refert. Et hanc certé scribendi rationem, quem penés ius, & norma est, usu perquam longissimo confirmatam, nisi Veterum Scriptorum, cum mox apellandorum, cum M. Tullii, Virgilii, C. J. Caesaris, A. Hirtii, Ovidii, Lucani, Silii Italici, L. Flori editionibus accuratissimis *Balearica*, *Balearis*, *Baleares* cet. efferentibus fidem omnem abrogare velimus, tam certum est, quam quod maximé. Hubertus Goltzius, cui quantum tribuo, tantum Vaillantius, & Patinius tribuebant, Romanum numum aeri incidit, cuius haec est inscriptio: Q. METELLUS. Q. F. BALEARICUS. FIDES. De quo Cl. Antonius Augustinus, Epistola ad Hieronymum Zuritam Historicum praestantissimum, à Josepho Dormerio Aragonicae Historiae progressionibus (*Lib. IV. cap. 5.*) inserta. Erit nihilominus qui *Baliaribus* substituendum esse contendat, quam orthographiam illustris Comes Josephus Rezzonicus, cum antiquio-

rem

rem cum veriorē esse, & validis quidē argumentis persuadere conatur. Videndus Vir politissimus in *Epiniciorum Ludovico Adamato* :: :: :: *ob captam* :: :: *Minorem Balearē consecratorum Corollario*, eo potissimum loco, ubi & Inscriptiones mox indicandas exhibet, illustratque, & multa, quae aliorū diligentiam effugerant animadvertit. Ego, qui Grammaticorum iurgia plus oderim quam fullo ululā, & cuius, Severo in tuto posito,

non est tantam componere litem;
duo tantum, ut Rezzonici verbis utar, venerandae antiquitatis monumenta, in Nostrarum gratiam indico, eaque praeteriissem libentissimē, si Balearibus Romanarum antiquitatum cultoribus tam nota essent, ut Aenea illa tabula anno MDCCLXVI. in Agro Pollentino inventa, doctaque Bonaventurae Serrae Hispana Dissertatione elucidata. Primum immortalī Antonio Augustino haud ignotum, Fastrorum Triumphalium Fragmentum est. Alterum Neroni & Poppeae lapides dicati. Illud in Ludovici Matthei Vineae defosum apud Gruterum (*Inscript. pag. 298.*) legas. Lapidibus cl. Josephi Gorii opera ab oblivione vindicatis, Muratorius (*Novi Thesauri Inscript. à pag. 217.*) splendidissimam lucem attulit.

II. *Secularium* | Quo pacto *secularem eloquentiam, secularem litteraturam, secularem codicem, secularem versum* Hieronymus (in *de Scriptoribus Ecclesiasticis* multis in locis, & *Epist. ad Eustochium de custodia Virginitatis*), *secularem dignitatem* Ambrosius (*Lib. VI. in Luc. cap. 9.*), *secularem militiam* Vincentius Lirinensis (*initio Commonitorii*), *secularem historiam* Sidonius (in *Concione Lib. VII. IX. Epistolae adiecta*), *Seculares litteras* Gennadius (*de Script. Eccles.*), & sexcenta huiusmodi sexcenti alii dixere.

III. *Pervulgatum est* | Liceat nunc mihi dulcissimo patriae amor, cuius tanta vis est, „ tantaque natura, ut Ithacam illam in as- „ perrimis saxulis tamquam nidum affixam „ (*Cic. de Orat. Lib. I. num. 44.*) sapi- „ entissimus Vir (*Ulysses*) immortalitati an- „ teponebat, „ tantisper indulgere. Crebra apud Veteres *Balearium* mentio, crebras illae & magnificentissimas de se testificationes Historicis, Geographis, Vatis, multo ante Severi aetatem debebant. Duas esse conceptis verbis Livius (*Decad. III. Lib. VII. cap. 19.*) dixerat: ut mirum cui cui accidat, & Suetonio unam videri potuisse (*Conf. Ortelius V. Baleares*), & á Nicolio Lacroixio (*Geographie Moderne pag. 372. Tom. I.*) Roberto (*Geographie Universelle Tom. I. pag.*

230.) aliis, plures numerari. Utriusque oppida Plinio (*Lib. III. cap. 5.*) memorata. In Balearium etymon perquam diligentissime inquisitum. *Ballearides*, & *Baleridas* Graeci nonnulli accuratissimi, *Gymnasias* Diodorus (*Lib. V.*) *Choerades* Timeus (*ap. Carolum Stephanum in Dictionar. Historico*) appellaverant. A Graecis *Gymnesias* dictas (*loco cit.*) Plinius autor est. In *Provinciarum Itinerario*, quod Antonini Augusti legitimam sobolem esse, coniecturam ab aruspice non ridendam ducimus, Baleari nostrae *Nurae* vocabulum inditum, tametsi & istud Aerae Christianae Sec. I. ignotum esset, & eiusdem originationo tenebris hodie dum obsita sit. Praetereo, quod Armstrongius (*in Opusculo, quo de inferné*) indicavit, nonnullos in ea sententia esse, ut à Graecis, Rhodiis, Beotiis, aliis utramque Bailem possessam existiment. ; Quem, quaeso te, terrarum locum, nisi inter inhumanae barbariae nomina situm, latuisset, eas à Phoenicibus occupatas, à Poenis incassum tentatas, imperio dein Punico subditas, à Q. Metello, ea de causa Balearici nomen adepto, Urbi rerum dominae subiectas? Bellicae Maiorum nostrorum virtutis argumenta ad posteros iam transmissa. Et quamquam verear ne universas feré Balearium leges, quas Alvarezius Colmenarius (*Operis, cui titulus est Description,*

&

& *Delices de L' Espagne. Tom. II.*) recitat,
 Veteres omnes ignorârint, de eorum moribus,
 institutisque sat multa dicta fuerant. Baleares
 omnium primos laticlavium induisse memo-
 riae proditum fuisse Strabo (*Lib. III.*) tes-
 tis est. Ab ipsomet Balearici soli foecunditas,
 à Plinio (*Lib. XVIII. cap. 7.*) tritici pon-
 dus, vini vis, praestantiaque (*Lib. XIV.
cap. 6.*), venantium nimia copia (*Lib. VIII.
cap. 55.*), aves praeterea propriae (*Lib. X.
cap. 49.*) litteris consignata, multorum tan-
 dem sermonibus pervagatum, quod Baleari-
 bus fortasse nomen dedit, uberrimam certè
 laudum segetem in eosdem derivavit, quan-
 tos in eiacula fundam, quam si Vegetio
 (*Lib. I. cap. 16.*) fides, invenisse diceban-
 tur, progressus fecerint, ut excellentissimos
 quosque in eo praeliandi genere superarent.
 Pauculis. ; Quei enim longa oratione à Dame-
 ro, Serra, Eruditissimis Mohedaniis (*Histo-
ria Literaria de España Tom. III. pag. 458.
& seqq.*) Marinio (*Historia de la Milicia
Española Tom. I. pag. 31. & 32.*) & nitj-
 dissimo Masdevio (*Hist. Critica de España
Tom. I. P. II. Lib. VI. num. 21.*) cele-
 brata consecræ? Jam tunc Severo confiden-
 tissimè pronuntiare licuisset, quod Seculo
 XVII. ineunte palmaris Virgilii Interpres Cer-
 da affirmavit: „ De his (Balearibus) loqui in-
 „tan-

„ tanta Poëtarum, & Scriptorum luce super-
 „ vacaneum est.”

IV. *Inter Mauritaniam Coesariensem* | Mau-
 ritania Veteribus divisa erat in partes duas,
Coesariensem, & Tingitanam, ab Urbibus
 utriusque primariis, *Coesarea, & Tingi*. Tin-
 gitanae Coesariensis antistabat. Alia Geogra-
 phi dicunt, & ad XLV. Cypriani Epistolam
 Nota cl. Baluzius.

V. *Longitudinem XXX. latitudinem ve-
 ró III. millia passuum habens* | Balearis nos-
 trae longitudinem Plinius Maior (*Lib. III.
 cap. 5. cit.*) & Philippus Ferrarius (*in Lexico
 Geographico*) ad plures passus, Vosgienus ad
 XVIII. leucas (*Diçtion. Geografique V. Mi-
 norque*) alii ad XXX. porrigebant, quod ne-
 gotium vix, aut ne vix quidem facessit, quo-
 niam sunt qui gallicas, sunt qui hispanas,
 sunt qui italas, sunt qui anglicas, sunt qui
 alias leucas numerent. Romani cum ea ra-
 tione metirentur, ut ex punctis lineam, é
 12. lineis pedem, ex 5. pedibus passum Geo-
 metricum componerent, Severum XXX. M.
 pas. numero, qui reliqui essent, comprehen-
 sos voluisse existimo. Ut hanc in sententiam
 abeam ipse in causa est., Ex Jammonensi
 „ civitate (inquit *num. 9.*) famulorum Christi
 „ multitudo convenit :: :: tantaque difficilli-
 „ mi itineris laborem alacritate confecit, ut
 „ XXX.

„ XXX. M. passuum : : : transvolaret. Itaque
 „ Magonem pervenimus. ” Et (*num. 20.*) „ ex
 „ tanta Jammonensis populi multitudine, qui
 „ per 30. M. passus venerat ” cet. Magona
 igitur XXX. mille passus à Jammona dista-
 bat. Ab utroque autem oppido, ad loca un-
 de Insulae nostrae longitudinis metiendae ra-
 tiones ineundae sunt, IV. plus minus mille
 passus supersunt. Ad latitudinem quod atti-
 net non eadem ubique est, nam ab VIII. M. ad
 XII. usque pass. M. illa porrigitur. Haec simul
 ac ob oculos posueris, & specie tenus in Mino-
 ris Balearium latitudine supputanda dissidentes,
 amico iunges foedere, & Baronianum Seve-
 rianae exemplum opellae iuxta Vatic. emmen-
 dandum intelliges.

VI. *Contemptibilia mundi à Domino : : :*
in locis eligi | Haud ineptè Paulinam (è I.
ad Corinth. Epistolae cap. 1. vers. 28.) de
 antiquissimis illis, eximiisque Ecclesiae Ma-
 gistris sententiam, de locis effèrri, vel quos
 Severus subscriptores haberet, ne hiscentibus
 quidem; non oppidula tantum, Christianorum
 heroum, natalibus, gestis, mirabilibus per eos-
 dem patratis, morte, sepulchro, nobilissima;
 sed vastae eremi, ad quas vix antea huma-
 no pede via calcata, monstrarent, in quibus
 ceu de Aegypti, & praesertim de Nitriae de-
 serti partibus à Ruffino (*Hist. Eccl. Lib.*

XI. cap. 4.) scriptum accepimus. „ Monachi
 „ habebantur, qui consortium vitae, & ac-
 „ tum cum supernis Angelis; habere crede-
 „ bantur, ut veré ” (doctus ille Aquileiensis
 Presbyter *cap. VIII.* subiungit,) „ comple-
 „ retur Apostoli dictum, quia ubi abundavit
 „ delictum, superabundavit & gratia.”

VII. *Quae omnium terrarum parvitate,
 ariditate, asperitate postrema est* | Fors istud
 per exaggerationem haud dictum. Fac tamen
 dictum. Ad iustam sententiam Dametus sic
 redegit: *la qual en tamaño, y calidad es
 de las postreras del Orbe.*

VIII. *Duo parva oppida* | Pomponio Me-
 lae (*Lib. II. cap. 7.*) *castella*, Ptolomeo
 (*Europae Tab. II.*), Plinio (*laud. Lib. III.
 cap. 5.*), Baudrandio, Martinierio, aliis, quo-
 rum vel nuda nomina promere, maxima me-
 molestia afficeret, *civitates*. Hos inter, Seve-
 rumque, quidquid é trivio Grammaticus gar-
 riat, nihil dissidii. Moneo cursim praeter *Jam-*
monam, *Magonamque*, non alia, ante Se-
 veri tempora, apud Nostrates oppida fuisse,
 è loco, quem versamus, ineptissimè colligi.
 Enim vero tota in Minori Baleari urbs num-
 quam fuit, cui Joannes Maginus (*in Novis
 Geographicis Tabulis*) *Minoricae*, Anony-
 mus, qui Alexandro Severo Caesare, *Collec-*
tionem Historicam Chronographicam adorna-

vit

vit (in alterum *Thesauri Monumentorum* Henrici Canisii Tomum editionis Antwerp. à Basnagio accuratae translata) *Minorcae* nomen imposuere. Sed à Severo memoratis, Plinius Sanisseram adiunxit, cuius tametsi apud alios ne verbum quidem; fieri tamen potuit, ut haud aspernandus Plinianus Scholiaſtes, super Strabonis ea de re silentio, annotavit, ut eam ignoraverint, vel prudenter *tamquam minus nobilem praeterierint*. Quod autem Gelenus ipse subdit, *verisimile est eam solum indigenarum fuisse*, in medio relinquo. = Joannes tamen Armstrongius, qui *Mino-
ris Balaris Historiam Naturalem, & Civilem* litteris mandavit Anglicanis, Autor quandoque satis diligens, dormitans saepe, dormiens aliquando, & quod nolebam dicere, dicam tamen, indignus, qui & ab Hispano ipsius Interprete (in *Praefat.*) & in Catha-
logo Scriptorum Langletianae *Historiae discendae Methodo adiecto* (*Tom. XIII. art. 6. cap. 9.*) tam impensè commendaretur, nam & mendaciis lucubratiunculam infarcit, & civium nostrorum, tamquam si obtusa maxime pectora gestaremus, ima in viscera capulo tenus ensem quandoque abdit: Urbem aliam, *Labonem* nimirum, apud Nostrates à Poenis aedificatam pronuntiat, eamque hodiernum oppidum *Alayor* (*Laor* ille appellat)

lat) arbitratur. Sed optarem ut vel unum é tota retró acta antiquitate idoneum huiusce sententiae praedem Armstrongius sisteret. Optarem :: Sed hominem dimittamus, cum quo, si Deus nobis otia fecerit, data opera agendum. Conf. interea Opusculum Matritensibus typis nuper excusum *Descripcion de las Islas Pitheusas, y Baleares* (pagg. 144. 154. & seqq.), quod tamen in Balearium rebus tam accuratum vellem, quam elegans. E diverticulo ad viam.

IX. *Quibus á Poenis indita nomina* | Eat licet contra vastissimae Vir eruditionis Augustinus Calmetius (*Hist. Universelle Liv. XXXVIII. num. 57. Tom. III. pag. 613.*) nulla in Minori Baleari oppida, cum in eam Q. Metellus venit, fuisse putans. Equidem si non ante secundum Bellum Punicum, ut Rezzonicus arbitratur, de quibus Severus, oppida excitata fuerant, & Balearicorum omnium vetustissima, & á Poenis constructa facile vix non assentirer. Punicos profecto illorum conditores ampla iuniorum manus facit, quos inter Rollinius (loco laudando) Dаметus (*Lib. I. Tit. I. §. 1. & 7.*), Chesnius (*Abregé de l' Histoire d' Espagne Tom. I. p. p. initium.*). Et Plinius *Palmam, & Pollentiam Civium Romanorum oppida* (loco nuper citato) vix dixerat, subdit, „ Minor
X „ (Ba-

„ (Balearis) : : : Civitates habet Jamnonem
 „ Magonem, & Sanisseram. ” Jamnonae Car-
 thaginensi Imperatori, cui nomen *Jamno* pri-
 mordia deberi, celebris multorum opinio est,
 quae non tantum invaluit, verum etiam in-
 veteravit. Magonem á Poeno alio Impera-
 tore *Magone* fabricatam infiniti propemodum
 sentiunt. ; At quisnam Mago is? Est qui ab
 Amilcaris Patre, est qui á Magone Barceo,
 sunt, é quibus honoris causa Joannem Ge-
 rundensem Episcopum (*Paralipom. Hispan.*
Lib. II.) Claudium Rollinium (*Hist. des*
Carthaginois Liv. XI. §. 6.) nomino, qui
 á Magni Annibalis fratre Urbis nostrae ini-
 tia repetant. Accipe Joannis Marianae histo-
 rici gravissimi iudicium: „ Magonem (inquit
 ille *Lib. II. de Rebus Hispaniae cap. I.*)
 „ ferunt in Balearibus cum aliquot annos hae-
 „ sisset, in Minori Insula Urbem sibi cog-
 „ nominem posuisse: quod quoniam Veterum
 „ Scriptorum fide carer, & sola ex nomine
 „ coniectura nititur, (quoniam Magonem
 „ Urbem in ea Insula fuisse constat), non
 „ videtur pro certo ponendum ne á Hanno-
 „ ne quidem fuisse fundatam. ; In rebus tam
 „ obscuris, ; quid mirum si caliget narratio? ”
 Rezzonicus tamen (*laud. operis pag. 2. No-*
ta I. & in Parerg.) conferendus.

X. *Jammona* | *Jamnonem* Ptolomeus (*loc.*
cit.)

cit.), *Jamnonem* Plinius (*Lib. III. cap. saepe laudato*), *Janam* alii, si *Dameto* (*laud. Tit. I. §. I.*) credas, à Jani Templo inibi posito, vocavere. Fortassis è *Tarraconensi Lapidē*, quem à *Grutero*, aliisque descriptum, in *Syllogē Inscriptionum Romanarum*, quae extant in *Principatu Cathaloniae* *Josephus Finestresius Cervariensis Antecessor nobilissimus* (*p. 220.*) & in *Hispaniae Sacrae Tomum XXV.* (*pag. 62.*) *Florezius* transtulere, *Jamnonem* ab aliis dictam, colligere quondam licuisset: nostra tamen memoria, quod *Florezium* ipsum *Raymundus Foguetius Tarraconensis Canonicus* in hoc litterarum genere versatissimus, mihique plurimum observandus monuit, haud liquet satis quid illa *Inscriptio* referat. *Florezius* idem (*loco citato*) consulendus. *Jammona* autem, de qua heic *Severus*, frustra licet *Dametus* refragetur, eadem illa quam ab incolis *Civitatem* appellatam *Joannes Gerundensis Praesul* affirmat, haud malè *Civitatum* *Francisciani Historici illustrissimi Gonzaga* (*in de Orig. & Progr. Francisc. Relig. fol. 1023.*) *Wadingus* (*Annal. Tom. XIV. fol. 438. Edit. postremae*), *Citadella* *Bernardinus Gomezus* (*in de Vita, & Gestis Jacobi I. Regis Aragonum Lib. VIII. ante finem pag. 146.*), *Ciudadella* *Insulani* hodiedum dicunt sive

sive quod é Sarracenorum potestate erepta, muris cincta, praesidiisque aliis munita, exigua urbs evasserit, sive quòd à Castello à Carthaginensibus ibi constructo, eiusmodi nomen tulerit, quod ad quascumque id genus arces, vernaculo multarum gentium sermone significandas translatum est. Plerisque originationo illa, Chesnio isthaec placuit.

XI. *Magona* | Ut *Jamnonis*, *Magonis* nomen, Severiana tempestate, nonnihil immutatum. Enim vero Plinius, Mela (*loc. cit.*) Geographorum iuniorum populus, quamquam Echartus (*in Dict. Geographico.*) & Dinovartius (*in Appar. Reg. Append.*) *Mabo* latiné reddant, *Magonem* dixere. Et ipsa mille herclè nominibus, portuque, cuius descriptionem ad allegoriae leges Gothofredo (*in opus Gallicum L' Art Oratoire-reduit en exemples Tom. IV. pag. 12. & seqq. translata*) ad Poeticae fabellae Retzio (*Memoires du Cardinal de Retz. Edit. d' Amsterd. 1718. Tom. I. pag. 318.*) amplissimam laudum copiam plerisque, Rezzonico maximé (*in laudatorum Epinic. Praefat.*) & Nicolao Villagagnonio (*in Comment. de Tunetana Caroli V. Expeditione*), omnium optimum pulcherrimumque eundem apellanti debemus, universarum Europae gentium linguis celeberrima.

XII. *Sacerdotalis Officii* | *Episcopatus*, quocum tota Sacerdotii dignitas, amplitudo, maiestas contineatur, *Sacerdotium*, *Sacerdotale officium* appellatum, eo auguratos *Sacerdotes* simpliciter dictos é Hieronymi, Augustini, Paulini utriusque Mediolanensis Diaconi, & Nolani Antistitis, Possidii, Ruffini, Vincentii Litinensis multis locis, & ne exemplis abutar, Uranio (*in de obitu Paulini num. 4.*) manifestum est.

XIII. *Pondus* | Non dicam utroque Severo pollice subscripturum, qui de Episcoporum muniis diserentes legerit, ut V. Bartholomaeum á Martyribus (*in Stimulo Pastorum*) Nunnezius (Hispano in opere *Empresas Sacras*) Gallici itidem Scriptorem operis (*De la Sainteté & devoirs de l' Episcopat*) alios, quorum plena dignitatis de *Sacrorum Ministrorum Officiis* Opuscula doctissimus Hieronymus de Prato Romanis typis edidit: dicam dumtaxat Episcopatum, & Gregorio Magno (saepé numero) onus, pondusque, & Gregorio Nazianzeno (*Oratione VIII.*), Juliano Pomerio (*de Vita contempl. Lib. III. cap. 28.*) & Joanni Chrysostomo (*de Sacerdotio Lib. III. cap. 10.*) & Augustino (*Epist. 86. al. 60.*, aliisque in locis) *sarcina*, & *Sanctis omnibus*, Cyrillo Alexandrino Praesule (*Homil. I. de Festivitat. Paschae paulo post*

post initium) teste, *molem ingentem visum.*

XIV. *Omnia noxia animalia deesse videmus* | Id ego de quadrupedibus intelligo, quamquam haud inficias ivero verissimé ab Strabone dictum: „ illud hisce in locis commo-
„ ditatis adesse, ut ullum noxium animal
„ non facile reperias.”

XV. *Copia magna sit* | Haud minor superiore memoria, eadem nostra est, quod à Geographis non praetermissum.

XVI. *Amisserant omninó nocendi violentiam* | Nemo apud nos à colubris, pauci ab scorpionibus venenatos ictus acceperunt: ne uni fortassis quidem à bestiolis istis mors illata. Causa, ni fallor, potissima calor nunquam summus. Addito, quod nemo in controversiam vocabitur, Balearium Minoris incolas exiguo quondam numero fuisse, & faciliore profectó opere fidem Praesuli nostro accomodari posse efficies, quam si solum istum talemingas, qualem Dametus voluit, & qualem Hibernicum esse Beda (*Histor. Angl. Lib. I. cap. 1.*) Sardiniae Plinius, Gaulo Insulae Solinus, aliarum terrarum alii narrant.

XVII. *Lupis, & vulpibus :: comparantur* | Confersis Origenem. Confersis & Joan. Chrysostomum (*Oratione II. adversus Judaeos*), & Cantici Canticorum Enarratores (*ad cap. II. vers. 15.*)

XVIII.

XVIII. *Christi Ecclesia morderetur* | Facilius Herculi clavam, ut vetus erat adagium, quam Catholicis societatibus, huiusmodi nomen eriperes. Tertullianum (*Libro de Praescriptionibus* variis in locis), Cyprianum (*Lib. de Unit. Ecclesiae*), Optatum Milevitanum (*in libris contra Parmenianum*), Augustinum (*de vera Religione cap. VII.*, *contra Epist. Fundamenti cap. 4. & libris*, quos adversus Donatistas elucubravit), Cyrillum Hierosolymitanum (*Cathech. XVIII. num. 12.*) testes appello. Pervagata, sed aurea Hieronymi (*adversus Luciferianos*) vox „ Marcionitas, Valentinianos cet. scito non Ecclesiam Christi, sed Antichristi esse Synagogam.”

XIX. *Generatio viperarum* | Non loco tantum ad oram indicato, verum etiam Matthaei *cap. III. vers. 7. XII. vers. 34. XXIII. vers. 33.*, Hilarii (*can. 10. in idem Evangel.*), Lorinus (*in Act. Apostolor. cap. XXVIII. vers. 3.*) consulendus, & audiendus saltem Arator (*Histor. Apostol. Lib. I.*)

::::: „ Judaea venenum

„ Semper ab ore vomet, crudelior aspide surda
„ Perfidiae coluber Synagogae sibilat antro.

XX. *Venenatis ictibus saeviebat* | Perpetuum, & plusquam vatinianum Judaeorum in Christianos odium, tam multa ostendunt, ut

pagi-

paginam utramque Lorinus (*in laud. Act. Lib. cap. VII. vers. 52.*) fecerit. Haud sané iniuria (*Lib. contra Judaeos*) Tertullianus, illorum Synagogas *persecutionum nostrarum fontes* appellavit.

XXI. *Divina virtute compulsus* | Qui humanae libertati iniuriam irrogari heïc crederet, coturnicum, ut dici solet, oculos transfigeret. Nam ut praeteream quod B. Thomas (*Lect. VII. in I. Joan. caput*) prudentissimè edicit: „ Antiqui Doctores emergentes „ circa fidem errores ita persecuti sunt, ut „ interdum viderentur in errores labi contrarios; ” tam multa apud Patres similia legimus, ut vel ea indicare me puderet. Unum, sed perquam simillimum pratermittere non possum, Ecclesiam scilicet Deum Optimum Max. obtestari ut *ad se nostras rebelles compellat. :: voluntates.*

XXII. *Mortiferum illud virus incredulitatis* | Gemina plané è Synodis, Sanctissimisque Viris (*ad Tertulliani Lib. de Idololatria cap. XIII. not. 2.*) Cerda dabit.

AD NUM. III.

I. *Tanti Sacerdotii nomen :: adeptus sum* | Ridiculus sim si Episcopatu nullum in Re christiana honoris gradum praestantio-
 rem,
 fu-

sublimiorem nullum esse, & Sedem illam excipio, in qua semper Apostolicae Cathedrae viguit Principatus (*August. Epist. XLII. al. CLXII.*) multis monstrare cogitarem. ; Ecce cui, quaeso, ignota tot & tam magnifica Episcoporum praeconia, in Episcoporum Syllabis perquam curatissimè texendis diligentia, qua universi ordines Episcopos prosequabantur reverentia, de quibus iuniorum plerique ita certatim disseruere, ut si quid ego addidero, anseri inter olores strepenti compararer? Conferas si vacat Natalem Alexandrum (*Dissert. in Sec. IV. LIV.*), Thomassinum (*P. I. Lib. I. multis locis, & saepe alibi*), Wirsium, Colletum, Bertium (*de Sacramento Ordinis disputantes*), Selvagium (*Lib. I. P. I. cap. XII. & locis etiam aliis.*)

II. *Sanctitate praecipuus* | Haud alius ab Orosio, illo Orosio, quem & Bracharenses civem sibi vindicant, Tarraconenses repetunt, Hieronymus (*Epist. CLXXII. al. 30. inter Augustinianas*), & Augustinus (*Epist. CLXVI. al. 28.*), singularibus quâ honoris, quâ benevolentiae officiis dignabantur, Gelasius in Romana Synodo an. CCCCXCIV. celebrata (*in Decreto, quod apud Gratianum dist. XV. cap. 3. legere est*) : Virum eruditissimum praedicabat, Gennadius (*in de Viris illustribus in Orosio*), Librorum de *Promissionibus*,

3. *Praedictionibus Dei* Scriptor (*P. II. cap. 33. & P. III. cap. 34.*), Cassiodorus (*Divin. Lect. cap. XVII.*), alii, in astra vocavere, & de quo historici omnes bona omnia dicent.

III. *Ab Hierosolyma veniens* | Juvat Gen-
nadii (*é loco citato*) verba sistere: „ Oro-
sius :: ab Augustino nuper pro discenda
animae ratione ad Hieronymum missus,
rediens, reliquias B. Stephani primus intu-
lit Occidenti.”

IV. *Magonae* | Magonis portui vicino si-
nui Insulanis *Cala de Sant Esteve*, á Sacris
Martyrum ducis exuviis, cum Orosio Zillúc
appulsis (huiusmodi nomen haessisse, fama,
veri fortasse nuntia, vagatur. Nihil tamen cau-
sae fuisse video, quæi Petrus Campus (*Hist.
General de la Orden de S. Agustín Lib. III.
cap. 42.*) scriberet Orosium valida iactatum
tempestate, fluctibus ferè disrupta navi, Ma-
gonem versus vela dare coactum.

V. *Non longo tempore moratus est* | Flo-
rezius (*Tract. LV. laud. cap. extremo*) con-
ferendus.

VI. *Transvehi ad Hispanias :: nequivit* |
E vestigio Baronius: „ Erat enim Hispania
obsessa hoc tempore à Gothis.” addo &
à Barbaris aliis, nam ut Idatius (*in Chron.
ad an. CCCCXI.*) autor est, qui Hispaniam
anno CCCCIX. invasserant, „ Galloeciam
„ Wan-

„ Wandali occupant, & Suevi sitam in ex-
 „ tremitate Oceani maris occidua, Alani
 „ Lusitaniam, & Carthaginensem Provincias,
 „ & Wandali cognomento *Silingi* Baeticam
 „ fortiuntur. ”

VII. *Sicut desiderabat* | Ad Bracharenses suos sacra Stephani pignora cum Avitus dirigeret, „ ut ipse praesens advocatus & Patronus obsequentium sibi petitionibus dignaretur assistere, qui cum pateretur etiam „ pro inimicis orare dignatus est ” (quae totidem eiusdem Aviti citata in *Epistola* verba sunt); tam egregio dono illos beare, Orosio in votis erat. ? An istud tandem aliquando ad eos pervenerit? Nicolaus Antonius (*Biblioth. laud. Lib. III. cap. II. num. 43.*) subdubitare videtur. Florezius haud pervenisse existimat. Ego diuturna saltem ipsius possessione Magonensibus felicibus esse licuisse arbitror.

VIII. *Remeare ad Africam denuo statuit* | Sed an remigrârit incertum, nam, ceu Florezius ipse animadvertit, nihil de Orosio, post eius in Magonem adventum, litteris consignatum reperitur.

IX. *Reliquias* | nimirum illarum particulas, de quibus memorata in *Epistola* Avitus, sic ad Balchonium scribens: „ Missimus vo-
 „ bis de corpore B. Stephani pulverem sci-
 „ licet

„ licet carnis , atque nervorum , & quod si-
 „ delius , certiusque credendum est , ossa so-
 „ lida , atque manifesta sui sanctitate novis
 „ pigmentis vel odoribus pinguiora.” Et Exer-
 citatio nostra (§. *LXXXVII.*) conferenda.

X. *Nuper* | Anno á Rep. Sal. *CCCCXV.*,
 Decembri exeunte , ut à Marcellino , Idatio
 (*in Chron.*) , Gennadio (*loc. laud.*) , infi-
 nitis propemodum accepimus. Addo scité à
 Notkero in Martyrologio dictum „ Hanc re-
 „ velationem quidam minus cauté legentes
 „ hoc tempore (*III. Non. August.*) putant
 „ actitatem , cum & circa principia Decem-
 „ bris inchoata , & circa finem eiusdem men-
 „ sis probetur consummata.” Lucianeae idcir-
 có *visionis seriem* , VII , quas memoravi Ca-
 lend. die Notkerus ipse *aperire* cogitavit.

XI. *Revelatae sunt* | Eodem verbo Stephani
 exuvias divinitus in lucem eductas fuisse , Lu-
 cianus , Avitus , Gennadius (*locis citatis*)
 Augustinus (*Serm. CCCXVIII. al. 25. ex*
Sirmondianis , & *Tract. CXX. in Joan.*) in-
 dicavere. Et Paulinus Nolanus (*Epistola*
XXXII. al. 12. num. 17.)

„ Quosque suo Deus Ambrosio , post longa revelat
 „ Tempora Gervasium cum pare Protasio.”

Paulinus vero Mediolanensis (*in B. Ambrosii*
Vita num. 29.) „ Posita erant corpora Mar-
 „ tyrum (*Vitalis & Agricolae*) inter cor-
 „ pora

„pora Judaeorum, nec erat cognitum populo christiano, nisi se Sancti Martyres Sacerdoti ipsi revelassent.”

XII. *Martyre inspirante* | Nostratum igitur cura, Stephanum sollicitari Severus credidisset, quemadmodum & Alexandrinorum Potamienam Eusebius (*Hist. Eccl. Lib. VI. cap. 5.*), Coesariensium XL. Martyres Basilus (*Homil. de iisdem*), Basilium ipsum, quam administrârat Ecclesiae Gregorius Nazianzenus (*Orat. Funebri de S. Basilio*), civium suorum Theodorum inclytum Martyrem Gregorius Nyssenus (*Orat. de Magno Martyre Theodoro*) nulli addubitabant. Ambrosius Martyres *Speculatores vitae, actuumque nostrorum* (*Lib. de Viduis cap. 9.*) appellavit. Cyprianus tandem, infinitum beatorum populum, de sua immortalitate securum, de nostra salute sollicitum (*Lib. de Mortalitate*) eloquentissimè dixit.

XIII. *In memorati Oppidi Ecclesia* | Primaria, si Campum (*cit. Lib. 3. cap. 42.*) audires, in quam ab Augustiniensium Coenobiarcha Stephani exuvias allatas ait, quamquam Jordanius in Coenobii sui Aede depositas é Severo colligi, subiungit. At unum fortassis ea aetate Magone templum erat (*Conf. Thomassinius P. I. Lib. II. cap. 7. num. 7.*), & Severo autore, Orosius ipse Stephani reliqui-

liquias *in memorati Oppidi Ecclesia colloca-*
vit, quod mirum á Jordano, dum fontes ha-
 beret rivulos conſectante, non animadverſum.

XIV. *Collocavit* | Florezio iudice, magna
 Hispaniae laus impartienda eſt, quód & per
 Avitum Stephani exuviás divinitus repertas
 eſſe Orbi Latino primum innotuerit, & per
 Orosium tam ſplendido munere donatus pri-
 mum Occidens fuerit; & Urbi noſtrae non
 vehementiſſimé gratulabimur, quód tam prae-
 clarum fontem, è quo infinita in ſe beneficia
 redundatura erant, ante alias apertum vide-
 rit, mox expertura quam bené ſapienterque Sa-
 cri, politiſſimique Vates, Graecus alter, La-
 tinus alter cecinerant, Gregorius ſcilicet Na-
 zianzenus (*in Jambico de Virtute Carmine*)
 Cl. Petavio Interprete (*Lib. XIV. de In-*
carnat. cap. 11. §. 3.)

„Tanta porro eſt veritatis veneratio,
 „Ut vel exiguus pulvis, aut aliquod reliquiarum,
 „Oſſium vetuſtorum, vel capillorum particula,
 „Aut panniculi, aut aſperſi cruoris (ant,
 „Nota quaeſciam, ad totius honorem aliquando ſuffici-
 „Et appellatione ſanctae ſint reliquiae,
 „Cum certis locis attributae fuerint pro toto Martyre,
 „Eadem quippe vi praeditae. | O miraculum!
 „Salutem enim aſſert etiam ſola recordatio.
 Paulinus (*Nat. IX. de S. Felice ſive Pö-*
em. XXIII. á verſu 442.)

„: : : : : „debita ſanctis

„Sunt

„Sunt loca corporibus, neque tantum, qua iacet ora
 „Totum corpus, ibi positorum gratia vivit.
 „Sed quacumque pii est pars corporis, & manus extat
 „Contestante Deo, meriti documenta beati.
 „Magna & in exiguo Sanctorum pulvere virtus. “
 Et (*Nat. XI. sive Pöem. XXVII. à v. 67.*)

:::: „quá :: osse minuto
 „De modici sacri stipe corporis exiguus ros
 „Decidit, ingentes illic pia gratia fontes,
 „Et fluvios vitae generavit unda favillae. “

XV. *Ille ignis* | Sive cum Tertulliano
 (*Lib. IV. adv. Marcion.*), iunioribusque non-
 nullis, Servatoris, ad quod Nostras alludit
 Oraculum (*Lucae cap. XII. vers. 49.* com-
 prehensum), eodem feré pacto quo illud
 (*è Matth. cap. X. vers. 34.*) *Nolite arbitrari*
quia pacem venerim cet; exponendum arbi-
 treris, sive cum Ecclesiae columinibus, ab
 Alapide (*in cit. Luc. versiculum*), & Lori-
 no (*in Act. Apost. cap. II. vers. 3.*) lau-
 datis, ipsaque Ecclesia de Spiritu Sancto, eius-
 que donis intelligere mavelis, per Severum
 licet. Neque te illud fugiat Cleophae voces
 (*é Luc. cap. XXIV. vers. 32.*) ; Nonne cor
 nostrum cet. non secus à Minoricensi, Medi-
 olanensem Praesulem Ambrosium aliquando
 reddidisse.

AD NUM IV.

I. *Cuiusdam Theodosii* | Et heinc Fleurii
 error

error fortasse manavit, ut cum Theodosio, cum Theodoro primas Magonenses inter Judaeos deferret. Verum *cuius Judaeorum populus maximè autoritate, & potentia nitebatur* (hoc num.), eundem illum *in cuius se Synagoga viribus acclinabat*, qui *mox pater patrum*, qui *Synagogae columna* (num. 13.), qui *summus Sacerdos perfidi populi* (num. 8.), qui *concionari ad plebem suam voluisse* dicebatur (num. 14.), & *post quem omnis ad Ecclesiam Synagoga confluit* (num. 16.) ; quis non videt? Rectius igitur Vaticana Severi exemplaria Theodorum semper, Theodosium numquam efferunt, & scité Nicolaus Antonius (loco in Exercit. citato) „ Theodorum „ inquam (ait) non Theodosium, quod habent omnes Dextri editiones, in eo etiam „ sublestae fidei, veroque contrariae.”

II. *Honore seculi praecipuus erat* ; De legibus quâ pro Judaeis, quâ adversus Judaeos Christiano ⁸⁶ Sec. V. latis, uberrimè civilis prudentiae lumen Jacobus Gothofredus (in Lib. XII. Cod. Theodosiani Tit. I. Paratitlis.) Et eiusdem Tituli 24. *legem* Honorius tulit, ratus, ut Baronii verbis (é num. 67.) utar „ exemplo Minoricensium Judaeorum conversionem ipsorum vexatione esse „ tentandam.” Gothofredi autem in laud. legis Comment. isthaec sunt: „ Ex hac tota „ lege

„ lege apparet quantopere hac adhuc tem-
 „ pestate (anno CCCCXVIII.) Judaeorum
 „ ratio habita fuerit, ut qui ad omnes pro-
 „ miscuè militias admitterentur, usquequò
 „ id rursum Honorius hac lege prohibere ne-
 „ cesse habuerit, imò quibus & ipse, non
 „ in totum muneribus publicis interdixit, ve-
 „ rum nonnulla reliquit, idque satis timidè.
 „ :: Et huc facit quod Rutilius Numati-
 „ anus (*Lib. I.*) hoc ipso tempore scribit
 „ de Faleria, cuius loci curam gerebat Ju-
 „ daeus: *Atque utinam numquam* cet. Quod
 „ Baronius de Judaeis Insulae Minoricensis,
 „ & de Theodoro Judaeo summae autorita-
 „ tis, etiam inter Christianos, belloque in-
 „ ter Judaeos, & Christianos conflato, hoc
 „ ipso anno memorat ex Vaticani Severi Epis-
 „ tola, non adeo hinc abludit.”

III. *Legis Doctor* & :: *Pater Patrum*
fuit | Horum altero elogio Virum, cui tra-
 dendae, exponendaeque legis provincia de-
 mandata, quales Coecilianum, & Florinum
 fuisse (*num. 14.*) Severus mihi designat,
 perspicuum est, altero, non minorum gen-
 tium Patriarcham, sed *Primate*, Synago-
 gaeque Praefectum significari credidero, qui
 Nostrates inter Judaeos tantum caput efferret,

Quantum lenta solent inter viburna cupressi.

Plura, é quibus nonnihil Severo lucis affun-

datur (in *Paratitlis* indicatis) Gothofredus dabit.

IV. *Cunctis curiae muniis exsolutus* | Appositè Merillo (*Observ. VII. 26.*) praeunte, Heineccius (in *Antiquit. Roman. Syntagm. ad Lib. I. Instit. Tit. 10.*) , multis in hanc rem Coesarum legibus laudatis „ non putandum, inquit, curiae oblatos confestim factos esse Decuriones, sed curiae adscribantur, eique serviebant periculo suarum facultatum : : : curiae tamquam glebae ad dicti.” Imò cum & Curialium varii ordines essent, varii gradus, & ex Valentiniani Secundi lege (an. CCCLXXXI. lata) *gradatim* munera curialia sustineri opus esset, haud inconsultò *cunctis curiae muniis exsolutus* Theodorus dicitur.

V. *Et Defensor iam extiterat* | Juvabit etiam quae de Defensoribus Civitatum Gothofredus (in *Paratitl. Tit. de iisdem*), aut quae Perezus saltem (*ad Codic. Justiniani Lib. I. Tit. LV.*) in unum contulit legere.

VI. *Patronus municipium habebat* | Romanorum coloniis, Urbibus sociis, gentibus amicis, quin & universis ferè negotiatorum, artificumque collegiis proprium Patronum fuisse neque perfunctoriè, neque de trivio hausta eruditione Heineccius (*Instit. Lib. I. Tit. 2.*) ostendit. Ipsum confersis, & Gothofredum

(in

(in leg. 61. de Decur. Commentario.)

VII. *Patroni Stephani* | Quo Levitarum Antistitem Severus Nostras encomio , Gervasium, & Protasium Ambrosius (*Epist. XII.*), Felicem Paulinus (assiduó), Cyprianum Vetus Scriptor Homiliae de eodem (in *Historia Persecutionis Wandalicae descriptae*), Apostolorum Principes Antoninus Constantinae in Africa Episcopus (*Epistola ad Arcadium*), Leo (*Serm. in ipsorum Natali, & aliis in locis*) extulere. Taceo in *V. Paulini Epist.* (*Edit. memoratae*) not. 16. laudatos. Taceo Theodoretum. Taceo Prudentium , quin & sequiore aetate Sanctorum pignora *patrocinia* aliquando dicta praetereo.

VIII. *Patrocinium deprecabantur* | A Nostratibus quaecumque Beatorum opem aegris mortalibus implorare , & fas esse , & perquam iisdem opportunam credidere religionis decora starent , quorum in testimoniis recitandis , muniendisque Bellarminus (de *SS. Beatitudine Lib. I.*), Dionysius Petavius (*Lib. XIV. de Incarnat.*), Natalis Alexander (*Dissert. XXV. in Sec. V.*), Pougetius (*Institut. Catholic. P. II. Cap. II. §. 3.*), Joannes Chrysostomus Trombellius (in *de cultu Sanctorum Dissertat. passim*), cum diligentiae , cum ingenii nervos contulere. Infinita é Sacramentariis , Orationariis, Missalibus , Li-

tur-

turgicis aliis Libris pro eadem sententia promi possent. Accederent Inscriptiones à Zacharia (*extremo capite*) allatae. Illud verò non tam suspicari collibitum est , quam credere in magnam Nostrates spem erectos, Martyrum Coriphaei praesidium , peculiarem eam ob causam implorasse, quòd totum, quantus quantus ille erat , se penes esse sacris in eiusdem exuviis non ambigerent , illa nimirum ratione, qua Gaudentius Brixensem XL. Martyrum Basilicam, in qua exiguum dumtaxat cinerum illorum partem condiderat, (*Serm. in Dedicat. eiusd. Basilicae*) concilium Sanctorum nuncupari oportere decernebat, Paulinus , qui in parvo, ut ipse loquitur, pulvere Andraeam, Lucam, Nazarium, & quos memoravi Gervasium, & Protasium una arcula contineri (Epist. XXXII. laud. ad Severum) scribit, & ut alios mittam ab Honorato à S. Maria (*Lib. V. Dissert. VI. art. 5. §. 4.*) appellatos, Colonienses Cives, apud quos, ut Surius (*ad XIII. Octobris diem*) refert „ factum est quasi in proverbium domi „ esse S. Severinum Episcopum;” cuius non ita pridem reliquias receperant.

IX. *Ex Maioricensi Insula :: : revertetur* | Vix dum Solyma excissa in alterutram é Balearibus Hebraeos sese recepisse , & ex Maiore in nostram , sive é Nostra in Maiorem

rem commigrasse, Franciscus Garavius, qui Severiana isthaec bené nôrat, in Opusculo, cui titulum fecit: *La Fe Triunfante* (*Reflex. I.*) coniectura haud aspernanda permotus, arbitrat. Fertur etiam eam Oppidi partem, vulgô *Pont del Castell* Magonensibus Judaeis domicilium fuisse. Non dissentio.

X. *Vicinum Oppidum* | Jammonam, non illud quod *Alayor* vocamus, cuius nomen ab Armstrongio perversum diximus.

XI. *Exaltabitur* | Cum Severianis temporibus Latini divinorum Librorum Interpretes numerari non possent, ceu Hieronymus (*Praefat. in Josue*), & Augustinus (*Lib. II. de Doct. Christ. cap. 11.*) testificantur; & eccui mirum esset illius Praesuli nostro copiam codicis factam, qui *tô exaltabitur*, quod & apud Cyprianum (*Epist. LII.*), Pacianum (*Epist. III.*), Paulinum (*Epist. I. al. 6., Epist. III. al. 45., Epist. VI. al. 42., Epist. XI. al. 26.*), Taionem (*Ep. laud.*) legitur, referret? Quod mox sequitur *Et alta* in aliis desideratur. Sed et Petrus Chrysologus, & Hormisdas, & Taio mox appellatus *munita* habent. Accuratissimus Sacrorum Bibliorum Veteris Italicae Editionis Illustrator Petrus Sabatierius (*in Proverb. locum indicatum*) conferendus.

XII. *Famuli Christi* | Indictos heic volumus,

mus, quorum sermonibus huiusmodi encomium pervagatum, Paulinum, Marium Mercatorem, alios praeterea, qui iure peculiari illud adsiscivere sibi.

::::::::::: Natos melioribus annis, Christi famulos & haberi, & dici gloriae sibi ducere solitos, lapides ipsi fidem faciunt, e. g. Cyriaci (apud Maffeiū in *Mus. Veron.* pag. 448.), Agrippini Com. Civ. Episcopi, Pompeii Episcopi Neapolitani (apud Zachariam cap. 4.), Hilari (apud plerosque), Devoti (apud Generium *Theol. Dogmat. Scholast. Tom. I. in Monum. Antiq. Clas. XI. num. 5.*), Pauli (apud Cl. Moralesium *Chron. Hispan. Lib. II.*)

AD NUM. V.

I. *Commonitorium* | Fleurio *Commentarius* (*Memoire*), Dameto *Admonitio* (*Monitorio, ó aviso*), quod si in hanc ipsam Severi Epistolam illatum non est, requiri sané potest, reperiri fortassé non poterit.

II. *Cuius regnum non in sermone, sed in virtute est* | Eadem oppidó ratione Paulinam è I. ad *Chorinth. Epistolae cap. IV. ver. 20.* sententiam Origenes, Chrysostomus, Theodoretus, Ruffinus (in *Histor. Ecclesiast.*), Martinus (apud Severum Sulpitium) intellexe-

lexere. Et Macarius Senior, cum Eunomianae factionis Achillem, ut Cassianus (*Collat. XV. cap. III.*) est autor, ad incitas redigeret, haud alio sané pacto illius vim Oraculi, potestatemque extulit.

AD NUM. VI.

I. *Lucas sacrae historiae inseruit* | Acto-
rum igitur Apostolicorum Scriptor, per Se-
verum, Lucas est, quemadmodum Joanni
Chrysoftomo (*Hom. I. in Act. Apost.*), Gre-
gorio Nazianzeno (*Orat. I. in Julianum*), Gau-
dентio (*Serm. XVII.*), Hieronymo (*in de
Scriptor. Ecclesiasticis cap. VII.*), Paulino
(*Poem. 24. à v. 425.*), & cui non?

AD NUM. VII.

II. *Devota quaedam* | Hanc cur in Au-
gustinensibus Sanctimonialibus (quarum iam
Severiana tempestate Parthenonem apud Nos-
trates fuisse, Jordanius ait) nonnulli annu-
merârint, prorsus ignoro. Fateor à Virginum
numero eam non esse segregandam, qua-
rum ingentem apud alias Ecclesias cohortem
floruisse, ut de Cartaginensi Cyprianus (*Lib.
de Habitu Virginum*), de Romana Hierony-
mus (*Epist. ad Principiam*), de Aegyptiaca,
Syriaca (*Epist. ad Sabinian.*) Maximus idem

Doc-

Doctor, de C. Politana J. Chrysostomus (*Homil. LXVII. in Matth.*), de Mediolanensi, Alexandrina, universisque Orientalibus (*Lib. I. & III. de Virginibus*) Ambrosius, de Africana Augustinus (*variis in locis*), de aliis alii testificantur. Sed quoniam duas Virginum classes agnoscere oportet, aliae enim, ceu Innocentius I. (*Epist. ad Victricium cap. 12., & 13.*) loquitur, Christo spiritualiter nups-
 erant, & velari a Sacerdote meruerant, aliae necdum Sacro velamine rectae, se semper in proposito Virginali permanere promiss-
 erant, qua de re multa Constantius (*in laudatam Innocentii Epistolam*) Marteneus (*Lib. II. cap. 6.*) Thomassinius (*P. I. Lib. III. cap. 52.*); & ecquibus Theodoram adsisciscendam pu-
 temus? In istis annumerarem, quoniam de-
 votae, quo insignitur elogium, non in sacra-
 tis, quas primo loco memoravi Virginibus, sed in his poni solitum erat. Conf. Zacha-
 ria (*cap. VIII. num. 4.*) ubi é Fabretiano Syntagmate Furia Helpis Virgo Devota pro-
 ducitur, & Irenes Damasi Sororis Epitaphii (quod & acuté, solideque Perezius in *Ap-
 pend. Dissert. de Damasi Patria* elucidarat)
 priora disticha recitantur. En illius initium.
*Hoc tumulto sacrata Deo nunc membra quiescunt
 Hic soror est Damasi. Nomen si quaeris Irene.
 Voverat haec sese Christo dum vita maneret. cet.*

II. *Virginitate corporis* : : : *typum portare Ecclesiae meruerat* | Addent se nostro socios Augustinus multis in locis, *Sermonis de Symbolo ad Cathecumenos*, qui inter Augustinianos circumfertur, Parens, Paulinus (*Poem. XXII. à vers. 170.*). Illustrem Ambrosii locum, (*è Lib. I. de Virginibus ante med.*) tantum sisto : „ Sancta Ecclesia virgo est castitate, mater est prole, parturit itaque nos virgo non viro plena, sed spiritu, parit nos virgo non cum dolore membrorum, sed cum gaudiis Angelorum, nutrit nos virgo, non corporis lacte, sed Apostoli : : : : virgo est Sacramentis, mater est populis.”

III. *Et religione propositi* | Id nobis virginittis votum quod Hieronymo (*Epist. ad Laetam*) Innocentio I. (*Epist. nuper indicata*), Ambrosio (*Lib. III. de Virgin. initio*), & ut alios mittam Leoni (*Epist. II. ad Rusticum*) propositum.

IV. *Et nominis interpretatione* | Theodora graecum latiné donum Dei vertere licet. Nominum vero notatione Severi aequales mirificé delectati. Hieronymus (*Lib. contra Vigilantium initio*) : „ Exortus est Vigilantius, seu verius Dormitantius.” Ambrosius (*in Exhortatione ad Virginitat.*) „ Utriusque (Vitalis & Agricolae) nomen aptum Martyrio, ut designati ad Martyrium ipsis vocabu-

„lis viderentur. Ille Vitalis dictus est, quasi
 „qui contemptu istius vitae veram illam vitam
 „aeternam sibi haberet acquirere. Iste Agrico-
 „la, qui bonos fructus spiritualis gratiae semi-
 „naret, & sacri sanguinis effusione meritorum
 „suorum, omniumque virtutum rigaret plan-
 „taria.” Augustinus (*Serm. CCLXXXIII. al.*
de divers. 101.): *Agnes latinè Agnam sig-*
nificat graecè. Erat Agnes quod vocabatur,
 & (*Serm. CCCXV. al. 30. de Sirmon-*
dian.) „Nobis Sanctorum viginti Marty-
 „rum series recitata est. Coepit ab Episcopo
 „Fidentio, claudit ad fidelem foeminam Sanc-
 „tam Victoriam. Initium á fide, finis ad Vic-
 „toriam.” Accedat Adeodati Romani Antisti-
 tis, quod é Reinesio (*Classe XX. 3.*)
 Zacharia (*cap. XIII.*) exhibet Epigram-
 ma, cuius en tertium distichum:

A DEO SIC DATUS ALTARIS FUIT ILLE MINISTER
 NOMEN UT AEQUARET VITA DECORA VIRI.

Mitto quæ de Nicetae vocabulo Paulinus
 (*Pöem. XVII. al. XXX.*), de Martyrii
 Vigilius (*Epist. ad Joan. Chrysoström.*), de
 Agapes, Chioniae, Irenes, Sadothi qui il-
 lorum Acta conscripserunt, dixere. Alia é
 Laureti Sylva, Benedicti Feyjoövii proeconio
 nobilissima, Nostris sat nota, & etiam trita,
 ligna ferres.

V. *Divini muneris largitate Sacerdotio*
fun-

fungor | Eadem Cypriano (*Epist. XLV.*, & *aliis in locis*), Paulino (*Epist. XLI. al. 26.*), Leoni (*Serm. I. de Ordinatione ipsius*, & *Serm. II. in Anniversario Assumptionis suae die*), me verbo expediam, Pontificibus cum Summis, cum minoribus universis sententia insedit. Quid miri, cum Caesares ipsi, Regesque se res administrare publicas divinae Maiestatis gratia, divina ordinante clementia, providente divina misericordia, divinae largitatis munere, gratia Dei, per Dei misericordiam cet. profiteantur? Conf. *Generiana Diplomatica segmenta in Monument. Antiquitat. Clas. VIII.*, & *Clas. X.*, *Clas. item II.*, ubi *num. IV.* triplex Othonis I. *Sigillum*, Othonis III. aliud profert, & *Clas. I. Coronae aureae Votivae*, quam Longobardorum Rex Agilulphus S. Joanni Baptistae consecravit, Inscriptionem recitat.

VI. *Nobilissima vidua* | Continuó Dame-tus: Ob genus á Regibus, Patriarchisque. Memoria tamen repetito *Oseae cap. II. vers. 19.*, & *20. Sponsabo te mihi in sempiternum.* cet. *Sponsabo te mihi in fide.*

VII. *Viduavit* | Bonaventuram, Dionysium Carthusianum, nobiles plerosque alios *Threnorum Jeremiae capitis I. vers. I.* Interpretes subscriptores habet. Conf. & Sebastiani Pauli in Chrysologi *Serm. XXXI. Nota 5.*

AD

AD NUM. VIII.

I. *Perfidi populi* | Unius cum Severo labii Dionysius Alexandrinus (*Epist. ad Paul. Samosatenum*), Ambrosius (*Epist. XXIX.*), Maximus (*Homil. II. de Epiphania*), Toletanae Synodi VIII. Praesules (*c. 12.*), Gregorius Magnus plus vice simplici.

II. *Propinqua illa* | Et in Sponsa , cui Hebraicus Textus, LXX. Viralis Versio, Hieronymus (*Lib. contra Jovinianum*) *proximae* , *amicae* Vulgatus Interpres nomen imposuit, praeclaram Christianae Ecclesiae laudem Cyprianus (*Epist. ad Magnum*), Pacianus (*Epist. I.*), Optatus (*Lib. I.*), Rufinus (*in Psalm. LXVII.*), Augustinus (*Tract. V. in Joan.*), alii agnovere.

AD NUM. IX.

I. *Missis Clericis adventum meum nuntiavi* | Ni mea me fallat opinio, *minoribus*, quos non solum ea tempestate huiusmodi munia obire solitos, verum etiam ab Ambrosio, sive ab alio, cui Ambrosii nomen aptatum (*Lib. de Dignit. Sacerdotali cap. 3.*), à Laodicensae Synodi (*can. 20.*), & Carthagenensis III. (*cap. 21.*) Pontificibus eodem vocabulo donandos, probè teneo.

II.

II. *Ad Ecclesiam sanctam* | Idem veró plané erga divinas Aedes reverentiae epitetum Cyril-
lus Alexandrinus Antistes (*adversus Antropo-
morphitas* disputans), Joannes Eleemosynarius
vulgó dictus (apud Leontium *in eius Vita*),
Lucianus (*cit. Epist.* saepé numerò), Eu-
doxia (*in Porphirii Gazensis Praesulis Vita*
apud Surium), Venantius Fortunatus (*Lib.*
II. Carm. III.) iure summo praemisseré.

III. *Accedere dignarentur* | Quandoquidem
futurus erat honestissimus de lege conflictus;
„ *Causam fidei* (ut ad Valentinianum *Epist.*
XXXII. Ambrosius scribebat) „ *in Eccle-*
„ *sia agendam quis abnuat?* Et (*Orat. ad-*
vers. Auxentium) „ *Si tractandum de fide*
„ *est, tractare in Ecclesia didici, quod Maio-*
„ *res mei fecerunt.*”

IV. *Corrupissent* | Unus pro mille, qui
millium instar est Augustinus Severo dexteram
porrigens (*Enarrat. in Psalm. XCI.*) con-
sulendus.

V. *Ostenderent praeceptum cet.* | Non alia
prorsus ac Severum ratione de Saboathi reli-
gione praeceptum quá morum disciplinae Ma-
gistros, quâ Sacros *Exodi XX., & XXXI. Ca-*
pitum Interpretes intellexisse, qui tam certum
esse quam quod maximé dubitaret, illos vel ne
á limine quidem salutasse dicendus esset.

VI. *Ad domum in quam hospitio accesser-*
am

ram [Jammonae ergo Antistitibus Nostratibus sedes erat, & haud scio satis risumne, an salivam movere debeant, qui Jamnotani vici *el Palau* (Palatium latiné redderes) ab Episcopalibus primúm, dein Mahumeddani Principis Aedibus ibi positis, nomen deducunt. Freretum, quem in aliis probare nefas ducerem, heic audio, á quo (*Tom. XXIV. Histor. Regiae Academiae Inscript.*) optimé constitutum, coniecturis ab id genus originationibus petitis nihil effici.

VII. *In civitate Romanis legibus subdita* | Queis in seditiones acerbissimae illae poenae sancitae, quas *Dig. Lib. XLVIII. Tit. Ad leg. Juliam de vi publica, § l. 38. §. 2. Tit. de Poenis* legere est. Porro tametsi *Municipium* Magonam superius Praesul Nostras dixerit, Municipia autem, Gellio autore, *propriis legibus* uterentur; triplex Municipiorum genus Aulus ipse agnoscit, & longé aliam Municipiorum conditionem, Re inclinante Romana, ac florente fuisse liquet.

AD NUM. X.

I. *Hymnum Christo :: canebamus* | Pro sacris illis pompis, quas *Processiones* dicimus, haud ignobilis Theologus Jodocus Coccius (*Thesauri Catholici Lib. V.*) haec é Severo

vero in medium attulit. Profectò ut ad calamitates depellendas, & beneficia impetranda saepè numeró illae indicebantur; in sacrorum pignorum honorem, Ecclesiarum moribus assiduó consecratas, ex Joanne Chrysostomo (*Homil. LVIII. ad Populum Antiochenum* & aliis), Ambrosio (*Epist. XXII. & Exhort. ad Virginit.*), Paulino (*in Vita Ambrosii post medium*), Hieronymo (*contra Vigilantium*), Luciano (*in Epist. toties laudatae clausula*), Uzalensi (*Lib. I. cap. I.*), aliis probé novimus. At de his Pougetius (*P. III. cap. IX. §. I. & P. V. Sect. III. cap. II. §. 4.*), & quos Pougetius ipse laudat, Gretserus, & Serarius, ille in *de Eccles. Cathol. Processionibus*, hic *Lib. de Processionibus* si quid tibi est à rebus tuis, consulendi. Hymnum autem, quem Reparatori Nostrates accinebant, *IX. Psalmum* fuisse credidero, nam & quae proxima est periodi particula *autem*, id mihi significare videtur, & ita hymnum carminibus ligari oportere, ut hymnus secús esse non possit, neminem iam futurum puto qui aiat. Atqui sive Hieronymo assentiri placeat, cui Psalmi illi, *qui Dei fortitudinem, & maiestatem praedicant, & eiusdem semper beneficia, vel facta mirantur*, hymni sunt, sive Augustino, cuius (*in Psalm. LXXII. num. 1.*) haec est hymnorum finitio: *Laudes Dei*

Dei cum cantico; haud infirmum iudicio meo accedet pondus.

Priusquam ad alia, duo sunt quae adiiciam. Primum Nostratibus sanè plaudendum esse, propterea quòd cum „ de canendis Psalmis „ ipsius Domini, & Apostolorum documenta, exempla, & praecepta habeamus,” ut scité Augustinus (*Epist. LV.*) scribit „ rem „ tam utilem, & ad movendum animos, & accendendum divinae affectum dilectionis,” cuius & locupletissimos testes, & invictissimos vindices, & laudatores eloquentissimos Card. Bona (*de Divina Psalmodia cap. I. § 3. & 4.*) Thomassinius (*P. I. Lib. II. cap. 71. & seqq.*), Marteneus (*in de Antiqua Ecclesiae Disciplina in Divinis celebrandis Officiis cap. III.*), alii produxere, ad eosdem pervagatam videamus. Alterum non Ecclesiastici tantum viri, sed etiam Laici Psalmos ut canerent superiore aetate disciplinam obtinuisse, apud Chrysostomum (*Hom. XI. in Matth.*), Ambrosium (*in Hexaemeron*), Paulinum (*in Vita Ambrosii*), Augustinum (*Confess. Lib. IX. cap. 7.*), Chrysologum (*Serm. V.*), Venantium Fortunatum (*Lib. II. Carm. X.*), manifestum esse.

II. *Cum strepitu* | Sic & Augustinus, & Corbeiense Psalterium.

III. *Qui solus bonus Pastor est* | Missa facio

cio nullo feré negotio ex *Joan. Evangelii Capp. X. & XXI.*, eiusdem Interpretibus, Pougetio (ubi de *Christi officiis*), aliis, in quibus multa de ovili, grege, pastoribus, ovibus, agnis, lupis parabilia. Verissimé Ruinartius (ad illa *Passionis SS. Perpetuae, & Felicitatis num. IV. verba: in habitu pastoris*) „ vix „ ullum (ait) reperiri est antiquitatis monu- „ mentum, in quo Christus sub specie Pastoris „ depictus non sit. Habes eius rei passim mul- „ ta exempla in *Roma Subterranea.*” Viden- dus et Blanchinius (in *Tom. II. Anastasii Bibliothecarii Annotat.*) Ego é Re Sigillaria unum *Sancti Deus dedit* plumbum, quod (in *Praef. ad Inscript. Donianas*) Antonius Franciscus Gorius affert, indico, in cuius adversa parte haec est inscriptio: *Deus dedit Papa.* In aversa, Pastor bonus insculptus, duas oviculas, utraque manu, demulcens, cum literis *Alpha, & Omega.*

IV. *Omnimodis debemus vitare mendacium* { Oracula à Veritate ipsa adversus mendacia edita diverso nonnulli modo Severi aetate intellexere, sed Nostro tot doctissimi viri auxilio essent, ut vel eos nominare Fabium loquacem delassaret. Limpidos dumtaxat fontes Augustini de mendacio, & contra mendacium Libros indicasse, me iuvabit.

V. *Ex Christianorum numero inventus est* |

Et tamen istum vir coetera eruditus, sed qui in Dextro illustrando operam non tam impendit, quam prodegit Bivarius Judaeum fecit. Verum quæ fecit?

VI. *Ignis absumpsit* | Flammam hanc cûr é coelo Lorinus, & Alapide deduxerint, non capio. Dametus, Baronio præde avvocato, multarum Synagogarum incendiarios nostrorum civium exemplum sibi ad imitandum proposuisse ait. Apud Baronium autem hæc legas: „ Sed & illud accidit, ut cum eadem „ Severi Episcopi litterae per omnes Ecclesias „ legerentur, christianorum pariter omnium incenderentur animi, ad conversionem Judaeorum aggrediendam, iisdemque initiis auspicandam, quae cepisse scirent Minoricenses, „ nempe incensione Synagogarum ipsarum. Tolerabilis visâ est Magistratibus eiusmodi, ex pietate proveniens, vis illata. Sed cum nec ob eam causam Judaei converterentur, iidemque apud Imperatores queri minimé desisterent, opus fuit tandem consulere illis, factumque est, ut post annos demum quatuor Imperatores sancirent edictum, quo eiusmodi Synagogarum prohiberent incensionem. Sed quod nec sic desisterent, qui semel sumpta licentia hoc aggressi fuerant christiani, aliis eodem anno editis sanctionibus” (leg. nimirum *Cod. Theod. de Judaeis XXV., XXVI.,*

& XXVII., quās confersis) „ oportuit cohi-
 „ beri. Ceterum, quod non idem consecutus
 „ est eventus, planē notum facit, non Syna-
 „ gogae conflagratione, sed Protomartyris vir-
 „ tute in ostensione signorum, Minoricenses
 „ Judaeos ad fidem conversos, ut ex dicta
 „ Epistola satis exploratum habetur.”

VII. *Argentum :: ipsis reddidimus* | Secús
 Alexandriae paucos post annos factum Socra-
 tes (*Lib. VII. cap. 13.*) autor est, secús
 Mediolani, ut Theodoricus apud Cassiodorum
 (*Epist. Lib. V. Epist. 37.*) scribit, secús
 fors aliis in locis. Sed Nostratum agendi ra-
 tio magnoperē commendanda. Conf. Augus-
 tinus *Epist. XLVII.* ad Publicolam data, é
 qua isthaec huc transferimus: „ Cum templa,
 „ idola, luci, & si quid simile :: evertun-
 „ tur, quamvis manifestum est cum id agi-
 „ mus non ea nos honorare, sed potius de-
 „ testari, ideo tamen in usus nostros privatos
 „ dumtaxat, & proprios non debemus inde
 „ aliquid usurpare, ut appareat nos pietate
 „ ea destruere, non avaritia.”

VIII. *Eversa :: Synagoga* | Quod Idolo-
 rum Templis usu primum venire solebat, ut
 exciderentur, Judaeorum Synagogis ut conti-
 gisse conficiat Marteneus (in *de Antiq. Eccl.*
Ritib. Lib. II. cap. XIV. §. VI.) Severiana,
 quae paulo ante expendimus indicat, & quae
 rem

rem ad eandem confirmandam opportuna é num. 20. existimavit, haud praetermissit.

IX. *Autori victoriae nostrae gratias referentes* | Grati animi sensus in potissimis religionis officiis habitus, & haud dissimili sermone expressus à Mose (*Exodi cap. XV.*), Davide (*Psalmo XVII.*), Iuditha (*cap. XVI.*), Lactantio (*Lib. de Mortibus persecutorum capite postremo*), Constantino (ap. Eusebium in eius Vita *Lib. I. cap. 40.*), Apamiensibus civibus, qui, ut Theodoretus (*Hist. Eccles. Lib. V. cap. 21.*) memoriae prodit „ cum eorum Antistite Marcello, viro „ plané divino orante, idolorum fanum fundi- „ tus eversum esset, hymnos in supremi om- „ nium moderatoris laudem canere coepere,“ Theodosio tandem, qui ut à Nicephoro (*Lib. XIV. cap. 17.*) accepimus, cum ei victoria de Joanne Tyranno renunciaretur: *ante* (inquit) *in aedem hanc precatoriam eamus, & carmina gratiarum, Autori victoriae nostrae concinamus.*

X. *Tenebrosorum pectorum infidelitas coargueretur á lumine* | Egregié in laudem gloriae gratiae Dei, quemadmodum ex Davidis, Isaiae, Pauli innumeris testimoniis, Cypriano (*Lib. de Oratione Dominica*), Basilio (*var. in locis*), Chrysostomo (*variis ad pop. Antiochen. Homiliis*), Ephremio (*in Tractatu*
de

de Timore animi paulo post medium) Augustino, cum in *Enarrat. in Psalm.*, cum in lucubrationibus *adversus Pelagianos* saepissimè, parvulo labore conficias. Alia é Patribus iuniores Theologi gratiam in mentis illustratione constituentes conglobata dabunt. Multa etiam in Liturgicis Libris passim reperies. *Unum* heic ego *Magistrum nostrum Christum*, quoniam eius verba peculiariter ad Judaeos accomodari posse Lorinus rectè observat, produco, qui (*Act. cap. XXVI. vers. 16. & sequent.*) Paulo dixit: „ad hoc apparui tibi ut constituam te ministrum & testem eorum quae vidisti, & eorum quibus apparebo tibi, eripiens te de populo, & gentibus, in quas nunc ego mitto te aperire oculos eorum, ut convertantur à tenebris „ad lucem” cet.

AD NUM. XI.

I. *Primogenitus* | Rubenum nostrum cum Jacobi filio cognomine Severo conferre placuit, quem iam iam moriturus genitor (*Genes. cap. XLIX. v. 3.*) hunc in modum allocutus est: *Ruben fortitudo mea :: prior in donis.*

II. *Judaicae superstitionis* | Neque minima iniuria verbo, cum Caesaribus (*Cod. Theo-*

Theodos. Tit. de Jurisdict. l. 10., de Judaeis l. 18., & 24., de Decurionibus l. 55., & aliis) solemni, cum Ecclesiasticis haud infrequenti. Confersis Antiochum (*Homil. LXXXIV. in Biblioth. PP. Tom. XII. illata*) & Graecorum Euchologium (*in Ordine servando circa eos qui ex Hebraeis ad christianam fidem accedunt*).

III. *Signum salutare suscepit* ! De Cathecumenis Crucis signo muniendis, *Apostolica*, ut in Schola loquimur, *traditio*, cuius Ambrosius (*Lib. I. de his qui initiantur*), *Sermonis de Symbolo ad Cathecum. Scriptor*, Augustinus multis in locis, Justus Orgellitanus (*in Cantica n. 18.*), PP. alii, Liturgici etiam Ordines à Marteneo (*cap. I. art. 7.*) descripti, é quibus nonnullos mox laudabo, testes locupletissimi sunt, apud Nostrates Civitate donata. Placet addere, quam à Severo Cruci laudem, ab Hieronymo (*in Vita Pauli*), Chrysostomo (*Homil. de Adorat. Crucis*), Sulpitio Severo (*in Vita Martini*), Theodoreto (*in Historiae Religiosae multis locis*) consecratam.

IV. *Obstinatissimam duritiem* ! Ut alios taceam, Gregorium Magnum (*quam saepissimé*), Maximum (*Homil. II. in Epiphaniam*), Aratorem (*Lib. I.*) consentientes fecum habet. Sed de his plura, & egregia Lori-

rinus (*in* toties laudatum *Act. Libr. cap. VII.* vers. 51).

V. *Quatuor leprosi* cet. | Rei utriusque gestae expositio *IV. Regum Libri cap. VII.* & *Judic. VII.* litteris consignata, Patrum sermonibus celebratissima. De illa qui egregias Eliséi laudes cum omni posteritate ut adaequarent, summa ope nisi sunt. De ista Augustinus (*Quaest. XXXVII. in Judic.*), Paulinus (*Epist. XXIV. al. 2. num. 23.*), à Rosweido (*in eandem Epistolam*) laudati, & (*Lib. VII. de Gubernat. Dei cap. 8.*) Salvianus.

VI. *Ubi timor non erat* | Ceu á iocosa imagine Davidis voces (*è Psalmi XIII. v. 5.*) redditae.

AD NUM. XII.

I. *Psallentes Monachos* | Re quidem vera, non exiguam Monachorum vitae partem in Divinis laudibus (iuvat Ecclesiastica vacula uti) *psallendis* exactam Monasticarum parentes familiarum, Monasticarum legum latores, Monasticorum Institutorum laudatores inclyti, & catholicae fidei pugiles strenuissimi declarant. At nolo in sacrorum Antiquariorum peculium invadere. E Severianae aetatis luminibus pauca appello Hieronymum
(*Epis-*

(*Epistolis ad Laetam, ad Rusticum, & ad Eustochium*), Augustinum (*Lib. de Moribus Ecclesiae Catholicae*), Cassianum (*Lib. II. de Institutis Coenobiorum, & III. Lib. cap. 2., & seqq.*) multis hac de re disserentem, Sidonium (*Lib. V. Epist. XVII.*)

II. *Nihil de simplicitate dictorum eius subtraham* | Audisis iterum Anonymum, cuius é *Praefatione* isthaec sunt „ubicumque res pos-
„tulaverit ipsorum quoque hominum verba,
„sicut ab eis dicta sunt simpliciter ponere
„non debeamus erubescere. Magis enim pla-
„cent bonis, ac religiosis viris quaecumque
„dicuntur vera, etiam vitiosis verbis, quam
„falsa politis, & ornatis.”

III. *Materno suscepit sinu* | Ecclesiam Matrem vocare maioribus volupe erat. Isthoc illam nomine ornavere Tertullianus, sive *Poematis contra Marcionem* Parens, Cyprianus (*Lib. de Unitate Ecclesiae assiduò*), Augustinus saepissimè, qui et *Lib. de moribus Ecclesiae Catholicae cap. 30.* consulendus), Paulinus (*Poem. XXII. post medium*), Vincentius Lirinensis (*Commonit. II. cap. postremo*), et ut Tronsonius dixit, *Patres passim.*

IV. *Benedictus est cet.* | E II. Pauli *ad Corinth. Epist. I. cap. V. v. 3.,* et Jeremiae *cap. IX. vers. 1. iusta, & ferè quidem syl-*
la-

labatim, periodus excerpta.

V. *Peractis :: mysteriis* | Dignus sané essem qui otio marcescere dicerer, si Eucharisticum Sacrificium *mysterii*, et *mysteriorum* nominibus, & iure quidem summo, indicari, monstrare vellem, quod vel é PP. testimoniis, à Scheelstratio, aliisque de *disciplina Arcani* disputantibus, allatis, ut Basilii, Ambrosii, Theodoretii manifestissimum est. Creberrimé Chrysostomi in ore huiusmodi locutiones: *Initiati sciunt quod dicitur. Norunt fideles. Ne quis Cathecumenus. Ne quis eorum qui non vescuntur.* ; Quei plura? Ecclesiasticos Antiquarios conferto, maximé Bonam, & Marteneum.

VI. *Christi caractèrem* | Baptismum intelligo, in quo *Divinum signaculum* Eusebius (in *Vita Constant.*, & al. loco), *signaculum spiritale* Ambrosius (*Lib. I. de Spir. Sancto cap. 6.*), *Signaculum sanctum* Cyrillus (*Praefat. ad Cathecheses*), Paulinus (*Epist. X. al. 15.*) *signaculum salutare*, *Domini signum* Theodoretus, *caractèrem Dominicum* Augustinus (*Lib. VI. de Baptismo contra Donatistas cap. I.*) agnoscebant.

VII. *In frontibus eorum* | Enim veró quod ad Cathecumenorum corporis partes cruce signandas attinet, non unam Ecclesiarum consuetudinem fuisse Marteneus (*cit. toties I.*

cap., & Artic. VI. num. 6.) observat. Sed & vir eruditissimus multa in medium affert documenta Severianae agendi rationi mirificè consentanea, ex Ambrosiano nimirum, & Laudensi Ritualibus, é M. SS. Ecclesiae CPolitanae, & Aquensis Pontificalibus, quæis Augustini (*Lib. de Cathechizandis Rud. cap. 20.)* testimonium adiungito.

VIII. *Signum salutis impinximus* | Confer-
sis quæ ad illa verba *signum salutare suscepit*
paulò ante animadvertimus. Neque enim Da-
meto assentiri possum, qui Severiana isthaec
de *Chrismate* intelligit, quoniam tametsi *Con-*
firmationis Sacramentum, ob *chrismationem*,
signaculum Dominicum à Cypriano (*Epist.*
LXXIII.), *signaculum spirituale* ab Am-
brosio (*Lib. de Sacram. III. cap. 2.)*,
signaculum vitae aeternae à Leone (*Serm.*
IV. in Nativit. Dom.), ab Autore *Eclogæ*
Vitæ Athanasii (*apud Photium*) *christi sig-*
naculum appellatum probè sciam: quos Nostras
memorat, christianis nondum undis abluti
erant: & verò nondum Baptismo mundatos,
chrismate numquam unctos é Synodorum,
Patrumque testimoniis, Summorumque An-
tistitum decretis tam liquet, ut nihil ma-
gis. Theologi de *Sacramento Confirmationis*
disserentes uberrimam illorum sementem fe-
cere. Morinus (*Exercit. de Sacram. Confir-*
mat.

mat. cap. II.), Marteneus (laud. cap. I. art. XV. num. 2.,) & Selvagius (Lib. III. cap. 5.) conferendi.

IX. *Christi virtute* { *Magna Severiana* inter ista, atque huiusmodi alia, ut *ordinatione Dei* (*num. 10.*), *boni pastoris nutu* (*eod. num.*) *virtute Spiritus Sancti* (*num. 5.*) cet., cum infinitis ex omni feré monumentorum genere cognatio. In numerato habemus ex Hieronymo (*Praefat. in Esdram, & Nehemiam ad Domnionem, & Rogatianum*) iuvante Christo, ex Augustino (*Lib. IV. de Doctr. Christ. cap. 1.*) adiuvante Christo, ex Possidio (*in Augustini Vitae initio*) inspirante Deo, ex Vincentio Lirinensi (*in Communitorii exordio*) Domino adiuvante, Christo adspirante, Domino praestante, ex Paulino (*Ep. ad Severum I. al. 6.*) Domino praestante, ex Gregorio Turonensi (*Lib. de Glor. Conf. cap. 20.*) inspirante divinae pietatis instinctu, cet., ex Uzalensi (*Lib. II. cap. 1.*) adiutorio Domini nostri J. C. Habemus é Liturgicis Codicibus ista: *te autore, te auxiliante, virtute Spiritus Sancti, in nomine Christi, praestante Domino nostro, cet.* E Ruinartianis MM. *Actis: ordinatione Dei, divinae largitatis dispensatione, Deo largiente, Christo triumphante, cet.* E Lapidaria Re: *Deo, & Christo miserante, Deo autore, Domino*

*mino miserante, Dei auxilio, Divinitatis ins-
tinctu, cet. E Diplomatica: Deo dispensante,
Domino suffragante, Deo annuente, Deo opi-
tulante, adjuvante Domino, Sancti Spiritus
ardore succensi, cet. cet.*

X. *Cum unusquisque cet. | Longiúsculum
tametsi, Anonymi locum (é Lib. I. cap. 4.)
oppidó huic similem damus „ Quanta bene-
„ ficia fuerint collata, & quotidie conferan-
„ tur, quanta miracula demonstrata; : : lon-
„ gum est nobis, & pené impossibile, uni-
„ versa memoria retinere, vel sermone di-
„ gerere, vel stylo mandare, cum unumquod-
„ que miraculum sui generis quamdam his-
„ toriam habere noscatur. De quibus tamen
„ omnibus, quae neque explicare possumus,
„ neque penitus reticere debemus, pauciora
„ quaeque, & notiora eligimus.” cet. Et Au-
gustinus Lib. XXII. de Civitate Dei cap.
8. num. 20. conferendus.*

XI. *Precibus vestris adiutus | Quem mo-
dó appellavimus Uzalensis (in Praefat.) se
Beatissimi Evodii orationibus adiutum, quae
apud eos Christus operatus fuerat narraturum
profitetur. Euthychium (Praefat. Commenta-
rii in Levit.) Hesichyus ita alloquitur „ Ob-
„ secrare ut fiat oblatio verbi mei accepta-
„ bilis: : : in omni terra.” Salonium (in
Epist. laud.) Salvianus obtestatur „ ut oret
„ Do-*

„ Dominum, et orando impetret, ut libelli
 „ (*advers. Avaritiam*) à se elucubratì apud
 „ Deum scriptori suo prosint.” cet. Pauculis multa complectar. Augustino pro Ecclesiae rostris verba facturo, huiusmodi formula in ore saepè numero „ Adiuvet Deus orationes
 „ vestras, ut ea dicam quae oportet me dicere, & vos audire.” Conf. ipse August. (*initio Libri de Haeresibus*), Chrysostomus (*Serm. II. in Genes. exord.*), & Hieronymus (*in Praefat. Pentatheuc*).

AD NUM. XIII.

I. *Hispaniarum cladem* | Funestissimam tragediam à Barbaris actam intelligit, quam (ut Orosium, aliosque taceam) clarus ea tempestate Praesul Idatius (*in Chron.*) sic describit: „ Debaccantibus per Hispanias barbaris, & saeviente nihilominus pestilentiae
 „ malo, opes, & conditam in urbibus substantiam tyrannicus exactor diripit, & milles exhaurit, fames dira grassatur, adeo
 „ ut humanae carnes ab humano genere, vi famis, fuerint devoratae, matres quoque
 „ necatis, vel coctis per se, natorum suorum sint pastae corporibus, bestiae, occisorum gladio, fame, pestilentia, cadaveribus assuetae, quosque hominum fortiores
 inte-

„interimunt , eorumque carnibus pastae in
 „humani generis efferantur interitum” cet.
 Apté vero ex isto , aliisque Severi locis Caie-
 tanus à Maiorica in *Animadversionibus M.*
SS. ad Binimelis Historiam , errare hunc col-
 ligit , anno CCCCXVII. Gothos in Baleares
 importantem , non enim ante CCCCXXI. , si
 Marianae fides , *Wandali instructa classe in*
eas profecti ferro, flammaque utramque defor-
marunt , sive ut Idatius , cui Severus fortassé
 Sulpitius assentitur scribit anno CCCCXXV.
Wandali Baleares Insulas depraedantur. Con-
 ferendus Florezius (*Tom. IV. Append. V.,*
& aliis in locis).

II. *Cum Sacramentorum terribili interpo-*
sitione | Dametus vertit : *debaxo de solem-*
ne juramento. Non placet. Sat est *con ju-*
ramento.

III. *Haec ab animo eius nomen Christi*
extinguere nequivit insania | Cohibere se Da-
 metus ipse noluit , quin vetus illud , multa-
 rumque gentium linguis pervagatum verbum:
durum est contra stimulum calcitrare húc
transferret. Ego verò imperare mihi vix pos-
 sum , quin rem prorsus similem ab Augus-
 tino (*Lib. XXII. de Civitate Dei cap.*
VIII. num. XIII.) memoriae proditam
 addam.

IV. *Testor illum, qui eduxit Patres nos-*
tros

tros de terra Aegypti | Ut ingentis beneficii memoriam, quam Deus ipse, trabali, ut ita loquar, clavo Hebraeorum animis infixam volebat, nulla deleret dies, religiosa huiusmodi affirmatio creberrimis illorum sermonibus usurpata. Hebraicarum Rerum Scriptores, & Sacri Interpretes (ad *Jeremiae capp. XVI. v. 14., & 15., & XXIII. v. 7.*) consulendi.

V. *Scinderentur sentibus* | Et húc Dаметus Oseae illud è cap. II. vers. 6. translatum voluit. *Sepiam viam tuam spinis.*

AD NUM. XIV.

I. *Veritatem inscius loquebatur* | Egregiè, quoniam miseris extra Ecclesiam positis nullam sperare salutem fas esse, praeter Cyprianum (loco nota *XVII. ad num. 2. laudato.*), Hieronymus (*Epist. LVII. ad Damasum*), Augustinus assiduò, Optatus (*Lib. II.*), Fulgentius (*Lib. de Fide ad Petrum*), PP. alii neminem addubitare sinunt. Neque ab his abludebat Ursacius qui in Gruteriano eius elogio celebratur:

IN FIDE CATHOLICA CREDENS CONSISTERE VITAM.

II. *Ad percipiendum fidei bravium* | Auguror tò *percipiendum* Ecclesiastica nota signatam vocem, & non inconsultò usurpatam,
prop-

propterea quód viris gravissimis de Baptismo sermonem instituentibus probatam nôrim ut Severo Sulpitio (*in Vita Martini*), Possidio (*in Augustini Vita*), aliis, neque in veteribus Saxi *Euphroniae* , *Paschasii* , *Ingeniosae* à *Zacharia* (*cap. XI.*) descriptis desiderandam.

III. *Ad Galilaei nostri* | Christi nimirum, cui ob pueritiam Nazareth exactam , Galilaei nomen inditum, imò ad fideles ipsa de causa derivatum, ita est vulgó notum.

„Notior ut canibus iam non sit Delia nostris.”

IV. *Nisi veritatem : : : sequerentur* | Id iure summo dictum adversus *rebelles lumini*, coelumque ipsum petentes stultitia, quicumque Christianam religionem vitae ducem, virtutis magistram, vitiorum expultricem esse ostendunt, demonstrarent, è quibus multos Dupinius (*in Bibliotheca Theologica*), alios Joh. Albertus Fabricius (*in Salutari Luce Evangelii*), alios Zacharia (*in Notis ad quam nuper memoravi Bibliothecam*), nonnullos Colletus (*in Praefat. Tract. de Vera Religione*) laudavere. Illis adiungito Gottium Card. vastissimo in opere, cui titulus *Veritas Religionis Christianae*, Nonnotum, Nogueram, politissimum Valsecchium, Jaminium, Danielelem Concinam, Vincentium Monegliam, Eusebium Amortium, Espellium, Bergierium,
Con-

Confortium, Montargonium, elegantissimi operis *Le Conte de Valmont* Scriptorem, & ne lectoris patientia abutar, quó enim plures nomino, plures qui nominarentur dignissimi mihi occurrunt, Grandium. Erit fortassis qui nobis illud oggerat: *Non erat his locus.* Sed annon inconsultius, adversus Reparatoris placita hariolationes suas obtrudunt, quos rana Seraphia taciturniores esse oporteret, & qui, occasione non tam accepta, quam quaesita, ea pessimis lucubratiunculis figmenta infarciunt, quae non dicam dumtaxat *ad terras alio sole calentes* (lubet é Hieronymiana Epistola verba haec mutua sumere) *deportanda*, sed

Non sani esse hominis non sanus iuret Orestes?

V. *Quae vinci non potest* | Cum Christianorum Doctoribus Judaeus Doctor & fuit, & sapuit, Hieronymo (*Dialogo I. adversus Pelagianos*), Augustino in *Psalm. LXI.*) aliis.

AD NUM. XV.

I. *Hora septima* | Quando quidem non alia Nostratibus horarum supputandarum ratio erat, quam Romanis, diei auspicia ab oriente Sole sumentibus, hora circiter prima pomeridiana Sacrum factum, quod festis diebus tertia (nobis nona ante meridiana),

ferialibus sexta (sive meridiana) agendum, ex Sidonio Appollinari (*Lib. V. Epist. 7.*), Gregorio Magno (*Homil. XXXII. in Evangelia*), aliis Cardinalis Bona (*Rer. Liturg. Lib. I. cap. XXI.*), & Marteneus, qui Severiana isthaec describit (*Lib. I. cap. III. art. IV. num. 3.*) ostendunt. At quemadmodum Cassius Narniensis Episcopus, qui ut Gregorii (è loco ante citato) verba mea faciam „ oblaturus ad horam tertiam venerat, „ hoc, pro extensae orationis magnitudine, „ ad horam nonam usque protelavit;” sic & Minoricensis Praesul, quoniam, ut ipse mox subiungit: „ cum advenientes ad Christi fidem Judaeos vel exhortaretur, vel annotaret, populus autem tanti gaudii epulis saginatus carnalium non meminisset escarum, pars diei maior excurrerat, non ante horam septimam sacris operatus est.

II. *Missam Dominicam* | Et doctissimis viris, quod sua fortassis aetate primùm auditum est, *Missae* vocabulum usurpantibus Ambrosio (*Epist. XX. in Nov. Edit. al. 14.*), Augustino (*Serm. XLIX. al. 237. de Tempore*), Ruffino (*in Interpretatione Clementis Romani*) Severus adiungendus, *Dominicam* illam apellans, sive quòd Dominica die celebrata fuerit, ceu Jordano, & Dameto placuit, sive ea planè de causa qua Veteribus ple-

plerisque *Sanctum Domini, Coena Domini*, Tertulliano (ad calcem *Libri de Fuga in persecutione*) *Dominica solennia, Dominicum Cypriano* (*Epist. LXIII.*, et in *de Opere, & Eleemosyna*), Augustino (in *Brevic. Collat. cum Donat.*), in *Actis SS. Saturnini, & Sociorum* (saepè numeró) dicta est. Ut ut fuerit, est profectó cur Magonensibus gratulemur, quòd Eucharisticum Sacrificium, apud eosdem oblatum videamus, quod divinitùs afflatus Malachias (*cap. I. vers. II.*) praedixerat ubique gentium agendum, & apud alias actum, Patrum chorus à Bellarminio, aliisque laudatus, Conciliorum Canones à Pougetio produci, Liturgici Libri à Renaudotio, Marteneo, Muratorio, Assemanio in unum collati demonstrant.

III. *Solemniter coepimus celebrare* | Vel uná simul cum Presbyteris, quos Episcopo in intemerata hostia Aeterno Patri immolanda, socios fuisse ex Constitutionum Apostolis tribui solitarum *Libro VIII. cap. 12., & 16.*, ex Synodi Ephesinae ad *Coelestinum P. M. Relat.*, Calcedonensis *Act. XI.*, & ut Athanasium, aliosque, tum á Bona (*Lib. I. c. 18.*) cum á Cathalanio (in *Pontif. Romanum Tom. I. Tit. XII. §. 17.*) appellatos praeteream, é Vet. Pontificali Rothomagensis Ecclesiae apud Menardum (in *Notis in Sacrament.*

Gre-

Gregor.) manifestum est , vel quòd ea pompa Sacrum factum, qua Missae Anastasio Bibliothecario (*in Vita Agathonis*), & Summis quibusdam Antistitibus publicae , à Walafrido Strabone (*cap. XXII.*) generales , Amalario legitimae , aliis solemnes , memoria nostra Conventualis , Canonica , Capitularis Praecipua vocatae.

IV. *Siquidem nomina cunctorum scripsimus* | Baptismo tametsi extraordinario (ut é Morino *Lib. de Vet. Cathecum. Disciplina* vocem mutuam sumam) abluendos in Cathecumenorum syllabum referri prisco in more positum, non tantum é *Sebastiani Martyris* dubiae fidei *Vita* ; verum etiam é legitimis monumentis , Basilii nimirum *Homil. Exhortat. ad Baptism. quae in Edit. Garner. XIII. est* , Augustini *Lib. IX. Confess. cap. 14.* , & *Quaestione* à Timotheo Alexandrino Patriarcha facta , Morinus ipse demonstrat

V. *Sequestri in loco sita est* | Memini me paucis ab hinc annis , à Viro optimo , & qui multis bonis flebilis , nulli tamen quam mihi flebilior occidit , audivisse hanc , eo loci sitam , quem propè Carmelitanis Sodalibus magnificentissimum Coenobium aetate nostra constructum. Non ille is erat , qui se rem acu tetigisse putasset. Ego Augustinianum il-

lud usurpabo : „ melius est dubitare de ocul-
 „ tis , quam litigare de incertis. ”

VI. *In qua Sancti Martyris Stephani reliquiae conquiescunt* | In ipsa Dei domo Sacras exuvias condere maioribus solemne , cuius rei Eusebius (*de Vita Constantini Lib. IV.*), Basilius (*Hom. in Julittam*), Hieronymus (*Lib. contra Vigilantium*), Chrysostomus (*assiduó*), Augustinus (*multis in Sermonibus*), Severus Sulpitius (*de Vita Monach. Occid. Dial. I. cap. 3.*), alii é PP. testes luculentissimi sunt. Mitto Veterum Christianorum Inscriptiones, Martyrum Acta, Liturgica Monumenta. Taceo & eruditissimos viros, apud quos de probo huiusmodi ritu longus sermo, ut Mabillonium (*Praefat. ad Sec. II. Benedictinum*), Marteneum (*Lib. II. de Liturg. Gallic. cap. XIII. §. 8. & 12.*), Trombellium (*Dissert. VII. cap. 13.*), & Benedictum XIV. (*de Serv. Dei Beatificat. Lib. I. cap. 3.*) Nuda Martyriorum Martyrum memoriarum, Martyrum item mensarum nomina non praeteribo, queis scilicet sacra ad Martyrum sepulchra, aedificia posita, saepissimè indicata, unus ille inficiabit, qui sacris in antiquitatibus peregrinus fuerit. Appositè autem *Stephani reliquias conquiescere* Severus dixit, quemadmodum & Paulinus (*Epist. XXXII. al. 12.*).

Sanc-

Sancta sub aeternis altaribus ossa quiescunt.
 Prudentius (*Hymno V. de Coronis*)

Altar quietem debitam

Praestat beatis ossibus.

Ne multa. Notissima illa Ecclesiastici (*cap. XLIV. v. 14.*) sententia : *Corpora Sanctorum in pace sepulta sunt.* Notissima & tó Coemeterii originationo.

VII. *Duo quidam Monachi* | Quos ad Augustiniensium instituta vitam conformasse suam, ut Jordano, & Rierae videbatur, perquam incertissimum est. Illa etiam (quae obiter dicam) non minus incerta, Severi opera, Augustinianam regulam Magonensibus innotuisse, Augustinianosque Nostrates antra Magoni vicina, quod Petro Campo placuit, sive Monasterium, ut Jordanius, et Riera arbitrantur, incoluisse; uterque licet eó progrediantur, (ut ille Coenobio nomen à *B. Stephano* inditum fuisse suspicetur, hic Divae Virgini de *Gratia* sacrum, ne hilum quidem addubitet. ; At quibus testibus? ; quibus tabulis? Severi ad Evodium Epistola, ea nimirum, de qua satis, superque verba mihi fecisse videor. Agam tamen cum Riera liberaliter. Fuerint propé Templum, nostra quoque memoria, eadem appellatione insigne, quae ipse indicat, & nos saepé vidimus, diruti aedificii vestigia. ; Quid isthaec diversorii,

sorū, in illorum gratiam, qui Immaculatae Genitricis colendae ergo, illuc adventarent, & post Mahumeddanum Imperium in Baleari nostra profligatum constructi ruinas dicere nos vetat? A nemine qui cordate sentiat Jordanius, & Riera extorquerent, ut ad popularem, cui ipsi innituntur opinionem, praeclaram illam Joannis Chrysostomi (in *II. Ep. ad Thessalonic. Capp. II., & III. Hom. IV.*) vocem: „Est Traditio, nihil quaeras amplius” accomodet; quin & prudentissime à Norisio (*laud. Lib. I. cap. 23.*) dictum Augustinenses intelligunt „non adeo exilem Rem esse suam, quae faventibus superis per universum Orbem Colonias deduxit, ut quorundam Monasteriorum, si fas est ita loqui, quasi rapinis augenda sit.”

VIII. *Instar vasculorum*, quae vulgo *Orcae* appellantur | Singulas huiusce verbi *Orca* usurpationes Lexicographi, Pitiscus maximè, dabunt. Eas persequi haud vacat. Qua de Severus, *Orcam* vasis quoddam, sive mellei, sive vinarii genus fuisse credidero, illorum instar, quae hodierno etiam Hispanorum sermone *Orzas* dicuntur.

IX. *Fratri* | Et istud saepe numero vocabulum in Monachis Athanasius (in *Vita Antonii*), Palladius (in *Historia Lausiaca*), Theodoretus (in *Religiosa*), Basilus (in *de*
Ins-

Instit. Monach.), Cassianus , Severus Sulpitius , alii posuere. Vellem , id animadvertent , qui tam sanctum , tam venerabile nomen , & quantumcumque est animorum conjunctionem spirans , plautino sale perfricare , cachinno excipere , succo nigrae loliginis mordentibus chartis ludos facere audent , homines scelestissimi , sed quorum utinam tantum non esset ,

Quantum muscarum est , cum caletur maximè !

X. *Trans Basilicam* | Consultó Selvagijs (*Lib. II. cap. I. §. 2. nota 11.*) eorum sententiae repugnat , qui eas Ecclesias *Basilicarum* nomen indeptas putant , quae magnificencia , magnitudineque ceteras antecellerent , quoniam Ambrosius (*Epist. XXXIII.*) *extramuranae Basilicae* meminuit , quarum structura plerumque non immanis , & elegans , & Hieronymus (*Epist. III. ad Heliodorum*) *Basilicas Ecclesiae* appellat , quae olim *Oratoria* , postremis temporibus *Cappellae* dictae sunt ipsi Ecclesiae adhaerentes. Adde Paulinum , qui Fundanam Ecclesiam & *Basilicam* , & *Basiliculam* (*cit. Epist. XXXII.*) vocat. Confer. & Anonymus eiusdem Paulini Vitae Scriptor Parisiensi Edit. laudatae subiectae (*cap. XLIII.*). Tandem , bene sapienterque Isidorus (*Origin. Lib. XV. cap. 4.*) „ *Basilicae*

„cae dictae sunt quia ibi Regi omnium Deo
„cultus & sacrificia offeruntur.”

XI. *Utrum hoc Angelus , an ipse Stephanus, quod visum est fuerit, incertum est* | Non istud Stephano indignum, ex his quae priore in parte disputavimus conficies. Et qui ignis consumens est (*Deuter. IV. v. 24.*) qui in dispersitis linguis tamquam ignis apparuit (*Act. cap. II.*); qui facit Angelos suos spiritus, & ministros suos flammam ignis (*Ad Hebr. cap. I. v. 7.*), & quidni in globo huiusmodi igneo Angelum apparere voluerit? Vide tamen ut illorum vestigia Severus premat, qui altiora se ne quaerere, & fortiora se non scrutari, religioni sibi ducebant, & quibus unum pro cunctis Augustinum (*Lib. de Cura pro mortuis gerenda*) loquentem induco. Sic ille (*cap. XI.*): *Quomodo fiant ista nescio, & (cap. XVI.)* „res haec altior est, „quam ut a me possit attingi, ::& ideo quid „horum duorum sit:: definire non audeo, „mallem á scientibus ista perquirere.”

XII. *Gentili sermone Albigistinum* | Romanorum in potestatem cum venissent Baleares, latina lingua fuisse loquutos Aldretio duce (*in Origine Linguae Hispanicae*). Dаметus (*Lib. I. Tit. I. §. 12.*) rectè sentit: & Quid igitur gentilis sermo? Proprium Nostratum vocabulum fuisse putâro, cuiusmodi

Ee

non

non tantum **Provinciae**, sed etiam **Oppida** bené multa sua habent. Serario (*cit. in loco*) Punicum illud verbum visum est ex eo „ quód „ urbes duae, quarum in tota Severiana historia frequens mentio, à Poenis ut Severus scribit, excitatae sunt, & quia ex Hebraea fluxit lingua Punica :: „ Oritur idem „ nomen (subdit) ab hebraeo *Gabis*, & *Elgabis*, ” quod in *Job. XXVIII.*, *Ezech. capp. XIII. v. 13.*, & *XXXVIII. v. 22.* Calmetius tamen in Jobi locum indicatum consulendus.

XIII. *Ab Aegypto perfidiae suae* |; Quanti qualesque viri huiusmodi allegoria delectati! Sed quoniam illos qui laudant multorum manibus teruntur Tertullianum (*Lib. de Baptismo*), Chrysostomum (*Homil. in illud Apost. Nolo vos ignorare cet.*), Sermonis de *Cataclysmo* (*inter Augustinianos*) Parentem, praetermissos tantum nolumus, & ut alia, quae è Liturgicis monumentis erui possent, praeteream, iuvabit meminisse in *Ordine Romano* à Ven. Thomasio vulgato, *Sabbato Sancto Processionem* ad Lateranense Baptisterium indictam, è quo vix dum sacris aquis abluti pedem extulerant, Psalmus *In exitu Israel de Aegypto* canebatur. Causam quam ex Severianis hisce facile quisque intelliget, Grancolasius (*in Comment. de Breviario Romano*)
Vers.

Vers. Latinae pag. 17.) subiicit.

XIV. *Comparabant | Quibuscum Lorinum iudicium coniunxisse suum dicebamus. Addo Bivarium isthaec accuratè persequutum,*

XV. *Verum etiam Israelis nomen meruit | Nam & per Basilium (in I. Isaiae caput), Nazianzenum (Orat. II. de Theologia), Chrysostomum (Homil. in Genes. LVIII.), Augustinum (de Civit. Dei Lib. XVI. cap. 29.), Paulinum (Epist. V.), Salvianum (de Gubernat. Dei Lib. II. cap. 2.), tantundem Israel, ac Deum videns. Neque ab his ablu- dit vetus illa, & magnificentissima quidem Oratio ab Apostolicarum Constitutionum Au- tore (Lib. VII. cap. 15. descripta) „ Deus „ omnipotens :: Deus Israelis verè videntis, „ in Christum credentis populi tui” cet. Conf. & Eruditissimus Fronto Duceus in Paulini Epist. mox laudatam.*

XVI. *Sicut lectione Exodi attestatur | Si lubet, iuniorum Interpretum fors principem Calmetum, ad sacri huius libri capita XIII., & XVI., & quae post mediae aetatis Litur- gicos de Cereo Paschali differentes, Josephus Cathalanus (in Coeremonialis Episcop: Lib. II. cap. 37. §. I.) in unum contulit, con- fert. Addito Baptismum à Maioribus Illu- minationem saepissimè vocari qua de re non- nulla Selvagius (Lib. III. cap. I. §. I num.*

num. 3.), & eius causam à Nazianzeno (*Orat. XL.*) reddi , *quia splendor est, & claritas.*

XVII. *Parvulo :: orbe* [Et apud Hieronymum (*in Epist. ad Ephesios cap. II.*), è Clementis Romani *Epistola* hic locus est: *Oceanus , & mundi qui trans ipsum sunt.*

AD NUM. XVI.

I. *A coniugio viri religione discederet* | Assiduas , mirasque super divortiorum causis à Judaeis Doctoribus lites actas , eosdemque in coniugiorum iuribus ad lubricum solvendis, nullo non tempore paratissimos fuisse , qui dubitet , quem modo laudavi Calmetum (*Dissertat. de Divortiis Commentario in Deuter. praefixa*) adeat. Quemadmodum vero, cum per Coesareas leges , cum Ecclesiasticas Synodorum Illiberitanae (*cap. 19.*), Calcedonensis (*can. 14.*), Arelatensis (*can. 11.*) alias christiano homini Judaeam uxorem ducere , Christianamve Judaeo in matrimonium collocari nefas erat ; Theodori uxor , viro ad christiana sacra traducto , causam maximè iustam oblatam sibi credidisset , eius conditione amplius non utendi , ea potissimum aetate , qua froenum adeo solverat licentia, ut , repagulis omnibus perfractis , etiam sine causa divortia fierent.

II. *Omnis ad Ecclesiam Synagoga confluxit* | Errat proinde Garavius, qui Palmen-
ses Judaeos Christo nomen dedisse anno
MCCCCXXXV. narrans, videri esse; ait,
cur Baleari Maiori gratulari debeamus, quód
hispanas ante alias Urbes Hebraeos quotquot
sinu complectabatur suo Servatoris iugo sua-
vissimo colla subdere viderit.

III. *Sine ullo certamine crediderunt* | Vix
aliud maioribus nostris spectaculum, qui *di-
ves est in misericordia Deus*, ac Nicaenae Sy-
nodi Antistitibus exhibuit, cum Spiridionis
Thremituntini Praesulis opera, Philosophus,
Idolorum cultui, cui tamquam ad saxum ad-
haerescebat, nuntium misit. Accuratissimé hu-
ius rei historiam plerique ad posteros trans-
mittere, Sozomenus praesertim (*Lib. I. cap.*
18.). Lorino autem bene sit, cui & eloquen-
tissimus Segnerius adstipulatus est (*in Pane-
gyr. de S. Steph. Oratione*) quod é Seve-
rianis hisce „notandum iudicavit, & quidem
„vehementer, ut Martyrum Antistitem pe-
„culiarem obstinatae mentis hominum, apud
„Deum patronum, & ut ita dicam domito-
„rem esse agnoscamus, quemadmodum valet
„Sanctorum aliquis ad impetrandam huius
„morbi levationem, alius ad alterius.”

IV. *Credere se in Christo, & Christianos
fieri profitebantur* | Baptismi candidatos, &
fi-

fidem profiteri, & salutari unda se ablui velle, ex vetere more profectum. Illud & PP. benè multi declarant, é quibus Ambrosium (*Lib. II. de Spir. S. cap. X.*), Augustinum (*Lib. de fide, & operibus cap. 9.*, & *Confess. Lib. VIII. cap. 2.*), Optatum (*Lib. V.*), Leonem Magnum (*Serm. IV. in Nativit. Domini*) praeterire nolo, & cum é Calixti, Stephani I. Romanorum Pontificum, Genesii, Savinique *Actis*, tum ex *Ordinibus* Romano, Gelasiano, Gregoriano, Missali Gallicano á Liturgicorum decore Thomasio publici facto iuris, Libris praeterea *Pontificalibus* à Marteneo (*Artic. XIII. cap. I.*) descriptis manifestissimum est. Istud toto ferè Cathecumenatus é stadio planè liquet. Cl. ipse Marteneus *Artic. VI. num. 2.* conferendus.

V. *Centum :: É duos perfidiae suae habens annos* | Breviter iuxta, ac pié Dametus, senis huiusce ad Servatoris Ecclesiam migrationem, divinae Praedestinationis effectum esse animadvertit. Vel unum mihi, é multis, quae animo obversantur insignem senis alius locum sistere fas esto : „ De istis operibus (aiebat Cheremon apud Cassianum *Collat. XII.*), „ Beatus David :: *Benedictus* inquit (*Psalm. LXXVI.*) *Deus Israel*, qui facit mirabilia magna solus. De istis, & Amos Prophe- „ ta (*cap. V. v. 8.*) *Qui facit omnia, & con-* „ vertit

„vertit ea, & transmutat in matutinum um-
bram mortis.”

VI. *Spe futurae vitae* | Dei digito cum Hebraeis, cum Christianis monstratae, á PP., quorum ingentem populum Theologi plerique tam gravi nomine digni producunt, tertio quoquo verbo assertae, cuius & in *Martyrum Actis* creberrima mentio, in *Liturgicis Codicibus* fortassé crebrior, in mutis, sed eloquentissimis Saxis haud infrequens (*Conf. Zacharia extr. cap.*), in fidei formulis, Apostolica, Nicaena, CPolitana, Athanasio adiudicari solita, ad credendum propositae. Haud contemnendam argumentorum copiam, & maximam profectó ex iisdem Sedibus, pro *futuri seculi*, qua de supra Severus, morte depromeres.

VII. *Ad spiritualem reverteretur infantiam* | Quod *Magister in Israel* (*Joan. cap. III. v. 9.*) animo, & cogitatione assequi non poterat, & Jesus Christus luculentissimé exposuit, & Petrus (*I. Epistolae cap. II. v. 2.*), cuius verba Ecclesia, *Dominica*, superiore memoria *Nova*, nostra in *Albis* dicta (*Conf. Selvagius Lib. II. P. II. Cap. V. §. 4. num. 23.*) sua facit, persecutus est, & Tertullianus (*Lib. I. adv. Marcionem cap. 14.*, & in *de Cor. Militis*), Clemens Alexandrinus (*Lib. I. Paedag. cap. 6.*), alii locuple-

pletissimè elucidant, & vetus ille ritus *ut lavacro egressi lactis, ac mellis concordiam prae-gustarent*, Sec. adhuc IX. vicens, satis indicat. Accedant Liturgica illa è Missali Mozarabico (*Orat. post Bened. Fontis*) „ Te de-
 „ precamur Domine Sancte::: ut hanc aquam
 „ benedicas ad gratiam, & perfusi famuli tui
 „ nova restituantur infantia,” & è Sacramen-
 tario Gregoriano (*in Benedictione Fontis*)
 „ ab immaculato divini fontis utero, in no-
 „ vam renata creaturam progenies coelestis
 „ emergat, & quos aut sexus in corpore, aut
 „ aetas discernit in tempore, omnes in unam
 „ pariat gratia mater infantiam.”

VIII. *Ut per Baptismum regenerarentur* |
 Cum Apostolus ad Titum (*Cap. III. v. 5.*)
 scribens: *Lavacrum regenerationis* memorârit,
 eandem ac Severus rem in eundem modum
 extulere Innocentius I. (*Epistolis ad Milevi-
 tanae, & Carthaginensis Synodorum Episco-
 pos, int. August. CLXXXI., & CLXXXII.*),
 Coelestinus (*Epist. ad Episcopos Galliae*),
 Illiberitani Patres (*Can. II.*), Gregorius Nis-
 senus, qui nuper baptismo ablutum (*Orat. in
 Baptism.*) *regenerationis puerum* appellavit,
 Chrysostomus (*Homil. XXV. in Joan.*), Am-
 brosius (*de his qui initiantur Lib. I. cap.
 2.*), Hieronymus (*in Cap. LV. Isaïae*),
 Augustinus saepissimè, Liturgicorum Paren-
 tes

tes librorum creberrimé. Viris summis Ambrosio (*Lib. III. de Sacrament. cap. 7.*), Gelasio, & Gregorio (*in ipsorum Sacramentariis*) probatam Orationem, quam hodie didum fundimus indico: *Deus Omnipotens:: qui te regeneravit ex aqua & Spiritu Sancto* cet. Et Joannei Evangelii initii recitandi, qui in desuetudinem abiit ritum ut recens baptizati intelligerent, se in Christi nomine credentes „ non ex sanguinibus, neque ex voluntate carnis, neque ex voluntate viri, sed „ ex Deo ” natos esse.

AD NUM. XVII.

I. *Qui nuper hanc Provinciam rexit* | Baleares, è quibus septimam Hispaniae Provinciam constitutam *Notitia Imperii* Theodosio Magno Caes. edita, & Anonymus *Libellus Provinciarum Romanarum* à Laurentio Theodoro Gronovio (huius inter Opuscula pag. 29.) vulgatus fidem faciunt. Haec é *Notitiae* Sect. 47. sistimus. „ Sub dispositione Vicarii „ Hispaniarum Consulares = Baeticae, Lusitaniae, Galleciae = Praesides = Tarraconensis, Carthaginensis, Tingitaniae, Insularum Balearium.” Anonymi isthaec sunt: „ In „ Hispania Provinciae numero septem Tarraconensis, Kartaginensis, Baetica, Lusitania,

Ff

,, nia , in quā Emerita , Insulae Baleares³² cet. Vix alia apud Scheelstratium , Gravesonium , Pagium , Florezium legas. Conferendi & eruditissimi Duumviri , qui aureum illud Joan. Marianae opus : *Historia General de España* Valentiae nitidissimis Benedicti Monfortii Typis edunt in Animadvers. ad Tom. II. pagg. 458. & 463.

II. *Et nunc Comes esse dicitur* | Multa de Comitibus Gothofredus (*in Cod. Theodos.*), Pancirolus (*in Notitia Dignitatum*), sed nemo , me iudice , nitidius accuratiusque Josepho Averanio Pisano Antecessore , qui (*Observat. Juris Tom I. Lib. III. c. I.*) Comites ad quatuor classes commodé refert, uniuscuiusque classis varios ordines fuisse animadvertens. Lectorium ad illum pertinuisse Ordinem putâro , in quo *Vacantes* dictos idem ipse Averanius locat , eos nimirum , qui pro Provinciae bené administratae proemio , Comitibus dignitate ornabantur , de quibus *l. post. Cod. de Comit. Vacant.* Non enim , contra quam Dametus existimat , cum Baleares gubernaret Lectorius , Comes iam erat , sed cum *hanc provinciam rexisset* , Comitibus titulo auctus dicitur. Quin & illud adiciam cum penes eundem Provinciae cura esset Comitem non egisse facili negotio persuaderi posse , propterea quôd cum tres Hispania-

paniarum duntaxat Comites ex laudatae Imperii Notitiae Sect. LI. habeamus, primum scilicet, cui Cordubae, alterum cui in Tingitania sedes esset, tertium Limitaneum appellatum, Balearium Praesidi nullum istos inter Comites locum relictum videam.

III. *Sicut utres veteres* | E Servatoris Oraculo (*Marci II. v. 22.*), quod & Tertullianus (*Lib. de Orat. c. I.*), & Gregorius Nisenus, & Chrysologus (*Serm. XXXI.*), & Beda Venerabilis (*in eumd. Marci locum*) similem ad allegoriam divertere.

IV. *Mustum novi Testamenti* | Videsis Blancum in Psalm. CVIII. v. 16., & Lorinum in *Act. cap. II. v. 13.* quem quidem versiculum Arator ita reddidit:

: : : : : „ nova vasa licorem
suscepere novum. ”

V. *Mara lacum* : : : *obdulcescere persensit* | Quamquam nobilissimorum Interpretum populo, Marae aquam naturali virtute in dulcedinem versam libentissime demus, lignum, quo *indulcata est* (*Eccles. XXXVIII. v. 5.*) praeclarum Crucis symbolum praetulisse, cum Tertulliano (*Libro contra Judaeos cap. 13.*), Hieronymo (*Epist. ad Fabiolam de XLII. Mans.*), Augustino (*Quaest. LVII. in Exod.*), Paulino (*Epist. XXXVII.*) aliis tenemus.

VI. *Mirifico verèque coelesti* : : : *odore* |

Qua-

Qualem nimirum ex Beatorum exuviis saepe numero manare vir doctus, doctiorumque iudicio celebris Signius (*in de Reliquiis Cap. III.*) ait : „ peregrinum prae coeteris , eximium , alios odores , quibus homines uti solent , longé superantem , ” cuius multa Lambertinium exempla conglobasse in Exercitatione (*pauló ante clausulam*) diximus. Fortunatus autem Pictaviensis Antistes de Sanctorum Reliquiis universè (*Lib. VI. Opusc. ad Jovin.*) sic cecinit :

„ Suavis iustorum flagrat odor tumulo,
 „ Gratus aura fluens quam spiret amoma Sabaeum,
 „ Thuraque devincens balsama sylva reflat —
 „ Cinnama, caltha, crocus, violae, rosá, lilia cedunt,
 „ Ut similis nullus nare bibatur odor.“ cet.

VII. *Praesentiam Spiritus Sancti* | Haud inepté clari nominis Theologus Thomas Bozcius (*de Signis Eccles. Lib. XV. Signo 64. cap. 8.*) huiusmodi odorem „ insigne divinitatis (SS. pignoribus) inditae argumentum ” dixit. „ Neque enim corpora solum ” (ut more suo , id est praeclaré Hom. de S. Ignat. aiebat Chrysostomus) „ sed etiam conditoria ipsa Sanctorum spiritali gratia sunt „ referta. Etenim si Elisèi tempore quoddam „ accidit eiusmodi, & sepulchrum mortuus attingens mortis vincula dirupit : : : multó nunc „ magis cum abundantior est gratia, cum Spi-

„ ri-

„ritus operatio copiosior est, licet conditorium
 „ipsorum cum fide tangentem magnam inde
 „virtutem attrahere.” Videnda & Paulini in *S. Felicem* Carmina var. in locis Procli Orationis V. Theodoreti contra Graecos VIII. Sermo, alia.

VIII. *Paucissimi senseramus* | Haud insolens ut quae á plerisque, sensibus, Deo volente, percepta fuissent, á paucis perciperentur. Adisis Lambertinium (*Lib. IV. de Serv. Dei Beatificat. P. I. cap. 32. num. 14.*) Confer. etiam Paulinum (ad calcem *Vitae Ambrosii*), Gregorium Turonensem (in *de Gloria Martyrum cap. I.*), & Clementis VIII. in *Canonizat. S. Raymundi Pennafortii Bulla* verba habeto „Ex aperto eius sepulchri „meatu suavis odor quandoque afflatur, qui „ab iis sentitur quos divina bonitas eo munere dignatur,” quae ad Severiana superius descripta (n. scilicet 15.) *columna candidissimi luminis, illorum, quos dignos Dominus iudicavit, se ingessit aspectibus* transferto.

IX. *Fidei ianua* | Haec Lucae (*Act. cap. XIV. v. 26.*) de Paulo & Barnaba verba facientis sunt „Retulerunt: : : quia aperuisset (Deus) gentibus ostium fidei.” Et facillimo opere multa é Re Liturgica heic sistere possemus. Pervagata illa Florentinorum PP. (in *Drecreto unionis*) sententia est : *Baptis-*
mus

mus :: spiritualis vitae ianua.

X. *Pluviam voluntariam segregabit hereditati suae Dominus* | Et Vatic. Severi exemplum, quemadmodum Ambrosius, Augustinus, Mediolanense, & Romanum Psalterium *segregans* refert. Calmetus, & Sabbatearius conferendi. Haud tamen infeliciter Davidicum, quo de sermo, oraculum ad rem Antistes Nostras accomodavit suam, sive *pluviam voluntariam* cum Theodoreto *spontaneam*, sive cum Chaldaeo Interprete *vivificationis*, sive cum aliis *opportunam* intelligamus. Verum de his divini Interpretes plura.

XI. *In odorem unguentorum Christi* | Istam etiam ad Sponsarum omnium beatissimae votum é (*Cantic. cap. I. v. 3.*) allusionem, quæ, neque raro, neque dissimili stylo ea probata, Basilius (*in cap. III. Isaiae*), Augustinus (*Lib. IX. Confess. cap. VII.*), Procopius (*in XXX. Cap. Exodi*), Bernardus quam sæpissimè, adamarunt.

AD NUM. XVIII.

I. *Verbum salutis* | Ecclesiastico é cimiento, quo pacto Zacharias (*Lucae cap. I. vers. 77.*) *scientiam salutis*. Paulus (*Act. XIII. v. 26.*) *verbum salutis*, (*ad Ephesios cap. VI. v. 17.*) *galeam salutis*; *sacramentum salutis*

vis Salvianus (*de Gubernat. Dei Lib. VI. cap. 7.*), *Sacramenta salutis* Cassianus (*Lib. VI. de Incarnatione Domini*); Possidius (*in Vita Augustini cap. IX.*) *verbum salutis*, & id genus alia alii.

II. *Omnem respuens medicinam* | Eadem de perditissimo Nestorio (*celebri in Epist. ad Theodosium*) Coelestinus.

III. *Insanabili incredulitatis vulnere* | Ecclesiastici ex ore (*cap. XXI. v. 4.*) sunt isthaec: *Quasi romphaea bis acuta omnis iniquitas, plagae illius non est sanitas.* Similia in PP. saepé número reperies, quae conglobare maioris esset operae, quam pretii.

IV. *Orationum praeliis adversus Amalech hostem Jesu* | Adstipulatores habet Gregorium Nazianzenum (*Orat. I. al. III. in Julianum*), Tertullianum (*adversus Marcionem Lib. III. cap. 18.*), Hieronymum (*Lib. II. contra Jovinianum*), Uzalensis Anonymi (*Lib. II. cap. 3.*) haec habeto: *ad evincendas caecitatis tenebras* (*Hilara oculis capta*) *quasi adversus Amalech hostem Jesu continuata oratione pugnabat.*

V. *Ducis nostri* | Tantumdem Isaias, Michaeas, Daniel. Consulendi & Origenes (*Homil. II. in Capp. XVII., & XVIII. Numerorum*), Eusebius (*Demonstrationis Evangelicae Lib. VII. cap. 2.*), & ut alios prae-

teream , Theodoretus (*Quaest. XLIII. in Deuteron.*).

VI. *Exercitus* | Vulgatissima illa é *Canticorum cap. VI. v. 3. Terribilis ut castrorum acies ordinata*, & é *cap. VII. v. 1. Quid videbis in Sulamite nisi coros castrorum?* Vulgatissima é PP. eamdem in rem infinita.

VII. *Orationem cunctis indiximus* | Alta dubio procul mente Pontifici Nostrati infixum , quanta publicis , sic loqui iuvat , orationibus vis inesset , quam Matthaei Evangelio (*XVIII. v. 19. , & 20.*), Apostolicis Actis (*XII.*), Ignatio (*Epist. ad Ephes. num. 5.*) , Justino (*in Apol. I.*) , Tertulliano (*Apologet. cap. XXXIX.*), Arnobio (*contra Gentes Lib. I.*), Chrysostomo (*Homil. II. de Prophetiarum obscuritate*), & ne te morer , quotidianis experimentis perspicué demonstrantibus , unus ille in dubitationem vocaret , cui mero meridie caligare placeret. Illud adiicio , precum huiusmodi imperandarum ius , Ecclesiarum penes Moderatores perpetuó constitisse , qui omnium instar esse posset Benedictum XIV. cum illud sartum tectum servandum ediceret *Constit. LXXXII.* (quae in eius Bullar. Tom. I. Edit. Venet. an. 1778. pag. 119. extat), cuius initium : *Quemadmodum preces evincere.*

VIII. *Solo strati* | Quam veré á Hieronymo-

nymo (in *Isaiae cap. XLVI.*) dictum fuerit : *Ecclesiastici moris est genua flectere*, ne longé plures à Pougetio (*P. III. Sect. II. cap. I. v. 4.*) exscriptos commemorem , Arnobius (*Lib. VI.*), Basilius (*Lib. de Spir. Sancto cap. 27.*), Coesarius (*Hom. XXXIV.*) testantur. Alius tamen in precibus , quibus vehementior animi contentio, ut facilius exorari se Deus sineret, exprimebatur, ritus quandoque obtinebat, quem Nostrates forsán usurpasse Severus indicat. Has nimirum qui fundebant, toto pronò corpore, coeleste auxilium implorasse Alexandri Alexandrini Praesulis, & Theodosii (apud Ruffinum *Hist. Eccles. Lib. X. cap. 12.* & *Lib. post. cap. 33.*), Theodorici apud Salvianum (*Lib. VII. de Gubern. Dei cap. 14.*), Rustici, cui par boum abacum, quo de multis Paulinus (*Poem. XVII. sive Nat. VI. in S. Felicem*), Marcelli Apa-meensis Antistitis, Theodoreto (*Lib. V. cap. 21. laud.*) autore, aliorum exempla fidem faciunt indubiam.

IX. *Diu flevimus* | Et precibus ferventioribus socias saepé número fuisse lacrymas ostenderent luculentissimé Tobias, qui (*cap. III.*) *Dominum coepit orare cum lacrymis* :: *prae-cipe in pace recipi spiritum meum*, Juditha, quae (*cap. XIII. v. 6.*) *stetit ante Holo-fernus lectum, orans cum lacrymis*, Esdras, qui

audiens Hebraeos, Idololatrias uxores duxisse, oravit, & flevit, ut ipse (*Lib. I. cap. X. v. 1.*) testis est, Megetiae Mater, qua de multa Anonymus Uzalensis (*Lib. II. cap. 2.*), Augustinus, quem plus vice simplici inter orandum lacrymas fudisse Possidius (*cap. 29.*) narrat, Romani cives ad Laurentii, Prudentius ad Cassiani tumulum, ut ipse litteris prodidit (*in de Coronis Hymn. 2., & 9.*), & ut alios taceam, cum à Ven. Bellarminio in aureo Opusculo de Gemitu Columbae, tum à Lambertinio (*de Serv. Dei Beatificat. Lib. III. cap. 26. num. 10.*) laudatos, Julianus Conchensis Pontifex.

X. *Amen acclamasset* | En ut vocula *Amen orationem obsignari*, praeclare Cyrillus (*Cathec. Mystagog. V.*) dixerit, illa nimirum vocula, qua non solum Ecclesiae, ut quondam Synagogae solemnes preces absolutas, Bona Card. (*Rer. Liturg. Lib. II. cap. V.*) locupletissimè monstrat; verum etiam pro natare fusas Polycarpi, apud Eusebium (*Hist. Lib. IV. cap. 15.*), Pionii, Julittae, Apollonii Diaconi, Abbatis Or, Felicis Tubyzacensis Praesulis, Chrysostomi, Placidi, Sociorumque exempla persuadent. Illorum Acta videnda.

XI. *A Diaboli laqueis* | E PP. bené multi praesto essent, quibus Severiana haec affatim
sa-

Taperent. Multus in illis describendis est Lorinus (in *Psalm. XC. v. 3.*). Multa de iisdem (in *vers. eumd.*) Thomas Le Blanc dabit. Multa & é Liturgica Re in eandem erui possent, atque ita multa, ut vel ex *Ordinibus Baptismi* innumera ferè conglobares.

XII. *Eruta* | Baptismo igitur é doemonis potestate eripimur, sive, quoniam Scholae proprias voces submovere non audemus, *Baptismi effectus est remissio peccatorum*, quemadmodum é divino Novi Foederis Instrumento, Synodorum, Summorumque Pontificum decretis, Patrum etiam sententiis, quos inter Augustino (*de Baptism. Lib. V. cap. 21.*) *Sacramentum remissionis peccatorum* Baptismus simpliciter dictus, Gregorio Nisseno (*laud. Orat.*) *ablutio peccatorum, remissio delictorum*, Theologi doctissimi conficiunt, é Liturgicis Ordinibus tam clarum est, quam cum sudum est, Solis radii, & Quei plura? Haeterodoxis contra sentientibus confutandis, vel saxa ipsa sufficerent, e. g. Maffeianum *Ifoedulae Epitaphium in Antiq. Gallic. Epist. XX.* legendum, cuius alterum disticum profero:

„ Martini quondam proceris sub dextera tinta,

„ Crimina deposuit fonte renata Dei.

Gruteriana Inscriptio ad S. Anastasiae fontes Praef. Urbis Longimani cura, & munificentia egregie ornatos insculpta, & á Zacharia recitata:

„ Qui

- „ Qui peccatorum sordes abolere priorum,
 „ Terrenisque optas maculas absolvere vitam,
 „ Huc ades ad Christi fontem, sacrumque licorem,
 „ Corpus ubi, ac mentes pariter, sensusque lavantur.

Sixti III. Romani Praesulis ad Constantinianum
 Baptisterium elegantissimum Epigramma:

- „ Mergere peccator sacro purgande fluento,
 „ Quem veterem accipiet proferet unda novum.
 „ Insons esse volens isto mundare lavacro,
 „ Seu patrio premeris crimine, seu proprio.“

Ex eleganti quoque Prudentii Hymno *de loco,*
quo Martyres (Emeterus , & Chelidonius)
passi erant, nunc Baptisterium est Calagurri,
quem & eruditissimus Riscus in Hispaniae
Sacrae Tomum XXXIII. Tract. LXIX. cap.
19. num. 31., & in eiusdem Tomi Append.
I. transtulit, digna sunt, quae in rem nostram
isthaec describantur:

- „ Hic etiam liquido fluit indulgentia fonte,
 „ Ac veteres maculas diluit amne novo.
 „ Spiritus aetherio solitus descendere lapsu
 „ Ut dederat palmam, sic tribuit veniam.“

AD NUM. XIX.

I. *Populo suo* | Quanto ego otio diffue-
 rem, si Catholicam societatem hoc nomine de-
 signari multis monstrare aggrederer. Xisti III.
 Summi Antistitis iussu Musivum Opus, cuius
 ex

ex Ciampino imaginem Generius (*in Monum. Antiquit. Clas. IV. n. 2.*) describit, apud Basilicam Liberianam in summo arcus mediae Navis fastigio positum fuisse, cuius haec est Inscriptio: **XISTUS EPISCOPUS PLEBI DEI.**, similesque Felicis III. (aliis IV.), Hilari, Leonis Romanorum quoque Pontificum Epigraphes à Viris eruditissimis allatas, Generium ipsum haud praetermississe, tantum dicam.

II. *Suscepi plané ovem, quam :: : errasse putabamus* | Venustissima allegoria Sacris Vatribus Davidi (*Psalms. CXVIII. vers. 176.*), Isaiae (*cap. LIII. v. 6.*) usurpata, Servatori (*Matth. XVIII., & Lucae XV.*), carissima, Tertulliano (*de Poenit. cap. VIII.*), Cypriano (*Epist. LII. al. 55.*), Hilario (*cap. XVIII. in Matth.*), Paciano (*Epist. I. ad Sympron.*), Augustino (*Serm. XXII. in Psalm. CXVIII.*), Hieronymo (*Epist. ad Damasum de Filio Prod.*), Chrysologo (*Serm. CLXVIII.*) iocunda, Asceticis in deliciis. Et ut Liturgica multa praeteream, in Graecorum *Euchologio* laudato isthaec legas: „*Domine Jesu :: : qui ad ovile ovem errantem, reducis.*”

III. *Cum gemino foetu* | Itaque Parvulos Baptismo mundari fas est, quod nulla non aetate ab optimis usque temporibus in more positum é Siricio (*Epist. ad Himerium*), Zosimo,

simo, apud Augustinum (*Epist. CXC.*), Romanis aliis Antistitibus, è PP. plerisque, non dicam à Bellarminio, Natali Alexandro, Pougetio, Tournellio, sed ab haeterodoxis ipsis hominibus Binghamo (*Orig. Ecclesiasticarum Lib. IX.*), & Walchio (*in Historia Pedo-Baptismi*) productis, ex Liturgicis monumentis à Marteneo (*cap. I. artic. XVIII.*) ex Historicis à Chardonio (*in Historia Baptismi*), ex quantivis pretii lapidibus Flaviae Infantis dulcissimae, quae vixit anno uno, & Mens. III., Florentini :: qui vixit annum, & Menses novem, dies quinque à Generio (*Clas. I. num. 10. & 11.*), aliisque à Zacharia (*cap. XI.*) laudatis, tam dilucidum est, ut nihil magis.

IV. *Revocavi* | Tertulliani (*Lib. de Bapt. cap. XVII.*) totidem voces fuerant: *Dandi* (*Baptismi*) *ius habet summus Sacerdos, qui est Episcopus*, quod & è Divina institutione profectum (*Matth. cap. extr. v. 19. conf.*), & Apostolorum exemplis, Apostolicorum sententiis Virorum, Synodorum Decretis, Veteribus Ordinibus, à iunioribus Theologis, & à Marteneo conglobatis ratum, Baptisteria in Cathedralibus, vel eas propé extructa confirmant, Egregium antiquitatis Monumentum, quod Generius (*Clas. XIII. num. VII.*) sistit, sat superque monstrabit, in quo nimirum &
Co-

Colobio propria Episcoporum veste, & *nimbo*, Episcoporum insigni, qui lustralibus undis *Innocentium* immergit insculptus exhibetur.

AD NUM. XX.

I. *Ante initium Quadragesimae* | Et verbum in Ecclesia natum, & rem verbo signatam non ab heri & nudius tertius invecram, Athanasius (*in Encyclica*), Theophilus (*Epist. II. Paschali*), Chrysostomus multis in Homiliis, illis praesertim quas in IV. Tom. Editionis Montfauconianae legas, Ambrosius (*Lib. III. de Virgin. & Lib. de Elia, & Jeunio*), Hieronymus quam saepissimé, Augustinus (*Epist. ad Januarium LV. al. 119.*), Cassianus (*Collat. XXI., & XXIV.*), & ne plures memorem á Pougetio, aliisque exscriptos, & á Selvagio indicatos, Leo (*Serm. XXXVIII. & seqq. ad usque L.* Edit. Cacciarrii) evincerent.

II. *Paschae celebrata est festivitas* | Vel quód Sacrum ante illius pervigilium, alterum scilicet é diebus solemni Baptismo statis, Magonenses Hebraei in Servatoris familiam commigraissent, vel si alia Vatic. Palat. Codicis lectio *quasi Paschae* placet magis (placere autem sine me rivali poterit), tanta Ecclesia nostra voluptate delibuta fuerit, quanta *Do-*
minica

minica illa antonomasticós Dominica gaudii quondam dicta ob triumphatam à Jesu Christo mortem exhilarari solita erat. Jam vero & *festivitatis* encomium uni omnium Paschae diei maximè quadrare à Synodis, quas Marteneus (*in de antiqua Eccles. Discipl. in divinis celebrandis Officiis cap. XXV.*) laudat, & à Basilio, Gregorio Nazianzeno (*Orat. XIX. & XLII.*), Gregorio Magno (*Hom. XXI.*) Patribus aliis docemur. Conf. & Montfauconius (*Praef. in IV. Chrysost. Oper. Tomi s. VI.*), & Blancus (*in Psalm. CXVII. vers. 23.*).

III. *Ad Ecclesiam constat adiectas* | Similis planè locus in *Apost. Actis cap. V.*: *Apposita est multa turba Domino.* Similes cum in Divinis Litteris, cum in Patribus aliis. E Liturgica penu isthaec eruimus: E Constitutionibus Apostolis adiudicari solitis (*In Orationis Indictione pro Cathecumenis Lib. VIII. cap. 6.*) „ Pro Cathecumenis. Omnes Deum „ invocemus ut benignus exaudiat eorum ob- „ secrationes : : : adjuvet, atque adnumeret „ eos sancto suo gregi, donatis iis lavacro „ regenerationis, ” E Sacramentario Gallicano à Mabillonio vulgato (*Tom. I. Musaei Italici*) *Oratione post Baptismum*: „ Laudes „ & gratias Domino referamus, fratres di- „ lectissimi, quòd augere dignatus est, Ec- „ cle-

„clesiae suae congregationem per caros nos-
 „tros, qui modó baptizati sunt.” E Grae-
 corum Euchologio „haereditatis tuae ovili
 „illum aggrega.” E Sacramentario Grego-
 riano, *Oratione ante benedictionem fontis:*
 „ad creandos novos populos, quos tibi fons
 „baptismatis parturit.” cet.

IV. *Judaicae plebis terram:: recepto ver-
 bi semine* | Memoriae parabolam volvit, quam
Matth. XIII. á v. 3., Marci IV. á v. 3.,
Lucae VIII. á v. 5. non tantum propone-
 re, verum etiam edisserere Christus dignatus
 est, vel Metonymiam Paulo (*Epist. II. ad*
Corinth. cap. IX. v. 10.), Eusebio Coesa-
 riensi, Chrysostomo, Aratori, Prospero, Eu-
 sebio Emiseno, Gregorio, aliis gratissimam.

V. *Fructum iustitiae* | Ex Apostoli *cap.*
I. v. 11. Epist. ad Philippenses gaza. Plura
 huiusdem loci Enarratores dabunt.

VI. *Impendia conferunt* | Vix dum à Cons-
 tantino Rei Christianae pace parta, luculen-
 tissima in Sacris Aedibus aedificandis maiores
 nostros nullo non tempore impensé documen-
 ta dedisse, tametsi cum probatae fidei His-
 torici, cum Ecclesiae columnina, Heliopoli in
 Phoenicia, Tyri ad Mambre, Bethleemi,
 CPoli, in montibus Oliveti, & Calvariae,
 Anthiochiae, Romae, Capuae, Nolae, ali-
 bi gentium excitatas, splendidissimisque mu-

neribus locupletatas diserté non commemorassent, graphicé descripsissent, summis laudibus extulissent; vel Tempia ipsa oculis hodieum fidelibus subiecta, & Inscriptiones à Zacharia (*postremo capite*) allatae, paucae, licet, sed quae satis sint, fateri nos cogerent.

VII. *Etiam humeris saxa comportant* | Quód similem prorsus operam plerique impenderint, digni profectó sunt ut nulla umquam aetas de illorum laudibus conticescat.

AD NUM. XXI.

I. *Post Consulatum Domini Honorii undecimum* | Anno scilicet, ut saepe diximus, Chr. CCCCXVIII., nam, ceu apud Scheelstratium (*Antiq. Illust. Tom. II.*) Pagium utrumque, Seniorem (*in Critica Baronian. Annal.*), & Juniorem (*in Breviar. Histor. Summ. Pontif. ubi de Zosimo*), Gravesonium (*VII. Tabula Chronologica*), & Chronologorum Antistitem Petavium (*Rationarii Temp. Tom. I.*) videre licet, superiore anno undecimum Honorius Consulatum, Constantius secundum gesserant; & hos idcirco Nostras memorat, quód iisdem, ut Nicolaus Antonius superius coniebat, subrogatos ignoraret, quemadmodum non alia, ni fallar, de causa binis Innocentii I.

Epis-

Epistolis laudatis, altera ad *Aurelium*, coet-
 rosque *Carthaginensis Synodi Antistites*, al-
 tera ad *Aurelium ipsum*, & quatuor alios *Epis-*
copos, (*CLXXXI.*, & *CLXXXIII.* inter
Augustinianas), in *Carthaginensis Collationis*
Actis, in *Synodi Ephesinae Monumentis*, in
 aliorum ad alios litteris proximi anni *Coss.* no-
 mina praemissa, vel subiecta sunt. *Baronius*
 (*Nota in Martyrologium Rom. citata*), *Se-*
verianam Epistolam, „ *Coss. Asclepiodoto*, &
 „ *Martiniano*, id est anno *CCCCXXIII.* scrip-
 „ tam haberi ” ait, quod non de omnibus
 eiusdem exemplis intelligendum puto, sed il-
 los aliud, alios aliud *Coss.* referre, ut taceam
 alio prorsus anno, quas *Nostras* prodit res geri,
 alio litteris mandari potuisse.

II. *Constantio iterum victore* | Dignus cer-
 tē erat *Constantius*, qui ob *Constantium Gal-*
liae Tyrannum superiore anno debellatum,
 cum non multo pridem de *Attalo* triumphum
 splendidissimum egisset, magnifico *Victoris*
 praeconio ornaretur.

III. *Peccatoris* | Ne operis, quod illius
 virtus est, primo medium, medio inum dis-
 creparet, violentus ille *Pelagii* error, heic
 obiter impetitus, quem *Prosper* (*Carm. de In-*
gratis) sic exprimit:

„ Possē hominem sine peccato decurrere vitam

„ Si velit, ut potuit nullo delinquere primus

„ Li-

,, Libertate sua, ⁵⁹ :::::::::::::::
 quem Prosper ipse (*eodem Carmine*, & in
Epigrammat.), Hieronymo (*Dialogis adver-*
sus Pelagianos, & *Epist. ad Ctesiphontem*),
 Orosio (in *Apologetico*), Mercatore (in *Com-*
monitorio), Hypognosticon Librorum parente,
 Augustino (*Lib. de merit. & rem. peccatorum*,
 & *de Natura, & Gratia*, *Epist. al. CVI.* nunc
CLXXXVI., & aliis locis) praeuentibus, ever-
 tit, Ecclesiastica Decreta Innocentii I. Patri-
 bus Carthaginensis, & Milevitani Conciliorum
 rescribentis, ipsius Milevitanae Synodi *Canon*
VI., Carthaginensis anno 418. habitae *Can.*
VIII., Arausicanae II. *Can. XXII.* profligant.

IV. *Forsitan illud* cet. | Nec ultra pruden-
 tiaae leges, Severus heic conatus tendit suos.
 Quid de extremi Judicii tempore Apostoli à
 J. Christo (*Act. I. v. 7.*), quid à Paulo Thes-
 salonicenses (*Epist. I. Cap. V.*) docti fuissent
 penitus perspexerat. Verum quod sequiore
 memoria (quâ ad lubidinem, quâ ad terro-
 rem, quâ ad insaniam) in vulgus creberrimè
 sparsum est, Veteribus plerisque, & haud as-
 pernandis argumentis permotis, supremum iam
 iam mundo diem imminere visum fuerat,
 quos inter, ut ex innumeris à Maluenda
 (*Lib. I. de Anti-Christo*), & Calmeto (*Dis-*
sert. de Anti-Christo Commentario in Epist.
ad Galatas praemissa) appellatis, paucos no-
 minem,

minem , Cyprianus (*Epist. LVI. al. 53., & LXVIII. al. 67.*), Hilarius (*Lib. contra Auxentium initio*), Basilus (*Epist. LXXI.*), Martinus Turonensis apud Sulpitium (*Dialogo I.*) Ambrosius (*Orat. de Obitu Satyri*), Hesychius Salonitanus Praesul (*Epist. inter Augustinianas CXCVIII. aliis 78.*) Ergo quae plurimum invaluerat opinioni, multóque post latius pervagata est, nihil Praesul Nostras ereptum ivit, quin aliquantulum adstipulatus est, tamquam extra dubitationem positae decretorium calculum non adiecit. Sic Apostolico oraculo *Epist. ad Romanos cap. XI. vers. 25., & 26.* comprehenso, cuius vim eo pacto assequebatur, quo Origenes, Ambrosius, Joannes etiam Chrysostomus, Thomas Aquinas, alii, suus constitit honos, eadem animadversione, qua mox memoratum Hesychium Augustinus (*Epist. CXCIX. al. 80.*) à sententia dimovere conabatur utitur, Virorum in Ecclesia praestantium iudicium probabile arbitratur.

V. *Extremo terrae* | Remotissimo terrarum angulo, quo prorsus verbo David, Isaias, locis a Calmeto (*in Diction. Biblico V. Extremus*) descriptis, eandem rem indicaverunt.

ERRATA

CORRIGITO

Pag. Not. lin.

I.	5.	verisima	verissima
IV.	3.	substraxissem . . .	subtraxissem
V.	2.	Lyconis	Glyconis
VII.	7.	porprij	proprij
IX.	7.	Ne quicquam . .	Nequicquam
5. (a)	2.	&	cum
16. (b)	2.	Lorino	Lorinus
18. (a)	7.	Rom.	Venet.
22.	1.	soepe	saepé
25.	3.	passa est	fecit
25.	12.	eiusmodi	eius
33. (c)	6.	seqq.	seqq. legendae
35.	15.	soepe	saepé
47.	1.	fuit "	fuit",referentia
50.	9.	lex que	lexque
94.	14.	Latinae	Ausoniae
122.	9.	in viis	inviis
167.	27.	sarcina	sarcinam
188.	15.	Antistitis . . .	Levitarum Antistitis
227.	7.	cet. Et	cet., &
231.	4.	var.	variis

Reliqua tute ipse benevolé emmendabis.

CORRIGITO

CELESTIA

1844

1844	1844	1844
1844	1844	1844
1844	1844	1844
1844	1844	1844
1844	1844	1844
1844	1844	1844

1844

1844

1844

1844





